

北平孫退谷庚子銷夏記

C. T. LOO & CO.

41 EAST 57th STREET

NEW YORK, N. Y.

NO.

532

HGT.


4 vols

LENG.



MADE IN CHINA





東子肖金龜信

北平紹聖谷著



北平孫退谷著

庚子銷夏記



庚子銷夏記者北平孫退谷先生評隲其所見晉  
唐以來名人書畫之所作也鉤元挾奧題中署乙  
足以廣見聞而益神智其鑒裁精審古人當必引  
為知己余尤愛其有恬曠之懷蕭閒之致雖今昔  
聚散之慨所不能無而亦不至吝情太甚以視趙  
德父之欲求適意而反取慄慄者固不同哉曩余  
於黃崑圃先生家見退谷手書畿輔人物志彙數  
十幀秀勁可喜此書自云晚得米襄陽墨跡始悟  
晉法其書之工宜也退谷萬卷樓藏書今大半在  
黃氏昆季家而記中所載之緼素卷軸又不知散



歸誰氏其所著書如格致錄崇禎山書天府廣記  
藤陰劄記諸書皆在刊本之外此書余當時未之  
見或偶遺之未可知也庠子歲為順治十七年退  
谷是時年幾七十矣既耄猶能以好古著書自娛  
又歲一周而為壬子當康熙之十一年更為尚書  
作集解隱然以伏生自喻論者雖不許之然與退  
谷同時人有初亦矯々自附正人而垂老頽放惑  
以器志猶復吁嗟憤懣進退無據徒貽後人之嘲  
嗤者其賢不肖相去何如也鮑子以文媚學好古  
汲々如恐不及其搜集先哲遺文甚富得是記校



讐完好鄭子弗人雅有同志讀而愛之相與謀壽  
諸梓旣成請余弁其端余惟退谷負當世盛名居  
輦轂之下四方士大夫多樂從之遊故能致天下  
之奇珍秘寶以供其題品其後吾鄉有高澹人詹  
事供奉

內廷日久得見秘閣之所儲著江村消夏錄亦此  
書之類也士之欲納羅舊臨摩娑玩賞以振發其  
耳目者何限而力不能如二公但据所云々者觀  
之猶當有所會焉且以金石之堅也有時而刻而  
泐況於楮墨絹素之幾々者然則古人之名筆或



不盡傳而是書得傳其亦古人之精神所寄矣是  
二君刻是書之志也夫

乾隆辛巳六月盧文弨書于暨陽書院之輩學軒



庚子銷夏記目次

卷一

右軍裹鮓帖

王子敬地黃湯帖

陸東之書陸機文賦

孫過庭書譜墨跡

宋秘閣續帖書譜

宋太清樓書譜

宋刻楷書書譜

張長史草書墨跡



褚河南書孝經閣立本畫

王維伏生圖

徐季海書心經墨跡

朱子城南二十詠墨跡

范文正與尹師魯二帖

歐陽文忠公集古錄跋尾墨跡

蘓米墨寶小冊

蘓子瞻苦雨詩墨跡

米元章小字天馬賦墨跡

米元章大字天馬賦墨跡



黃魯直松風閣詩墨跡

黃魯直書諸上座

薛道祖詩卷

秦少游論書帖

宋高宗御書毛詩馬和之補圖

宋憲聖皇后書養蠶圖

趙樂易篆書

黃伯思書黃庭內景經墨跡

陸放翁詩稿

鮮于伯幾書杜詩



卷二

趙子昂千文墨跡

趙子昂臨絕交書

趙子昂自書詩稿

趙子昂書所臨馬和之毛詩圖

趙子昂書陶詩小楷

趙子昂天馬圖

龔醒予山水畫卷

楊補之孤竹圖

趙子固水仙卷



C. T. LOO, INC.  
41 EAST 57TH STREET  
NEW YORK 22, N. Y.

倪雲林六君子圖

倪雲林師子林圖

黃子久天台石壁圖

黃子久小幅山水

王蒙松山書屋圖

王蒙靈石草堂圖

吳仲圭鰲湖圖

吳仲圭松泉圖

王元章畫梅

錢舜舉山居圖



商琦山水卷

李息齋墨竹

管夫人墨竹

黃筌翠竹圖

文與可大幅竹

東坡墨竹

趙松雪枯木竹石

趙仲穆長椿圖

卷三

宋迪山水卷

郭熙樹色平遠圖

李伯時袁安卧雪圖

李伯時臨唐韋偃放牧圖

李伯時九歌圖

李伯時高士圖

王詵設色山水卷

胡瓌番犬圖

易元吉猴猫圖

趙千里待渡圖

趙千里花鳥



劉松年成王問道圖

劉松年東山絲竹圖

僧超然山水

趙昌菡萏圖

荆浩山水

荆浩廬山圖

關仝山水

關仝江山漁艇圖

關仝匡廬清曉圖

僧巨然林汀遠渚圖

巨然秋塘羣鷺圖

李成寒林圖

范寬夏山圖

許道寧山居圖

米元章山水小幅

米元暉白雲出岫圖

不知名洛神圖

宋徽宗柳鴉蘆雁圖

趙子昂青綠山水

戴文進靈谷春雲圖



沈石田煮雪圖

沈石田天平山圖

沈石田松蘿高士圖

沈石田松壑圖

沈石田蕉林圖

沈石田江皋寄傲圖

沈石田江山一覽圖

沈石田看花圖

沈石田有竹莊賞月圖

沈石田菱舂圖

沈石田畫冊

明沈石田唐六如文衡山陸邑山四家畫冊

唐六如秋山攜琴圖

唐六如山靜日長圖

文衡山雪山圖

文衡山雨山圖

文衡山江深草閣圖

文衡山設色山水

文衡山寫東坡詩意

董文敏松風流水圖



董文敏金箋山水

董文敏仿北苑画

董文敏仿北苑画

董文敏山水卷

邹衣白仿黄子久

邹衣白小幅山水

李長蘅画册

吴艷菴冬日賞菊圖

杜堇畫

卷四

宋賜畢文簡淳化閣帖

宋賜本大觀太清樓帖

宋拓絳帖

潭帖

定武穠帖肥本

定武穠帖瘦本

右軍黃庭經

二王洛神賦

澄清堂帖

夏禹衡岳碑

周穆王壇山刻石



周宣王石鼓文

卷五

孔子季札墓題字

李斯太山碑斷本

徐鉉摹嶧山銘

五鳳二年殘字

蔡邕石經殘字

東漢仙集留題字

漢冀州刺史張表碑

漢魯相韓勅造孔廟禮器碑

漢魯相乙暎請置百石卒史孔和碑

漢魯相史晨孔子廟前後碑

漢太山都尉孔宙碑

漢博陵太守孔宙碑

漢郃陽令曹全碑

漢北海相景君碑

漢淳于長夏承碑

漢司隸校尉魯峻碑

漢執金吾丞武榮碑

漢竹邑侯張壽碑



漢巴郡太守樊敏碑

漢蕩陰令張遷碑

漢李翕析里橋郾閣頌

漢白石神君碑

魏百官勸進碑

魏受禪碑

黃初制命碑

鍾繇賀捷表

鍾繇薦季直表

王右軍臨鍾繇力命表墓田帖

王右軍黃庭經

王右軍樂毅論

王右軍東方朔畫贊

王右軍曹娥碑

王右軍筆陣圖

王右軍十七帖

卷六

隋皇甫誕碑

隋僧智永千文

隋龍藏寺碑



唐刻虞世南孔子廟堂碑

五代重刻廟堂碑

虞永興破邪論

虞世南昭仁寺碑

褚河南孟法師碑

褚河南同州聖教序記

褚河南雁塔聖教序記

褚書倪寬贊

褚書度人經

褚書小楷陰符經

C. Y. LOO, INC.  
41 EAST 57TH STREET  
NEW YORK 22, N. Y.

褚書草字陰符經

僧懷仁集字聖教序

高宗萬年宮銘  
碑陰題名

元宗紀太山銘

歐陽詢書醴泉銘

歐陽詢化度寺舍利塔銘

歐陽詢溫虞公碑

歐陽詢九歌

歐陽詢心經

歐陽通道因法師碑



李北海雲麾將軍李思訓碑

李書岳麓寺碑

李書歙州刺史葉慧明碑

顏魯公書郭氏家廟碑

顏書臧懷恪碑

顏書東方先生画像贊

顏氏家廟碑

顏書八關齋會碑

顏書宋文貞碑

顏書千福寺多寶佛塔碑

顏真卿華岳題名

顏書麻姑仙壇記

顏魯公爭坐位稿及二祭文稿

魯公鹿脯帖

顏書清遠道士詩及和韻

顏魯公忠義堂帖

徐季海題經記

卷七

柳公權神策軍紀聖德碑

柳書崔太師碑



卷二 金石記  
柳書馮宿碑

柳書李晟碑

柳書苻璘碑

柳書元秘塔碑

柳小楷護命經

蘓靈芝書寶樹頌

史惟則分書大智禪師碑

李陽冰篆書李氏三墳記

絳州碧落碑

王知敬書李靖碑

蘭陵公主碑

中書令崔敦禮碑

褚亮碑

尚書張允碑

裴休書圭峰碑

張增書段行琛碑

曲阜縣文宣王廟碑

陸榮書陀羅尼經

唐房嶙妻高氏書鐵弥勒像頌

僧元可書寂照禪師碑

僧建初書元奘塔銘

呂秀巖書景教流行中國碑

龐仁顯小楷三經

宋貢士書西明寺塔銘

韓魏公北岳廟記

蘓文忠書溫公碑

蘓文忠小楷謝啓

蘓文忠仙遊壇題字

蘓文忠海棠詩斷石

米元章書顏魯公碑陰



米元章蕪湖新學記

米元章明道觀壁記

米元章天衣懷禪師碑

黃山谷狄梁公碑

黃山谷題琴師元公此君軒詩

蔡忠惠萬安橋記

蔡君謨荔枝譜

蔡君謨茶錄

宋翻刻唐人高從書盟谷序

宋高宗藉田手詔

盧經書慎刑箴

集唐人書道士于貞菴記

僧參寥書三十六峰賦

朱子題愚叟墓

龔敦頤書陸宣公祠堂記

金脩中岳廟碑

王庭筠書博州學廡碑

汴州普照寺興造記

趙文敏書張留孫碑

趙文敏書張留孫畫像贊

趙文敏書僧裕公碑

趙文敏書漢番君廟碑

趙文敏書道士孫道行碑

趙文敏書捐施題名記

趙文敏書千文

趙文敏書姜白石續書譜

趙文敏書枯樹賦

趙世延書昭德殿碑

鮮于樞書蕭山文廟碑

夏溥書融堂先生墓記



姚燧書重陽仙迹記

趙良弼默菴記

危素書崇國寺碑

王龍澤麗澤書院記

黃石齋書孝徑

卷八 寓目記

顧愷之列女傳仁智圖

陸探微金騰圖

史道碩八駿圖

吳道元地藏變相

閻立本帝王圖

燕文貴山水卷

衛賢高士圖

顧宏中夜宴圖

李伯時山莊圖

趙千里桃源圖

張擇端清明上河圖

陳所翁畫龍

閻立本十八學士圖

王翬明石梁秋瀑圖

王右丞捕魚圖

韓滉七賢過関圖

宋耆英會圖

匡廬十八賢圖

宋徽宗草書千文

蘓東坡相

謝太傅相

唐韋莊借樂章帖

黃山谷草書杜詩

蘓東坡書前赤壁賦



趙子昂楷書姜白石蘭亭攷

蜀僧令宗画六祖儔

宋本淳化帖

王大令洛神賦十三行

朱文公墨跡

北齊勘書圖

懷素小字千文墨迹

南唐曲燕圖

不碍雲山樓圖

褚撫蘭亭墨本

黃山谷陰真君詩

張尚書小相

黃山谷贈元師詩

劉松年畫卷

趙伯駒畫魚長卷

馬遠紅梅

任月山高士圖

十八學士圖

高宗瑞應圖

伯顏不花鼠圖

韓滉豐樂圖

戴嵩鬪牛圖

貫休羅漢

李龍眠羅漢

范華原華山圖

渡水神駿圖

瀟湘八景圖

趙德麟周公輔成王圖

王荊公天香雲嶠圖

王荊明惠麓小隱圖



退谷先生際滄桑之後杜門却軌日以書畫自  
娛名迹燦然備著於錄周草窓之雲烟錄都  
南濠之寓意編不是過也偶於吳下鈔得之竊  
有貧兒暴富之喜惜多悞書無從是正紙牕竹  
屋風雨蕭然惟遲吾友身山居士來焚香瀹  
茗細商略之

乾隆乙亥除夕前二日鮑廷博書於知不足齋

庚子銷夏記目次畢

庚子銷夏記卷一

庚子四月之朔天氣漸炎晨起坐東籬書舍注易  
數行開目少坐令此中湛然無一物再隨意讀陶  
韋李杜詩韓歐王曾諸家文及重訂所著夢餘錄  
人物志諸書倦則取古柴窑小枕偃卧南窓下自  
烹所蓄茗連啜數小盃或入書閣整頓架上書或  
坐藤下撫摩雙石或登小臺望郊壇烟樹倘佯少  
許復入書舍取法書名畫一二種反復詳飭盡領  
其致然後仍置原處開扉屏息而坐家居已久人  
鮮過者然亦不欲晤人老人畏熱或免蒸灼之苦

卷一 金石記  
一  
矣選谷逸叟記

右軍裹鮓帖

裹鮓帖十八字是唐人雙鉤古人草書以右軍為  
第一神行官止脩盡作草之法如大令之連綿已  
失家學矣米海嶽書史載此帖為薛道祖所收今  
帖上有道祖自書名並宏文印又元章一印或在  
道祖家見之而用此印乎後米友仁手題字亦勁  
拔元人下臨安得之於宋又有亡宋南廊庫長條  
記滄桑後西川柳鳳占收得予偕之上石後回揚  
州竟歸余又於山西張氏寓見右軍此事帖亦唐



人雙鉤與裏鮓帖相類云是太倉王氏家物紙尾  
有賈氏悅生印曾入金源御府又有明昌諸印題  
簽隸書吳匏菴云是金章宗手筆余嘗言世無晉  
蹟得唐人鉤摹本足矣不然得米老臨本亦足矣  
趙松雪自負賞鑒者如右軍思想帖乃雙鉤本也  
大德中子昂同霍肅周密郭天錫張伯淳廉希貢  
馬昫高簣成楊冑堂王芝鄧文原觀於鮮于伯幾  
池上子昂跋謂右軍真蹟有龍跳天門虎卧鳳闌  
之勢觀者咨嗟歎賞神物之難遇是不知為雙鉤  
本也又右軍大道帖十字是米南宮所臨至元中

子昂跋為世間神物有能龍片石刻以傳遠僕願  
供摹搨之役是亦不知為臨本也蓋世斷無晉人  
之蹟華氏刻真賞齋帖謂薦季直表乃鍾元常墨  
蹟豈其然乎

王子敬地黃湯帖

子敬地黃湯帖一紙後有秋壑印文三槁跋謂其  
祖得之龍游士紳家衡山先生每以自隨王雅宜  
見而健羨乃歸之及雅宜歿復歸文氏三槁稱為  
唐鉤之宸佳者余細貺之筆意全是米老知為海  
嶽臨本又如右軍東山帖乃米老書吳江村竟刻

入王帖中墨蹟在嘉禾曹秋岳處裝入米卷余借之刻米帖中

陸柬之書陸機文賦

世傳王右軍有所書文賦不知海內尚有搨本否至柬之所書則精絕一世字字員秀脫胎於蘭亭而帶有其舅氏虞永興之逸致遂覺機法雙絕陸司議書世不多見元人李憺云在世者止蘭亭詩蘭若碑与此而三歐陽圭齋謂蘭亭詩已毀於赭寇之亂是在世者益尠且累累千餘字而紙色完好是海內第一奇蹟也卷舊在元人李憺家憺字



士宏號員嶠真逸

按蘭亭詩近海昌陳氏刻於渤海藏真帖中

陸司議蓋見蘭亭墨蹟者昔人稱其用綠麻紙臨  
蘭亭押尾署陸司議書家為精工惜今不傳矣所  
書文賦風骨內含神采外映真得蘭亭之髓者不  
獨皮貌相肖也趙子昂晚年書法大進人言其得  
力於定武蘭亭而不知全摹司議此卷後有子昂  
一跋云唐陸柬之行書文賦真蹟唐初善書者稱  
歐虞褚薛若以書法論之豈在四子下耶然世罕  
有其蹟故知之者希耳字法竟摹司議歐陽元云  
近代米元章書矯亢跌宕世咸稱其自創一法乃

不知其全學東之頭陀寺碑耳元章閱而不言以  
陸書少傳於世也若文賦累千百言當為方今陸  
帖第一又云東之本虞世南甥書法得於渭陽而  
神俊過之揭傒斯云唐人法書結體遒勁有晉人  
風格者惟見此卷雖若隋僧智永猶恨嫵媚太多  
齊整太過前人推尊之如此予所見唐蹟寔心折  
者惟書譜及此

孫過庭書譜墨蹟

唐初諸人無一不摹右軍然皆有蹊徑可尋獨孫  
虔禮之書譜天真瀟灑掉臂獨行無意求合而無

不宛合此有唐第一妙腕余垂髫時見文氏停雲  
館帖中有此書愛之後見宋人刻本以為觀止矣  
甲申忽覩此卷驚歎欲絕以市賈索價太昂不能  
收惜惋竟日卷上有宋高宗徽宗雙龍璽及宣和  
小璽卷中五乖也下少一百三十字漢末張伯英下  
少一百六十八字虞伯生臨秘閣帖補之後越六年  
復見於西川士夫家以予愛之特甚乃許購得已  
將虞所補並後跋割去時一披閱覺宋人所刻尚  
在影響之間而停雲館不足言矣

宋秘閣續帖書譜



書譜石本以秘閣為勝視墨蹟稍肥然神韻宛存  
非他刻所能及也予覓之經年始得此本惜首缺  
十餘行

宗太清樓書譜

太清樓書譜視秘閣稍瘦其率意處無不與墨蹟  
相合道君與蔡元長皆精於書法者故工緻至此  
予覓之數年廼得此本

宋刻楷書書譜

孫虔禮書  
余所見墨蹟及宋人刻本皆草書也  
然又有正書本字法勁秀大有鍾王遺意前人所

絕未語及也後有嘉定字豈彼時上石乎虔禮書  
有訛字皆從旁注之吳說一跋書亦工惜不全吳說  
字傳明南渡後擅書名跋云若評法書當以鍾王  
為初祖欲學王法當以過庭為指南此確論也

張長史旭草書墨蹟

長史自言帖紙用唐大麻字法圓轉而左規右矩  
深得山陰遺法予舊有其四時帖狂逸之甚殆偽  
書耳甲申後得此六十餘字真鴻寶也上有多印  
滅沒不可辨識惟天水雙龍璽及內府圖書奉華  
寶箴諸印尚存奉華堂乃宋高宗內侍劉夫人所

居之室也高宗所得珍秘悉令掌之用此印鈐識然非極品不輕用也

褚河南遂良書孝經閣立本畫

河南書法剛正類其人昔評者謂如嬋娟不勝羅綺未然也所書孝經一卷閣立本畫滄桑後得之故內簽題云顏真卿書周昉畫外有一朱函盛之則題云褚遂良書閣立本畫蓋題簽者乃武英殿中書以為字類麻姑壇記故以為顏耳不知非顏也當以朱函刻字為正宋人范思正有河南所書靈寶度人經亦立本畫字法與此無豪髮異尤其佐



評耳

唐王維伏生圖

摩詰妙畫傳世者人止知有江干雪霽圖余曾一見之乃後人臨本至人物之妙有非唐人所能及者伏生圖一老儒生伏几而坐手持一卷乃授經圖也宋高宗題簽云王維寫濟南伏生上用乾卦小圓壘卷舊在金陵黃琳家顧遜園客座贅譚載都元敬嘗在黃羨之家見此圖驚歎不置不知何年入故內今復傳出

徐季海浩書心經墨蹟

徐季海心經一冊書法隸中帶有篆籀脫胎於石鼓  
文視世傳所書嵩陽觀碑殆為勝之予已上石矣帖  
上有天水雙龍小璽乃黃山谷所藏亦有其印

唐人墨蹟傳世者甚少滄桑後如曹嘉禾溶所收  
林緯乾帖李江右元鼎所收韋莊樂章李西蜀迎  
暎所收懷素小字千文東孝廉蔭商所收顏魯公  
送劉太冲序皆唐蹟之佳者予借之硯山齋把玩  
彌日今書與人散杳如海外三山矣

東孝廉號雲雛博學能詩計偕來京余時杜門謝  
客廼叩閤而請曰千里思晤幸以魯公為介紹予

金夏詩卷一  
奇其人乃進而與飲

朱元晦城南二十詠墨蹟

朱夫子和敬夫先生城南二十詠字法俊逸大有  
晉人風致而詩之清遠亦非宋人所能及元尚書  
干文傳得之於婺源以贈常熟錢伯廣錢氏居於  
城南遂搆城南齋刻詩其中而黃文獻潛為之記  
至楊廉夫又錄敬夫原詩於其後惜不得當日張  
宣公手書與文公書合成一卷耳余舊有先生或  
問手稿一卷前畫先生小像惜為有力者攫去見  
此益為惘然



晦翁在泐東時侍御史謝廓然陳貫秘書郎趙彥  
仲首攻之後以提刑召對人恐其遂陟清要唆侍  
郎林栗極論之謂其為亂人之首及韓侂冑用事  
則御史林采施康年攻為偽學是時言官以晦翁  
為奇偵御史胡紘嘗謁晦翁山中飯以脫粟怒之  
與太常沈繼祖共詆其十罪汪義端余嘉又請斬  
之以絕偽學京鏜何澹輩謂其講學山中棄母不  
養使其乞食親黨小人誣陷之惟恐不至方林栗  
上疏時其友人止之謂朱待制當今聖賢何仇而  
必欲痛詆林曰吾見其面貌可憎擊邪人非詆聖

賢也友人曰昔人指孔子爲巷家狗或亦見其面  
貌可憎耳林曰使孔子而在吾亦不辭爲叔孫武  
叔況此么麼嗟乎小人無忌憚一至於此未幾晦  
翁舉世仰之如山斗得其片楮隻字寶如琬琰則  
當日小人殊足憐不足惡也故士君子立身行已有  
終身之憂無一朝之患閔先生遺墨謾記於此時  
庚子四月初九日

范文正仲淹與尹師魯洙二帖

范文正書昔人謂得之樂毅論觀與尹師魯二帖  
清勁可見其人卷中有樓鑰洪邁楊萬里胡助柳

貫黃潛鄭僖吳寬王世貞諸跋

按景祐二年范公上論遷都事與呂文靖異議黜  
知饒州秘書丞集賢校理余靖言加罪言者非太  
平之政坐落職監筠州酒稅而太子中允館閣校  
勘尹洙又言范某義兼師友乞從降黜亦坐貶崇  
信軍節度掌書記監郢州酒稅其後公鎮鄧尹公  
再貶監筠州酒稅昇疾來鄧以存歿託公公急至  
尹所尹已瞑聞公至復開目向公拱手曰也無鬼  
神也無恐怖如此而已復瞑若二公者真千載以  
上人也况親見其往來手札何忝如之



歐陽文忠集古錄跋尾墨蹟

文忠集古錄千卷皆手題之古今鉅觀也公精於書學所題一筆一畫豪無懈怠即此亦見公一班公沒世未久錄已漫散此四跋尾一為西嶽華山碑一為漢楊君碑一為平泉山居草木記一為陸文學傳崇寧中在趙明誠德父家後有其手題德父亦有金石錄二千卷蓋博雅君子也文忠公文章事業炳燿千古其手書又精工如是真希世珍後跋者有米元章韓元吉朱晦翁尤袤洪邁方從義胡儼李賢諸公亦他卷所未有也

自歐陽公爲集古錄後曾子固亦作金石錄五百  
卷趙明誠作金石錄二千卷葉石林取碑所載事  
與史不合者爲金石類考五十卷洪文達适集漢  
魏閒碑爲隸釋凡四十八卷昭武李內類其所有  
夏后氏竟五代爲博古圖亦千卷近代楊慎有金  
石古文十四卷然如漢尹宙碑曹全碑出自近日  
集中不載博物一事亦君子所不廢也予見朱文  
公集云予少好古金石文字家貧不能有其書獨  
時取歐陽子所集錄觀其叙跋辨証之辭以爲樂  
遇適意時恍然若手摩挲其金石而目了其文義

也既又悵然自恨身貧賤居處屏遠弗能盡致所欲得如公之為者或寢食不怡竟日來泉南又得東武趙氏金石錄觀之大略如歐陽子書然銓序益條理考証益精博予心益好之於是始祛其囊得先君子時所藏與熹後所增益者凡數十種雖不多要皆奇古可貺悉皆標飾曰其刻石大小施橫軸縣之壁閒坐對循行卧起恆不去目前不待披篋篋卷舒把玩而後為適也蓋漢魏以前刻石制度簡樸或出奇詭皆有可觀存之足以佐嗜古者良非小助其近世刻石本製小者或為橫卷若



書帙亦以意所便也。蓋歐陽子書一千卷，趙氏書多倍之，而予欲以此數十種者，還而與之，並則誠若不可冀然。安知積之久，則不若是其富也耶？觀朱文公之所好，則政不必以玩物為喪志也。集按此則集中不載，下疑有脫誤。博物下或另是一則，今仍其舊。

### 蘓米墨寶小冊

坡公與質翁帖一紙，計七十餘字，原在仇山村家。後有其手跋，又米襄陽帖二紙，皆晚年書，精妙之甚。三帖原裝一卷，既於市傭得，米小字一紙，又左旦明贈漣水陳生帖三段。此三段已刻紹興米帖。

厚二金夏言卷一  
內戊戌山中合裝之

余少年學米帖不得其運筆結構之妙徒得離奇  
遂入傾欹一路後乃痛改之近年玩其墨蹟始悟  
晉法宋思陵云近人書存晉法者惟米芾及薛紹  
彭耳信然

年來所見米蹟如朱南昌徽長卷之魏泰酬和詩  
稿曹嘉禾溶長卷之叔晦帖淡墨秋山詩稿超逸  
絕倫未多有也余借之上石今卷與人杳寧無遐  
思

蘓子瞻苦雨詩墨蹟

苦雨五言古詩乃坡公元豐六年八月六日書字  
凡五百有餘指頂行楷神韻脩足坡公最屬意之  
書也予於崇禎壬午得之吏部黃襄兵亂失之賈  
人仍持來售亦奇緣也

傳世者米書多蘇書少蓋以當時黨禁人不敢收  
蘇氏文字存者多付之水火今之行世者皆燼餘  
也坡公嘗自評其書吾書骨撐肉肉沒骨又曰吾  
書雖未工自出新意不淺又每書輒多留餘紙曰  
以待五百年後人題跋然公書一至南渡已重如  
拱璧寧待五百年哉黃涪翁曰子瞻書為當代第



房山金夏言卷一  
一為其挾以文章忠義之氣耳此真知公者也涪  
翁因公遠謫瀕死不悔米元章初借公以成名既  
而背之號於人曰在蘇黃之間自恃其才不入黨  
與視涪翁有餘愧矣

米元章小字天馬賦墨蹟

米元章好書天馬賦如王子敬好書洛神賦人間  
合有數本此卷小行草瘦勁跌宕與王金沙家本  
相類余止見王氏刻本未見其墨蹟或即此卷取  
入舊內今復傳出乎余於乙酉得之次年王孟津  
覺斯見之稱歎不已遂跋數語其後舊內畫卷皆

御用監內臣裱褙此卷前裱趙子昂馬圖將此卷  
裱後作跋中書題簽云子昂唐馬米元章跋可笑  
也

米元章大字天馬賦墨蹟

元章所書天馬賦以擘窠大字書於平海大師後  
園者為宸得意之作雄渾流動起止橫豎諸法俱  
脩余嘗見其多景樓詩亦大書遠不及此此卷不  
獨在天馬卷中稱第一其生平書蹟亦當以此為  
第一上有蔡姓珍藏印乃蔡京也又有賈似道小  
印及秋壑圖書在明又入嚴相家籍沒入內如此

名蹟累辱於權奸之手良為可歎黃子久云展視之時有大星貫斗而墜其聲如雷亦一奇也卷既入內將後跋皆割去今江南傳一卷後有永樂甲辰浚儀張冑跋從徐有貞家傳流者臨本也

黃魯直松風閣詩墨蹟

予於甲申後見山谷數卷竄愛松風閣卷其詩清脫妙不可言字乃正書勁秀全用柳公權法他書所不及也予晚年極喜柳書復得其一二秘本今見此卷益知世之學柳者一味硬直真鈍漢也卷佳極矣而有可恨者嘉定間向姓者所題不稱一



也舊在賈似道家上有賈似道小印及悅生秋壑  
長字諸印辱於權奸之手二也元大長公主不擇  
人而命題絕有可噴飮者三也項墨林收藏之印  
太多後又載所買價值俗甚四也

友人吉安李梅公元鼎得山谷書杜詩卷字極佳  
與此相類趙松雪有跋語亦得意書先在予家予  
物色此卷經年不得聞在梅公處乃以趙跋歸之  
竟成合璧

曹嘉禾溶有山谷小字墓誌稿二合裝一卷董元  
宰大書四字於後曰山谷墨寶真墨寶也嘉禾與

金夏言卷一  
余好尚相若其應徵入京盡以所攜卷冊送予齋  
如米老卷君謨卷及此卷俱累累千百言世不多  
見之珍也又王長垣有山谷書陰長生詩亦正書  
不及松風閣遠甚

黃魯直書諸上座

此卷乃涪翁草書末有數行正書字法奇宕如龍  
搏虎躍不可控御宇宙偉觀也然縱橫之極却筆  
不放古人所謂如屋漏痕折釵脚此其是矣世傳  
東坡見山谷草書從旁稱歎錢穆父謂惜未見懷  
素真蹟後山谷見自叙帖書法頓異然山谷天分

高學力足固非全取法於懷素者也卷上有紹興  
及內府書印曾入思陵御府者後又在賈似道家  
余見山谷草書當以此為第一

薛道祖詩卷

宋人書能存晉法者惟薛紹彭道祖蓋彼時定武  
蘭亭妙石在其家故所書詩稿五紙筆筆用右  
軍法無論不肖帶唐人格調即大令亦略不涉及  
此深於書學者也惜傳世者少真如天吳紫鳳耳  
卷舊在陸水村太宰家西涯題云右宋薛紹彭書  
五紙薛氏以三鳳名河東紹彭其後人也字道祖



號翠微居士居長安符祐間以書名一世米芾書  
史會要所載是也水村陸公得此卷特愛重之間  
出視余為識數語於後後入王元美家題識累累  
文休承云薛道祖書予惟見晴和二像隨事吟三  
帖松雪謂其脫畧唐宋齊踪前古陸居仁謂其雖  
雜於六朝盛唐人書中當無愧後又見其所臨蘭  
亭蓋定武石刻在其家故所臨尤妙今獲觀其詩  
帖若上清連年實享清適帖及和劉巨濟詩真能  
軒輊六朝追蹤魏晉宜與元章抗行而當時謂之  
為米薛也

秦少游論書帖

少游書不多見端勁大約得之顏魯公楊少師其  
論書云學書端正則窘於法度側筆取妍往往豐  
左而病右故端書如右軍霜寒表子敬乞解臺職  
狀張長史郎官廳壁記皆不以法度病其精神至  
於行書則王家父子隨意肥瘠皆有佳處近世惟  
顏魯公楊少師特窺其妙其用筆能左右之不好  
處惟王荊公書有古人氣而不甚端適司馬公正  
書不甚善而隸法極端觀淮海所論書而其書可  
知矣淮海與黃豫章同為坡公門下士皆善書陸

放翁言豫章晚自稱許淮海則退避不肖以書自名故淮海之書傳世者少益足重也

宋高宗皇帝御書毛詩馬和之補圖

宋思陵極重經學而尤留心於詩每手寫一章輒令馬和之補圖予所收者凡八章一為魯頌駟一為有駟一為閔宮一為商頌那一為烈祖一為元鳥一為長發一為殷武字皆端謹有致大約取法於鐵門限後補圖亦工古人宴饗祭祀之儀禮樂輿馬之制悉脩焉尤非他圖畫所可及也和之紹興中登第官至工部侍郎予又於江右李梅公寓



見鹿鳴十章朱子美寓見節彼南山十章山西張氏寓見關雎十章首有夫子及卜子夏小像高宗又曾手書九經刻石今臨安文廟尚有存者彼時戎馬倥偬而能神閒氣定雅意表章跨有半壁百餘年非奉也

宋憲聖皇后書養蠶圖

蠶織圖所繪自浴種至翦帛凡二十四事使閱者宛然置身田舍見婦子劬勸不遑之景也每段下題小字極其工緻至元中鄭足老題云為顯仁皇后字后習高皇字高皇手書九經每倦則后書續

卷一 金石記卷一  
之人未易辨金華宋景濂云圖出於潛令樓璣  
獲召見以圖上進上攜至宮憲聖慈烈皇后逐段  
題之皇后姓吳配高宗其書絕相類謂非顯仁韋  
后書余考之顯仁韋后迺高宗母也從徽宗北轅  
老年始歸憲聖慈烈吳后乃高宗繼后史稱其善  
翰墨則為吳后書無疑金華之言為確矣

宋趙樂易篆書

書家篆法不傳近代擅工者寡、此卷三段一為  
李監法書歸去來一為款識法書盟谷序一為小  
篆書紅白蓮詞皆精工絕倫趙為寶慶閒人樂易

真弼卷為求是先生書亦不知其名以俟博古者  
考定後觀者圖章累累皆宋元人也

黃伯思書黃庭內景經墨蹟

黃長睿為南宋博雅第一其所著法帖刊誤及秘  
閣古器說俱載東觀餘論中王順伯厚之嘗稱之  
曰本朝始自歐陽公集古錄千卷趙德父金石錄  
至二千卷考訂甚工然猶未免差誤惟雲林之書  
為盡美順伯蓋留心古學者稱許如此長睿有雲  
林堂元人倪元鎮竟龍之或重其人耳予求其書  
蹟僅於陳山人家見北齊勘書圖一跋正書精工



之甚丁酉夏自山中回得此卷小字草書全用急就章法甚可珍也按索靖急就篇一千四百五十字闕七百五十九字在宋時猶存唐人硬黃臨本葉石林夢得求之弗獲僅得長瘠雙鉤本謂氣韻精彩尚可仿佛典刑乃刻之閩中蓋長瘠長於章草者故精妙如是也虞伯生云長瘠書不逮言豈其然乎

陸放翁詩稿

陸務觀先生自書所作詩八首後題嘉泰甲子歲正月甲午用郭端卿所贈猩猩毛筆時年八十矣

書法勁逸老年不衰如此詩句冲淡全無烟火色  
相盖公以寶章閣待制脩實錄完即致仕優游若  
耶溪久領林泉之樂故其筆墨清勝如此昔公跋  
山谷卷謂此卷不應攜在長安逆旅中亦非貴人  
席帽金絡馬傳呼入省時所觀他日幅巾筇杖渡  
青衣江相羊喚魚潭瑞草槁清泉翠樾之間與山  
中人共小巢龍鶴菜飴掃石置風爐煮蒙頂紫茁  
然後出此共讀乃稱耳予於公書亦云然卷中嘉  
泰甲子乃嘉泰四年也越五年而公歿

集按渭南文集  
他日上有程子

二字盖帖乃程正伯所藏程為蜀人青衫江喚魚潭瑞  
草槁在蜀中小巢亦蜀疏郎東坡所賦元脩菜也

鮮于伯幾書杜詩

漁陽太常以書名一世予見其遺跡極多竄佳者  
為杜詩秋風破屋歌風格道逸有晉人遺法後自  
跋亦自負蓋得意書也其子去矜亦善書見卷後  
世傳伯幾與趙吳興齊名趙每自書二紙易其一  
紙輒焚之不知果有此事否然寥々宇宙得一人  
妬亦足矣吳興乃知己也此卷余官開封時張大  
理睡心所贈相隨二十餘年矣每閱卷輒作聚散  
存亡之感

元人書吳興漁陽而外無可存者即夔々康里名



甚噪然其書稍俗康里常問人趙承旨曰書幾何  
或對曰萬字康里曰吾日可書三萬字此其所以  
俗也然承旨書後人尚有評其稍熟者蓋作畫  
則欲熟中熟作字則欲熟中生董元宰謂鮮于  
書昧趙承旨亦正以鮮于書不熟不俗耳

〔附黃山谷論書帖〕

學書端正則窘於法度側筆取妍注、豐左而  
病右故正書如右軍霜寒表子敬乞解臺職狀張  
長史郎官廳壁記皆不以法度病其精神至於行  
書則王家父子隨意肥瘠皆有佳處近世惟顏魯

公楊少師特窺其妙其用筆能左右之不好處更覺斌媚求一點一畫俗氣不可得比來士大夫惟王荊公書有古人氣而不端然筆力甚遒司馬公正書不甚善而隸法極端勁似其為人

此卷秦少游論書一則語多脫誤參以諸本皆同刻既成偶讀山谷集有之而語亦小異既又見清河書畫舫所載山谷論書真蹟与此脗合用筆能左右之下脫二十餘字附書於此

乾隆辛巳七月十九日廷博識

庚子銷夏記卷一畢

庚子銷夏記卷二

趙子昂千文墨蹟

子昂千文予舊有墨刻本上有晉府印意手蹟必  
在晉府安得一寓目以快平生乙酉之秋偶於棋  
盤街下馬牌側見此卷傾囊得之子昂書初學鐵  
門限及宋思陵晚乃學蘭亭及李北海此正學定  
武時書風骨内含神采外溢書家傾國也後題皇  
慶二年五月望日爲戴架閣書後又有至正二年  
中丞張希孟等題名

趙子昂臨絕交書



子昂於古帖無所不臨亦無不宛合其臨絕交書  
神韻具足班之六朝帖中真無忤色竅得意書也  
後自題予十年前嘗為仲長書此不意失去後兩  
幅今攜至都下復為全之觀者審定延祐六年八  
月十日後有黃文獻一跋極詳核跋云魏公書嵇  
中散絕交書自題云十年前嘗為仲長書此因失  
去後二紙延祐六年再為補之按前十年至大元  
年也公以大德元年知汾州三年除江淞儒學提  
舉至大二年為泰州尹以題語考之正提舉儒學  
時書也延祐六年十一月謁告歸吳興而後二紙

寔補於將歸時仲長葉裔字也裔與公同學厚善  
為濟州經歷以憂解歸延祐六年還朝與公邂逅  
書此予以延祐二年領薦上春官拜公於京邸時  
猶為侍讀學士至順二年見葉公於中丞馬公座  
皆以文字相推愛今二公已矣鄙陋無聞有加於  
昔友人王行成出此相示追感疇昔謹識如此此  
文獻至治三年七月跋文獻金華人名潛宋景濂  
之師也文集冲遠有法元時大著作皆出其手謂  
之壘口學士余見子昂小行草三四卷與絕交書  
相敵者惟西川李青眉所收書東坡杏花詩前畫

東坡小像方巾道服手持竹杖脩脩欲仙後書其  
杏花飛簾散餘春七言古詩八十餘字詩既流俊  
書復娟逸真雙絕也後題至元二十六年三月既  
望吳興趙孟頫寫先生小像並書此詩先生有神  
當賞其意耳此卷在予齋數月李殊不知重予不  
欲掩取之仍封還李歿於揚州無嗣卷不知何存  
矣

趙子昂自書詩稿

詩稿二紙一書天冠山二十八詠一書元洲十詠  
寄貞居先生貞居乃句曲外史張雨也字法仿黃



庭樂毅論是其中年筆余有文敏大字條幅袁六  
完從淮上差回得此卷乃以相易易後有持條幅  
來售者書小陸何如大陸賢七言律一首字更道  
逸可愛又得書唐絕句一幅余以贈山西衛邵孫  
趙子昂書所臨馬和之毛詩圖

子昂仿和之畫毛詩七段而無詩自跋云馬和之  
在畫院中名冠一時論者謂其獨得古雅之氣於  
蹊迳之外先思陵每書三百篇輒虛其後以命和  
之補圖後畫與書俱散落人間好事者爭購之達  
奚王孫所藏獨有畫而無詩孟頫不揣遂欲追踪

古人臨寫一過並想像其詩亦有不待言而知其  
篇名者如河上之臺既泚既洒而國人經從其下  
望者動色見者抑首皆有不忍覩其蘧篠咸施之  
態而相顧腹誹者非新臺乎城隅九雉而一見所  
夢蹴躅搔首於下則靜女也涉危遂往乘舟泛泛  
若無所薄而涯端父老望而傷悲中心養養如見  
其狀非二子乘舟其孰當之其君露次而諸臣之  
鞠躬以諫者其黎臣之賦式微乎前高後下者旄  
邱也其上蔓延相及者旄邱之葛也而叔伯羣居  
有褻如充耳之容則旄邱之所以責衛也倚樹之

女有深思焉而所臨者斐然之流所與謀者孌然之姬也豈非衛女之賦泉水以思歸乎城門之外樹木叢蔚其背陽向陰之北門乎而羸馬瘦僕蕭然獨出有仕不得志之意焉其卒篇蓋北門也夫詩存而可名其圖者非圖之善也詩亡而可知其圖者真能詩者也此所以爲和之也孟頫畫不遠古圖成而更爲題出後之人其有不必按圖而知詩者乎至大五年三月五日識字法右軍極綿密與畫可稱雙絕達奚王孫卷後在上海顧氏家衡山猶見之余在京師劉元公家見和之一卷亦有



圖而無詩

趙子昂書陶詩小楷

子昂有秋林散步圖上以小楷書陶淵明羸氏亂  
天紀一詩計一百六十字風格道逸為子昂宸得  
意書陳眉公題云松雪此圖仿趙千里秋林散步  
圖上繫以陶柴桑詩書法風流精緊有黃庭東方  
讚風格的是吳興雙璧宜元宰坐卧其下不去也  
楷法至晉人而聖唐楷失之板宋人無楷即吳說  
以楷名亦多帶行惟子昂獨得晉人遺法蓋其結  
構精嚴手神瀟洒胡汲仲謂上下五百年縱橫一

萬里無此書非過也余於江右李梅公寓見小楷  
書姜白石蘭亭考又於香河袁六完家見小楷書  
九歌楷矣而不工乃其少年書惟所書圓覺經  
數萬字後題奉為妻魏國夫人管氏道昇懺除業  
障早證菩提與法界有情同成圓覺字法精工可  
與畫上小楷敵然數萬字長卷尤希世珍也此卷  
乃徐司寇石麒贈一大帥者大帥不知重留予齋  
中經年還歸之今已在秦中一士夫家矣

趙文敏天馬圖

文敏好畫馬每得片紙必畫而後棄去故所畫英

逸之甚予見十餘卷惟一卷奚官三馬四乃延祐  
元年十月所畫九為得意然文敏畫肉不畫骨少  
陵所謂忍使驂騑氣凋喪者若彼時龔睨子之瘦  
馬獨存筋骨於冰霜歷落之際覺翩王孫為之  
失色

龔睨子山水畫卷

宋逸民龔睨子趙子固鄭所南諸公皆能畫余覓  
其遺民得睨子山水一卷筆意仿大小米極其滿  
洒上題一詩谷口長松澗底藤石橋山路晚登  
囊琴斗酒來何暮空負寒齋昨夜燈小隸極其



高古後有劉青田跋謂聖予名開別號翠岩當時  
得其片紙若連城之璧為時所重如此按龔公嘗  
與陸秀夫同居廣陵幕府宋亡潛居深隱立則沮  
洳坐無几席一子名浚每令俛伏就其背按紙作  
唐馬圖風駿霧鬣豪軒蘭筋脩盡諸態一持出人  
輒以數十金易之藉是不飢然竟以無所求而死  
居吳之日高郵龔璠為忘年友時人謂之楚兩龔  
以比漢之兩龔

楊補之孤竹圖

无咎以梅花擅名世傳畫竹惟此兩枝數葉孤清

欲絕柯敬仲所藏後有顧阿瑛題一詩碧眼胡兒  
叫橫玉落月如盆照茆屋美人清夢斷梅花却寫  
相思在脩竹至正甲辰七月望日與張可觀觀於  
市淫別業按元咎在高宗朝以不直秦檜累徵不  
起自號清夷長者蓋南宋一代高人也故畫法清  
曠如此百世可想其人

趙子固水仙卷

彞齋個儻不羈風神道上精於繪事晚年尤好畫  
水仙欲以敵楊補之梅花一日刺舟嚴陵灘見新  
月出水大笑曰此所謂綠淨不可唾乃我水仙出

現也余觀此卷風枝雨葉縱橫奇宕如讀蒙莊

史文莫可端倪殆如子固出現此宇宙奇觀不可  
作畫圖看

元人姚桐壽云趙子固宋宗室也入本朝不樂仕  
進隱居州之廣陳鎮時載以一舟舟中琴書尊杓  
畢具往泊菰汀葦岸看夕陽賦曉月為事縣令  
宣城梅巖刺船訪公公飛棹而去梅曰昔人所謂  
名可聞而身不可見殆謂先生歟公從弟子昂自  
苕中來訪公公閉門不納夫人勸之始令從後門  
入坐定第問弁山笠澤近來佳否子昂云佳公曰



弟奈山澤佳何子昂退使人濯其坐具蓋惡其作

賓王家也余生也晚雖身寓公里第有想像鼓棹

行吟膝處耳

集按梅黻事與姚善訪韓奕事同又按周公謹齊東野語云子固身後有嚴陵之命襖帖後

歸之悅生堂袁伯常跃子固落水蘭亭亦稱子固死帖入賈相家賈賤籍于官有官印據二說是子固沒於宋未亡之前則桐

壽所云者妄也

### 倪雲林六君子圖

雲林畫在逸品收藏家以有無論雅俗予見其畫

竄多然偽者十之六七生平妙蹟無如六君子圖

自題云盧山甫每見輒求作畫至正五年四月八

日泊舟弓河之上山甫篝鐙出此紙苦徵畫時已

億甚只得勉以應之大癡老師見之必大笑也大癡題一詩於上云遠望雲山隔秋水近看古木擁坡陀居然相對六君子正直特立無偏頗

李尚寶日華云六君子乃松柏樟栴槐榆六樹行列脩挺踈密掩映位置得宜而皆在平地且氣象蕭索有賢人在下位之象豈或當日運數否塞高流隱遁而為是與

按元末倪雲林顧阿瑛皆以風流文藻相尚二人貲雄江南亭館聲妓妙絕一時兵起皆毀家自全顧雍髮為僧自題小像云儒衣僧帽道人鞋到處

青山骨可埋若問向來豪俠處五陵裘馬洛陽街  
倪有雲林堂清閼閣名聞四夷至亂斥賣田宅得  
錢數百緡會稽張伯雨至念其貧且老悉推與之  
不留一緡扁舟遨遊終於故人之家

薛道祖有清閼閣黃伯思有雲林堂倪皆兩龔之  
清閼尤勝前植碧梧四周列以奇石蓄古法書名  
畫嘗有進貢人經無錫以沈香百斤求見倪辭之  
再至再辭其人徘徊不去倪令開雲林堂使登焉  
堂東設古玉器西施古鼎彝樽罍其人方驚顧間  
問曰清閼何在家人曰非可易入也乃望閣再拜



而出

雲林畫有清閼閣圖畫已像其中圖在孝感程翰林正揆家程善畫為予臨一紙

倪雲林獅子林圖

僧如海所居曰獅子林獅子者奇石如狻猊之形也圖為雲林得意之作自題云余與趙君善長以意商確作獅子林圖真得荆關遺意非王蒙所夢見也如海因公宜寶之懶瓚記癸丑十二月予寤寐此卷有年南征之兵從韃橐中帶至北地售之因後有南中年號及馬瑤草題跋割去前後斷爛

金華詩卷二  
九  
希畫體不傷乃於癸巳臘月重裝之雲林傳世手  
卷惟此圖及鶴林圖鶴林圖無人物獅子林圖上  
有一僧又不用印章余質得祥符人一設色山水  
上有雲林子印

余見雲林徐卿二子圖畫竹二枝為有斐堂主人  
賀生子韻甚又見枯木竹石圖自題云南湖陸元  
素高士幽居今王君仲和居之水木清華戶庭幽  
邃余嘗寓其家四年翛然忘世慮也仲和以此幀  
索畫並詩其上以寫倦之懷曾住南湖宅於今  
已十年散筠還自翳高木故依然雨雜鳴渠溜雲

連煮木烟何時重相過爛醉得佳眠

王仲和舊稱其富而韻黃大癡有山水卷為仲和作即其人也元末將亂里人倪子貴悉散家財將田券送仲和不計直人以為訝倪笑曰子貴田有送處仲和無送處未幾張士誠據姑蘓按畝比租仲和竟累斃其人閭士也辱諸君子畫矣

### 黃大癡天台石壁圖

石壁圖為大癡竄得意之作數峰天表斂法如草隸層巒疊嶂長林映帶氣象雄渾直接荆關之傳與他畫絕異滄桑後名畫滿市絕無元四家之畫



僅於敗楮中見此上有袁柳莊印蓋其所藏也  
子久博學多聞初隱杭之篔簹泉往來三吳設教  
於蘓之文德橋至松與曹知白善居小蒸後歸富  
春年八十六而終戴表元贊其像曰身有百世之  
憂家無擔石之樂蓋其俠似燕趙劍客其達似晉  
宋酒徒至於風雨塞門呻吟槃礴欲援筆而著書  
又將為齊魯之學此豈尋常畫史也哉觀此贊則  
其學問人品超絕一世故畫境奇妙如此今以糞  
土庸流動曰仿子久豈可得哉元季高人不願出  
仕如金蓬頭莫月鼎冷啓敬張三峰子久與之為

師友恣意元脩以求出世大約皆負才之士不屑  
隱忍以就功名者也人傳子久於武林虎跑石上  
飛昇然其人住世已仙矣豈待飛昇而知其仙哉  
大癡小幅山水

子久小畫峰巒坡陀不多而蒼秀異常筆絲如鐵  
線張雨題云前山無定雲後山無定柯溪流豈不  
佳子久妙如何

王蒙松山書屋圖

松山書屋圖全用巨然法予見巨然浮嵐圖未及  
收每以為惜觀此宛如浮嵐在眼畫至此觀心矣

王百穀題以為是陸文裕公物。暑月展閱，颯然如  
陶家北牕下涼風。予於四月廿五日展看時，久旱  
熱蒸，覺冰雪在懷。若曰：「牕下涼風，猶有待也。」董元  
宰曰：「黃鶴山樵畫以右丞為師，時出入巨然，雖用  
披麻皴，亦兼潑墨法。此松山書屋圖，正其合作。與  
吾家青弁圖絕類。青弁圖不知何在，恐未易雁行  
也。」叔明乃松雪甥，居吳興，最近太湖，日遊東西洞  
庭，以盪其胃臆。傳世者極少。何元朗極愛元人畫，  
嘗言畫當自元始。所藏子久、仲圭、方壺諸作，各五  
十餘幀。雲林至二十四幀，獨叔明僅一幀，其難得。



C. T. LOO, INC.  
41 EAST 57TH STREET  
NEW YORK 22, N. Y.

可知已余於周櫟園寓見叔明山靜日長卷上有  
元朗印或其所藏然稍極猶疑是臨手也

舊傳叔明極推服子久常以得意請正子久為增  
數筆於嵯峨處作樵境遂覺宕遠余年友錢雲將  
有黃王合作一幀寶之如連城雲將歿後張雲菴  
文光以重價得之攜至京乃偽筆耳畫不易定如  
此

### 王蒙靈石草堂圖

靈石草堂圖僅二尺許高古深厚純用荆關法范  
中立以下不能及也予竟日披對殊忘身在塵世

閒昔劉壺城詩有云却憶山中客披圖日幾回似  
為予詠也嘉禾項氏印章太多甚覺村氣

向年在滄州士紳家見叔明小幅山水自題林泉  
清趣係一詩於畫上至正六年九月望昔年七十  
有五初極賞其畫及見靈石圖則蹊迕尋常失之  
遠矣又在陳山人公雨家見秋林對奕圖佳甚今  
不知何在惜當日把臂失之

### 吳仲圭駕湖圖

梅花道人品地絕高不專志於畫故傳世者多簡  
略而愈增其韻致予初僅見其墨竹嗣乃得其駕

湖圖道人嘉禾人駕湖乃嘉禾勝境也筆法秀遠  
得董巨之妙而此畫尤其合作文三槁壺宮嘉禾  
時題一詩於上亂後已入傖父家予以趙子昂芭  
蕉美人圖易得之世傳仲圭少好劍術偶讀易乃  
一意韜晦隱武塘賣卜又厭而潛跡委巷中遶屋  
植梅日哦其間因號梅道人後預治壙自題云梅  
花和尚墓及兵亂諸墓被伐而獨以和尚墓獲免  
蓋元之高隱後世乃以畫掩之也

仲圭松泉圖

松泉圖境界甚奇以淡墨作一坡陀巨泉飛落其



上又以古松一株天矯覆之手寫長歌詩字俱勁  
逸不可一世可謂靈心獨絕不可以畫筆觀也張  
雲菴攜至京師予以倪雲林徐卿二子圖易得之  
王元章畫梅

元章墨梅一株信筆揮洒直以古逸取勢自題一  
詩我家洗硯池頭樹個個花開淡墨痕不要人誇  
好顏色只留清氣滿乾坤宋元人作梅有以工勝  
者若論韻致則惟元章耳

按元章名冕又字山農諸暨人嘗北遊大都館秘  
書卿泰不花家欲薦以館職元章笑曰公誠愚人

不十年此地狐兔走矣何以仕為掉臂歸越復大  
言天下將亂時四方無事或斥其妄元章曰妄人  
非我誰當妄者乃攜妻子隱九里山嘗仿周禮著  
書一卷坐卧自隨秘不示人曰吾未即死持此以  
遇明主伊呂事業不難致也及明祖下金陵杖策  
見之署為軍咨未幾以老病卒

### 錢舜舉山居圖

舜舉與趙子昂同里並在吳興八俊中至元間子  
昂徵入功名熱諸人皆依附取官獨舜舉齟齬  
不合流連詩畫以老蓋宋之遺老也予見其畫頗

多獨山居圖為竄蒼松老屋雲白樹紅二人靜對  
扁舟想見高人胸次覺子昂諸作終多翩翩富貴  
氣象耳

里人鍾文子有旅葵圖索余題之余曰舜舉宋進  
士不肖出仕歸老雲川以詩畫自娛旅葵一圖仿  
閻立本筆意蓋身際板蕩之餘追憶來庭之盛悽  
然有今昔之感焉此即前人紀夢華譜塗山之意  
也觀者以意逆志斯得之矣見余跋者謂能知畫  
者之旨然前人曾題其花卉卷有云雲翁夙號老  
詞客亂後却工花寫生寓意豈求顏色似錢唐風



物記昇平亦此意也

子昂有題舜舉茹菜二圖詩一云天上歸來兩鬢  
皤山園近日竟如何年三五月黃梅雨老瓦盆中  
此味多一云歸老林泉無外慕盤中野菜飢黃梁  
交遊來往休相笑肉味何如此味長子昂二詩亦  
歸休後慕雲羽之高致而贊其畫也

商琦山水卷

商學士畫不多見此幀設色濃郁林木坡渚有致  
自具士氣非盛子昭輩所敢望也元人饒太虛著  
山水家法極推重之謂商德符得山水之真趣初

學郭熙層巒疊嶂高樹長林形勢渾厚氣脉連  
接雖淋漓滿幅不覺其繁又得古人張藻雙管俱  
下之妙唐希雅戰筆之奇饒氏之書議論雖不甚  
高然必有所見也

李息齋墨竹

李薊邛衍喜作墨竹初學王澹游後學文湖州余  
收數幀以得之劉半舫家大幅為第一兵亂失去  
又小幀一石一竿絕肖湖州名下固無虛也

管夫人墨竹

管夫人畫竹風格勝子昂此幀凡三竿極其蒼秀

自題一詩春晴今日又逢晴閒與兒曹竹下行春意近來濃幾許森々稚子石邊生字法似子昂有友人見而愛之攜去

黃筌翠竹圖

黃筌長幅竹數竿雙鉤填色菁翠欲滴疎密俯仰無不為此君寫生昔人言筌花竹真而俗然畫至真處亦不易言也同里李宗伯得之故內以歸余筌五代人子居寶家居實俱善畫

文與可大幅竹

石室人品甚高畫竹為古今第一從故內得大幅



竹二幀一題巴郡文同與可戲墨一題熙寧元年  
仲冬與可文同作竹僅一枝真有月落空庭千萬  
丈之勢今一在予齋一在吉安李氏處

世傳道臻淨因禪僧居都城西隅三十年不出戶  
無所嗜好獨雪方丈西壁請文與可畫墨竹謂人  
曰吾使遊人見之心自清涼此君蓋替我說法也  
吾暑月披石室先生竹真有清風習習襲座者此  
僧非三十年不出戶不知其妙也

湖州亦善山水舊在成國家後有山谷跋余曾一  
見之

東坡墨竹

東坡縣崖竹一枝倒垂華酣墨飽飛舞跌宕如其  
書如其文雖派出湖州而神韻魄力過之矣朱晦  
翁云東坡英秀後凋之操堅確不移之姿竹君石  
友庶幾似之百世之下觀此畫者尚可想見也晦  
翁之評誠有然者余並有一卷以渴筆作竹一枝  
題曰化龍又題曰過葛陂還能飛去否上有神廟  
御壘後姚廣孝題一詩覺無生韻恐是臨本贈張  
雲菴

畫評云文與可畫竹是竹之左氏也子瞻却類莊

子此語良是

趙松雪枯木竹石圖

松雪竹凡數見此幀高古簡澹趙畫之極有生  
韻者上不落款惟用其印又陳山人持一幀來售  
與此相若上有雲林題語

趙仲穆長椿圖

仲穆畫不及父然長於畫樹此幀一椿挺立枝葉  
豐茂下惟小坡陀溪澗蓋壽圖也余收其韞鷹等  
圖所存惟此題後亦贈友人矣


余向有松雪待渡圖極其精工蓋仿其家伯駒之




作又得仲穆待渡圖自題同松雪臨伯駒是父子  
一時所作俱獲入目亂後坐池上陳山人持一畫  
來售乃伯駒待渡圖即松雪父子所臨者翰墨信  
乎有緣也予因題所居為墨緣重輪之居松雪畫  
得之歸德袁戶部樞仲穆畫得之亳州舊家今  
俱不知何在矣

庫子銷夏記卷二終









北平孫退谷庚子銷夏記

C. T. LOO & CO.

41 EAST 57th STREET  
NEW YORK, N. Y.

NO. 532

HGT. 4 vols.

LENG. \_\_\_\_\_

MADE IN CHINA

二

2

THE GETTY CENTER  
LIBRARY



庫子銷夏記卷三

宋廸山水卷

復古與兄道俱以能畫名而復古名更噪家於洛中故好作鞏洛之景此卷邱壑深窈烟嵐澹靜深得李成惜墨如金之法曾入思陵御府故卷有奉華瑤暉堂印後題跋詩多佳余尤愛倪雲林詩雲烟澹容與岡嶺岌奔騰脩塗逸巴蛇婦人如凍蠅宋侯天機深游戲精藝能風流各異代卧游聊曲肱

郭熙樹色平遠圖

河陽畫早學李成晚能更出已意自成一家蘓坡  
翁有詩玉堂畫掩春日閒中有郭熙畫春山文潞  
公跋其畫而東坡詩其跋也二公重之如此此卷  
舊在王元美家王有跋錄之於此右郭熙樹色平  
遠圖一卷按照河陽溫人渠宗若虛稱其施為巧  
瞻位置淵源雖復學慕營邱亦能自放胸臆巨嶂  
高壁多益壯至宣和帝則盛推李成而謂熙與  
范寬王詵雖自成名僅得一體然熙之傳世者多  
號平遠與若虛所記頗不同今覽此畫孤亭木末  
平楚蒼然遙艇小橋時自映帶若深若淺或晦或

明幾欲置身此間卷尾趙松雪虞伯生馮海粟柯  
丹邱輩皆勝國名士恨語不甚稱耳元美曾得戴  
文進仿熙卷愛之然河陽之妙豈文進所能仿佛  
哉而況與之較優劣也元美于是失言矣

集按若虛  
乃郭熙子

河陽嘗著有山水畫論言遠近淺深風雨明晦四  
時朝暮之不同則有春山淡冶而如笑夏山蒼翠  
而如滴秋山明淨而如妝冬山慘淡而如睡之說  
至於溪谷橋釣漁艇釣竿人物樓觀等莫不分布  
使得其所蓋其所證入者深矣宋人往摹之有  
奪真者今人見畫中有爪樹針松遂曰郭熙未然



也余在曹秋岳寓見一卷山石林木無一筆不似  
河陽乃張洙谿山書屋圖也按洙畫彼時重之紹  
興間臣下有勲績者始賜之重洙畫如此則熙畫  
在當時可知已

畫史載宋中書門下省及樞密學士院照壁皆郭  
熙一手畫中間甚有傑然者惟學士院春江曉景  
為尤工

李伯時袁安卧雪圖

卧雪圖為龍瞑有名之蹟一儻父目故為得之以  
上有龍瞑印不知瞑即古眠字也余見驚歎欲絕

高山突兀長林一圍境深雪積暑月對之令人挾  
裘一人擁衾而卧一人扣扉一人騎一人前引一  
人張蓋卧者靜穆扣者手擊耳聽其三人欲反欲  
止且行且顧神情曲妙無論自龍瞑而後未有其  
匹恐前此顧陸諸人亦所未及也

卧雪圖不始自龍瞑前人已有之但不知與龍瞑  
畫為何如耳世傳丁謂典金陵陞辭之日真宗出  
袁安卧雪圖賜之曰卿到金陵日可選一絕景處  
張此圖謂至金陵於城西北隅構亭曰賞心張圖  
於此久之圖壞後王琪密學出典是邦觀圖嗟惋

有詩云昔人已化寥天鶴往事難尋卧雪圖

志稱龍眠仕宦居京師十年不遊權貴門得休沐  
遇佳時則載酒出城拉同志二三人訪名園蔭林  
坐石臨水翛然終日當時富貴人欲得其筆蹟者  
往、執礼願交靳固不荅至名人胙士則雖昧平  
生相與追隨不厭乘興落筆了無難色又龍眠以  
御史檢法致事晚晝龍眠山庄優游林壑三十四  
年其立品如此安得筆墨不高絕一世也

李伯時臨唐韋偃放牧圖

放牧圖乃公麟奉旨臨韋偃畫唐人極重馬政各



苑俱以百千萬計偃蓋寫當年苑中放牧之景而  
公麟以妙筆臨之遂覺吞牛汗血之奇備盡卷中  
馬至萬餘牧者千餘而林木坡陀沮洳不與焉真  
奇觀也洪武三年二月二十三日高皇帝坐板房  
羽林將軍葉日昇面進此卷上手題數百言於後  
謂天下已定居安慮危使後世子孫育多馬於郊  
野防疆禦患想見開國承家垂謨百世之意焉

李伯時九歌圖

龍眠作畫凡臨古則用絹素自運則不設色獨用  
澄心堂紙九歌圖載在宣和畫譜上有宣和中秘

印紙係澄心堂畫法靈秀生動昔人稱其人物似  
韓滉瀟洒似王維若論此卷之妙韓王避舍矣他  
不具論即湘夫人一像蕭蕭數筆嫣然欲絕古今  
有此妙手乎龍眠收藏法書極多留心書學所書  
九歌隸法勁逸在宋亦稱第一余言九歌為宇宙  
第一妙文非龍眠妙畫不足以稱之此真千秋快  
事也卷舊在賈似道家上有其印元人題跋詩多  
有可觀又元人張翥厚曾臨此圖吳孟思以小篆  
書其文藏江南人家又余在袁六完家見趙文敏  
所畫九歌為仇山村作乃其少年筆亦自奇異

李龍眠高士圖

畫用絹素澹設色古柳一株高士袒坐其下書卷  
橫陳有酒盈罍坐者微醺含笑翛然自得是陶徵  
君歸後像也非龍眠三十年優游林泉豈能追摹  
至此趙子昂亦曾畫歸來圖元人題云文章撐住  
晉乾坤三徑清風宛若存何事揮豪松雪老不知  
芳草怨王孫子昂見之當有餘媿矣余所收龍眠  
畫有蓮社圖有羅漢圖有臨顧斷琴圖有臨陸布  
髮圖今皆散在友人家更有祖師像一卷精絕自  
宋皆流傳衲子家如雲坪宏濟諸人皆有跋語及



貫休羅漢宋人應夢羅漢又羅漢渡江卷亦俱贈友人矣

王詵設色山水卷

晉卿文藻風流掩映當代所作畫水墨則仿李成著色則師李將軍此卷乃仿李將軍樓閣橋梁極具工緻濃郁中饒有青葱之色趙千里不能及也至末段遙山遠浦更極畫家妙致

曹秋岳贈余一卷布景不多悠然有海濶天空之妙後宣和帝題烟江疊嶂圖殊無所謂疊嶂也祥符張雲蒼見而愛之攜去秋岳又有一卷亭閣脩

整新荷滿池後有范石湖詩字俱妙惜略屬目未  
及詳閱

唐胡瓌番犬圖

瓌與子虔俱能畫瓌范陽人所畫皆番地之景此  
卷三人一犬人皆番裝伏仰瞻視備見獐獐一人  
引犬犬甚馴服趙子昂跋為東丹舊稱瓌畫筆用  
狼豪極清勁東丹李贊華乃五代時人舊謂其筆  
乏壯氣卷中華意似瓌非贊華也

易元吉猴猫圖

元吉猴猫圖載宣和畫譜中謂之寫生戲猫圖猴

一挾一乳猫又一乳猫畏怖而走猴之狙狎猫之  
穉怯情事如見後有宋裕陵御題余不喜此種畫  
如郭權之角鷹徐熙之雛鶻散之友人此幀喜趙  
文敏跋字甚佳故記之

趙千里待渡圖

千里畫在當時極為思陵所重設色雖濃而精神  
清潤趙子昂山水全仿之此待渡圖高峰密樹青  
翠欲滴兩岸之人登舟者與牽騎而候者情景如  
見上有晉府諸印舊書畫有其印者俱真蹟可觀  
近代收藏賞鑒家也



千里花鳥卷

花鳥卷為千里得意之作。鵲花淺浦，羣羽翔泳，其中生意爛然。元人詩跋俱佳。末有倪雲林一詩，尤妙。

劉松年成王問道圖

舊稱松年畫傳世者不滿十幅。問道圖尤其得意之作。畫法全似衛賢高士圖。林木殿宇人物蒼古精妙，不似南宋人。亦不似畫院人。寧宗當日特賜之金帶，良有以也。

劉松年東山絲竹圖

東山圖乃松年筆圖中山岡迴合美蔭飛泉掩映  
噴洒極其幽勝安石策杖同諸佳麗步行橋上風  
流蘊藉可想見也畫乃晉府物四隅皆有其印

僧超然山水圖

超然畫當時重之至與巨然並稱峰巒全學郭熙  
林木亦似張洄若比之巨然之超逸則相去千里  
矣余所見惟此一幀

趙昌菡萏圖

趙作菡萏圖見於李方叔畫品予得之故內絹已  
斷落而畫處一絲不傷其畫花葉稠疊滿幅一俯

C. T. LEO, INC.  
41 EAST 57TH STREET  
NEW YORK 22, N. Y.

一仰各具情致李方叔云舊言徐熙畫花傳花神  
趙昌畫花寫花形然比之徐熙則差劣其後鐔宏  
王友之輩皆弗逮也蓮花生於泥之中出於水而  
不著水昌此花標韻清遠能識此意耳此幀予贈  
成大名又有紅梅一小幀風格秀艷乃房海客贈  
余者付免朴收藏

### 荆浩山水

洪谷子以山水專門為古今第一甲申之變名畫  
滿市獨無浩畫一日見從故內負敗楮而出者浩  
畫在焉然已破爛之甚余使善手重裱見絹素之



內復有重絹亦一奇也其山與樹皆以禿筆細寫  
飛如古篆隸蒼古之甚非關范所能及也令朴兒  
收之貯海雲閣

荆浩廬山小圖

今年夏月久旱酷熱異常故家忽有持二畫來看  
者一乃浩畫也中挺一峰秀拔欲動而高峰之右  
羣峰巒岼如芙蓉初綻飛瀑一線扶搖而落亭屋  
槁梁林木曲曲掩映方悟華原營邱河陽諸家無  
一不脫胎於此者且絹素如銀板對之令人色飛  
上有宋高宗題荆浩神蹟真品六字下用內府之

寶又有元人韓嶼柯九思二詩其人宵割愛乃傾  
篋易得之其一則高士畫臨本也還之是日松風  
謖々滿我茅亭暑氣已避三舍矣

昔洪谷子以山水自負每曰吳道子有筆而無墨  
項容有墨而無筆吾來二子所長成一家之體今  
傳世者有山水訣蓋其人當五代之世不肖出仕  
隱於太行之洪谷借筆墨以寄其高曠故超絕一  
世如此昔趙子固與周公謹各攜書畫放舟湖上  
相與評賞酒酣子固脫帽以酒晞髮箕踞歌離騷  
旁若無人薄暮入西泠掠孤山艤櫂茂樹間拍林

麓最幽處瞪目叫絕曰此是洪谷子董北苑得意  
筆也亦惟如此等人乃可閱此等畫耳

### 關仝山水

余求關仝畫不可得忽於故內得一幀已壞絕而  
畫體不傷世傳關畫師荆浩其造境絕相類山峰  
壁立從平地陡起樹木奇崛有枝無幹用濃墨揮  
洒不事烟雲用意簡澹此畫家之神品兼逸品也  
王荅明一梧軒圖與倪雲林師子林圖寫石法皆  
用其意真足作法百世也畫譜言仝畫脫略毫楮  
筆愈簡而氣愈壯景愈少而意愈長而深造古澹



如詩中淚明琴中賀若

關全江山漁艇圖

漁艇圖見宣和譜高古簡朴自是名作山形如層  
螺不用劈皴前古後今所無至於亭閣精工人物  
俊雅亦非宋人劉松年輩所到世傳全工山水不  
工畫人多使胡翼為之豈其然乎

關全匡廬清曉圖

匡廬圖予於乙未得之南中士夫家其圖中聳一  
峰奇拔渾厚環列數峰揖拱相向憶余崇禎壬午  
舟過潯陽避風江上遙望匡廬宛然如在目前此

所謂廬山真面目也一段清泚之氣浮動筆墨之外愈繇愈簡愈健愈雅其屋宇人物極小而有天然之致非關不能燕文貴畫極力仿此然筆力纖弱無士氣去此不止千里故作畫不求氣韻而求形似未有不流於俗工者也

巨然林汀遠渚圖

林汀遠渚圖見於畫譜巨然師法董源而能自出已意至老年之筆更造平淡妙絕千古此圖政老年之筆也起段茂林一叢茅茨隱見餘則浦溆平鋪瀾漫無際其中樹如薺人如豆或行或舟遠帆

亂荻景色儼然畫至此靈心獨絕矣昔人稱其筆  
墨秀潤又稱其幽谿細路屈曲縈帶竹籬茅舍斷  
橋危棧真若山間景趣殆不虛也予於陳山人處  
見一卷乃浮嵐遠岫圖原是長畫宣和帝裝為手  
卷乃極力仿董北苑而此則師子獨行無所依傍  
可謂前無作者

張爾唯名學曾善畫家藏江貫道長江圖一卷赴  
蘓州太守任攜一樽並卷來山中相別時太倉王  
元照東粵陳路若俱在開尊展卷亟稱江卷之勝  
余獨無言徐出巨然卷共閱覺江卷退舍蓋長江



圖雖貫道得意之作然無渾然天成之致故知巨然不易到也

巨然秋塘羣鷺圖

巨然世傳其山水鮮見別畫此幀自注秋塘羣鷺圖舊藏鞏都尉家世無二本圖中秋水既落蒹葭蒼然白鷺羣立坡陀蕭然有霜露之警焉傳神寓意在筆墨之外昔杜少陵詩有云鷗行炯自如蓋狀士君子委蛇在公之景也又云只今湖海上形影日蕭々蓋傷賢人擯落在野之景也巨然此畫直可作詩觀矣若徐熙輩只求形狀之似了無別

韻相去奚啻人天之別乎曾入宋御府故有緝熙  
殿寶

李成寒林圖

李營邱畫史稱為古今第一蓋其生平不易為人  
洛筆而其孫名宥為天章閣待制開封府尹倍價  
收購祖畫故傳世者益少米元章去營邱之世未  
遠自言僅見二軸欲作無李論則求之今世其難  
可知也予所藏寒林圖古木天矯雪色凜冽寒雅  
羣集哀艸中暑月展之如披北風圖令人可以挾  
纊非營邱不能也余於滄桑後覓得大幅山水一

幀稍乏天韻疑是元人臨本益津王氏以古觚易去又於王長垣寓見觀碑圖林木絕佳一人策蹇觀碑傳為王曉筆畫上落其款又於陳山人家見一本相同而王老勝然亦未敢定其真偽也

畫繼云李營邱多才足學之士其所作寒林多在岩穴中裁剗俱露以興君子之在野也自餘窠植盡生於平地亦以興小人在位觀此圖羣雅飢集之狀或以興世亂小民之流離困頓者乎

郭熙云畫亦有相法李成子孫昌盛其山脚地面皆渾厚潤大上秀而下豐河陽善畫亦善鑒畫如



此按成人品甚高當時有顯人慕成名貽書招之  
成得書且憤且歎曰自古四民不相雜處吾本儒  
生雖游心藝事然適意而已奈何使人羈致入戚  
里賓館研吮丹粉而與畫史冗人同列乎此戴逵  
之所以碎琴也却其使不應乃以厚價別購數圖  
成不知也成後計偕赴春官謁顯人顯人喜延之  
書舍適見所畫作色振衣而出其不肖輕徇人如  
此天下未有不立品而能擅絕調者也

范寬夏山圖

華原夏山圖名著畫譜崇岡密蔭飛泉奔激其

閒覺山石木葉皆帶濕潤此真古今之奇也上有  
宋高宗御題四字曰范寬真蹟又入金源御府上  
有明昌御覽一寶余見世家所藏凡山頂有密林  
水際作大石突兀之畫皆作范寬不知寬畫古拙  
深厚宋元之人多仿之止知其癩頭山鐵屋板橋  
諸形似而其一畧魄力則斷不能也予所最賞  
者此圖及歸德宋雨恭所藏雪山圖耳世傳華原  
生平落魄嗜酒作畫初學李成又學荆浩既悟乃  
舍舊所習隱居終南山太華岩隈林麓之間而覽  
其雲烟陰霽之景興之所至盡寄於楮墨間則千

巖萬壑變化百端昔人云雖盛暑中凜凜然使人  
急欲挾纊殆不虛也

許道寧山居圖

許高陽畫世不多見舊見張戶部學曾所收長卷  
近乃于大老家得此山峰峭拔樹木脩挺回塘曲  
澗潏洄於山坳林際之間茅亭之上兩人如生一  
童烹茶一童洗硯皆古朴有致傍小書詩聯疑後  
人所為落款小隸亦清勁之甚此君不獨工畫也  
曾入元人御府上有天歷之寶

舊傳許道寧畫初師李成晚脫舊學風度益高名



月二金夏記卷三  
畫評云道寧之格長者一林木二平遠三野水張  
士遜詠賞之曰李成絕世范寬老惟有長安許道  
寧為人推重如此

米元章畫山水小幅

元章畫源出董北苑而特運已意故其境界與人  
絕異蓋其天資高邁所見古人墨蹟又多所作書  
不襲晉唐之蹟而得晉唐之正脉所作畫不襲關  
董之象而得關董之神韻此幀舊藏戚里家余  
在掖垣時曾一見之越八年乃歸余齋山峰圓秀  
點法筆生潤林木陰翳又稠疊而不雜亂至人

物樓閣屋宇橋梁漁艇極其纖秀似唐人小界畫  
後人仿米者濃墨塗洒曰此懔懔雲無根樹也豈  
不可哂哉

襄陽無大幅畫嘗自言平生只於寶晉齋以三幅  
紙作一軸餘則無之蓋小幅易于收藏即東坡作  
書每留餘紙以待五百年後題跋之意也此幀極  
小而超越深厚不減大畫上題字亦妙有黃子久  
諸家印

米元暉白雲出岫圖

元暉作白雲出岫圖山巒林木全仿董源大變其

父之法猶之大令不襲右軍也故字曰二王畫曰  
二米不囿於家學乃所以善承家學耳此圖得之  
故內近邊處已浥爛乃裁去寸許重裱之每張素  
壁覺白雲滃鬱出我棟宇間內年孟津王覺斯每  
過輒索看大叫稱絕今老思故舊不勝今昔之感  
不知名洛神圖

洛神圖予凡三見一在開封張睡心家一在歸德  
宗雨恭家一在杭州陳山人家皆全卷極精工大  
約宋畫人高手臨本予得一卷止一段上有米芾  
審定印畫法綃色是唐人手筆迥在三卷之上後



有小楷全賦精采勁秀不知出誰手旌德劉雨若  
云筆力似米元章所書九歌極言為米然米無真  
楷即九歌亦帶有行知非米所能辦或是南宋人  
吳傳朋說耳宋楷以傳朋為第一明楷以文衡山  
為第一

宋徽宗柳雅蘆雁圖

余見宣和帝畫數幀而以柳雅蘆雁圖為最兩幅  
相連紙用澄心堂柳絲搖曳兩雅綴麗其上墨光  
如漆當是李廷珪墨蘆荻一叢羣雁俯仰啁啾宛  
宛如生是當日紫宸殿宴大臣隨畫以賜之者後

有諸臣題跋語多悲感又王長垣所藏宣和所臨  
張萱號國夫人圖亦佳豐姿策鞵極其明艷所謂  
畫裡猶能動世人何恠當年走天子者也

宣和博收書畫然賞識遠不及高宗蓋宣和所尚  
者人物花鳥如收黃荃父子至六百七十餘幅徐  
熙至二百四十餘幅而名家山水寥々至高宗所  
收今傳世上有軋卦雙龍小璽內府圖書及奉  
華寶藏瑤暉堂印者皆高雅可觀雖未見高宗  
之畫然所書九經及馬和之補圖毛詩又非宣和  
所能及也一興一亡觀所好尚已可知矣

趙子昂青綠山水

子昂畫中青綠苗倩得不傳之秘此幀峰巒層疊  
林木茂密一僧度橋歸寺踞欲動乃其得意之  
作董元宰題云松雪翁青綠山水純似吾家李成  
層巒蕭寺圖雖不落名款止用小印或是進呈本  
也

戴文進靈谷春雲圖

文進畫在明初名甚噪然其風格不高馬遠夏珪  
之流派也予所收靈谷春雲圖是其合作設色布  
景蒼秀有宋元大家風使掩其款而閱之未有信



其為文進者乃為聶雙江大年所作聶有一帖附  
後字亦甚工不似道學人筆

按王文端直為冢宰日曾以詩寄文進求畫且自  
序昔與靖菴交嘗作一詩至是十年始成之聶雙  
江題其後云公愛文進之畫十年而不忘也使公  
以十年不忘之心待天下之賢豈復有遺才哉文  
端聞其言笑置之未幾聶舉為史官困於譏讒卧  
病旅邸投詩於文端有云鏡中白髮難饒我湖上青  
山欲待誰千里故人分橐少百年公論蓋棺遲文端  
得詩泣下曰是欲吾銘其墓耳聶果歿文端為墓

誌有云吾以大年之才必能自振故久不擬薦而  
乃止一校官耶前輩以道義相成如此然雙江譏  
文端好文進之畫觀雙江與文進之帖又何傾慕  
薦切耶

文進畫有絕劣者遂開周臣謝時臣等之俗至張  
平山蔣三崧等惡極矣皆其流派也不有文沈兩  
公一起而繼宋元之絕學風雅不幾掃地耶世傳  
宣廟時召文進至京令作釣雪圖一人衣緋有譖  
者謂緋乃朝服不宜釣魚遂罷回此三家村中語  
也宣廟善畫嘗見御製雪山圖一人衣緋策杖入

寺此豈朝服耶其不取文進定有在也

沈石田煮雪圖

石田畫傳世者多然真偽相半當石田晚年時自  
收其畫間有偽者亦自誤收之況至今耶余最愛  
先生畫滄桑後世家所藏盡在市賈手余見輒購  
之然亦每為同好者攜去今存者無幾皆真本妙  
品也

煮雪圖是紙畫大幅峰巒樹木全用北苑而帶荆  
關之峭拔茅屋數楹土墻環之後竹前林雲深境  
寂四人圍一鑪而話宛然岩村景色此石田得意



C. T. LCO, INC.  
41 EAST 57. H STREET  
NEW YORK 22, N. Y.

之筆上題一詩人間有雪尋常事座有嘉賓雪亦  
奇羔酒党家何足問一鑪活火試茶時此幀舊在孫  
漢陽家陳眉公重裱於墓田丙舍後入淮撫李修  
吾家上有其印王長垣贈余為沈畫之冠

石田天平山圖

紙畫小幅僅尺餘許高山巉々一寺隱其隈門外  
古松蒼勁孤筇小橋掩映古松中景色不多魄力  
深厚此啓南公小畫之得意者上題一詩指顧天  
平山々隈翠微寺我隨白雲來不隨白雲去

石田松鶴高士圖

紙畫長幅而狹筆法全似王叔明高山峩峩飛泉  
奔落古松之間一人策杖神韻幽閒隨宦而行有  
亭古朴宛在山隈令人直欲置身其中也上題一  
詩七尺藤枝着地輕長松夾道碧雲晴深山似恐  
雲遮却緩步還教一宦行吳匏菴和之云片帆高  
挂一舟輕渺湖光暮雨晴載酒攜琴何處去蘭  
橈徐棹看山行此幀乃廣平劉半舫珍愛者半舫  
清正為當事大臣不喜借河工事繫獄部擬遣戍  
上未允傳聞事在不測乃自獄以所用小硯及此  
畫作一詩別余以半舫之故更珍愛之賊變畫

已失去重於市賈買之每一展閱真覺車過腹痛也

石田松壑圖

綃畫中幅筆法仿黃大癡而帶董北苑之皴法故覺蒼勁勝黃舊言石田學大癡去其短而師其長此語良不虛也畫時已落款不知越幾年重見之又題一詩密蔭參差漏夕陽潺湲流水漱迴塘元言消盡人間事一壑松風滿髯涼又題舊作於仲和家今復見題後

石田蕉林圖



絹本大幅芭蕉一林青苔滿地一人執卷偃卧其  
下對之真可令人忘世士題一詩兩樹芭蕉一地  
苔綠陰清畫儘徘徊坐深慮靜無人共更待青天  
好月來

石田江皋寄傲圖

紙本小幅乃石田先生八十二歲時作筆力高簡  
前無古人其畫遠山近水秀色欲滴坡陀之上密  
樹陰、一人閒坐小艇弄笛意甚適也人生至此  
世間尚有何名利可言桃源中人云不足為外人  
道余轉一語曰即道之外人那得知

石田江山一覽圖

江山圖乃長卷石翁晚年之作筆勢蒼古超逸  
全用黃大癡之法而運以自己之魄力憶崇禎壬  
午余自楚中回經過金陵住年友錢雲將家時有  
大癡長卷在金陵取至寓所其卷乃大癡為倪雲  
林所作筆酣墨飽元氣淋漓自題十年乃成石翁  
此卷乃仿黃卷也識力悉足相敵卷在開封王半  
菴惟儉家張孝廉民表購以贈余今相依三十年  
矣黃卷聞為鄒衣白所收今已殉葬彼時金陵即  
有一臨本不知鄒所收真乎臨乎

沈石田看花圖

看花圖乃石田老年之筆平淡古朴大雅不群上  
綴長短句亦極韵折花下一壺酒人與花酬酢樹  
上百枝花對人綽約昨朝顏色正新鮮今朝少  
覺不如昨人若無花人不樂花若無人花寂寞看  
花酌酒久遠事人生如花亦難托去年花下看花  
人今年已漸隨花落花且開酒且酌催花鼓板搥  
芍藥醉他三萬六千場我與花神作要約又題偶  
步東園見落花賦此詩并寫圖寄意

石田有竹莊賞月圖



石翁置有竹莊嘗出疏以募竹其事甚韵此圖乃  
石翁與浦汝正中秋賞月莊中之平安亭而作筆  
墨更為清勝後有長歌可入白蘓集中字大如椀  
亦似黃魯直得意之筆詩云少時不辨中秋月視  
與常時無名別老人偏與月相戀月還應戀佳  
節老人能得幾中秋信是流光不可留古今換人  
不換月舊月新人風馬牛壺中有酒且為樂杯巡  
到手莫推却月圓還似古時圓故人散去如月落  
眼中漸覺少故人乘月夜遊誰我嗔高歌太白問  
月白自詫白髮欺青春青春白髮固不及豪擗酒

波連月吸老夫老及六十年更問中秋賒四十  
嘗見石翁題畫有絕佳之詩而集中俱不載安得  
有心人官大為搜羅以成快編也石翁集乃陳明  
卿為孝廉時所刻不足盡石翁之百一也

石田菱鴨圖

石翁不獨工山水常見所畫花鳥走獸之類皆別  
有天趣非寫生家所能及余年友錢雲將所藏菱  
鴨圖菱葉縱橫一鴨徐行其下肥澤安閒有在野  
肥遯之意焉上題一詩甫里畜成物悠々沙渚頭  
我家亦有此不及是中儔

石田畫冊

畫冊十六幅皆仿宋元大家無不奪真為石翁竄  
得意之筆每幅皐菴繫一詩詩與字皆精工亦為  
皐翁不多見者真雙璧也冊首衡山題石翁墨妙  
四字篆法高古足與冊稱祥符王半菴司空寶之  
如拱璧其子溫叟不能守質一諸生家余購得之  
並有何大復手錄所作一冊亂後不知何在今此  
冊奉存計與余周旋三十年矣

明四家畫冊

冊僅八幅沈石田四幅一仿梅道人一仿黃大癡



俱為栗里作一幅仿董北苑蜀江垂釣一幅仿大  
癡題一詩於上此四幅皆石田極得意之作唐伯  
虎二幅一幅漁舟秋釣圖自題辛卯夏日戲墨一  
幅半醉驢背圖自題一詩其上皆脩然有別致文  
衡山枯木竹石一幅亦甚瀟灑陸色山一幅工緻  
不俗此冊計幅不多然據一代之盛可寶也

唐伯虎秋山攜琴圖

伯虎畫傳流極少余向有試茗圖二人坐梧下試  
茗梧葉蕭蕭枝如篆籀亂後失去又有小幅山水  
為蘓州巡撫作極精工亦為友人攜去今秋山圖

是余以盛子昭畫與陳道人相易者畫法仿閩全  
中矗高峰羣木翳之紅紫相暎山腰危棧一主一  
僕攜琴而行其造境非子畏不能也上題一詩竟  
出韵狂逸不拘多如此

伯席山靜日長圖

玉露中山靜日長一段余酷愛之舊見文衡山有  
圖尚未盡致又見元人王叔明圖以石鼓籀法書  
其文王百穀有跋極贊之然稍板是臨本康子夏  
聞無錫華氏有子畏所作畫十二幅在龔合肥處  
議以舊人書畫相易真定梁玉立見而愛之攜去

至五月初余復偕至東籬書舍藤下每日晨起輒  
一披閱其畫仿王摩詰輞川圖及李龍眠山莊圖  
極工緻而有生韻華氏有跋謂延子畏至劍光閣  
三閱月始成良不易也玉露中妙境固非此妙筆  
不能傳神寫照耳

### 文衡山雪山圖

衡山先生畫傳世者多每見大幅及長卷鮮有佳  
者今山齋所存數幀皆以逸致勝者如雪山圖其  
寔矣圖中山仿范華原林木仿董北苑雪色平鋪  
孤筇獨往見者不知為衡山也上題一詩漢長



雲已滅踪隔溪照見玉芙蓉詩人何必騎驢背儘  
有閒情付短筇

### 衡山雨山圖

雨山圖紙本小幅山巒一圍林木聳秀一人坐茅  
亭看雨余舊題之曰景色空濛樹石如沐此雨山  
真面目也他人寫雨山但以濃墨相襯貼視此奚  
啻千里見者以為知言先生自題一詩云隔溪綠  
樹蔭潺湲啼鳥春來意思間最是高人茅屋底推  
窓獨對雨中山

### 衡山江深草閣圖

衡翁此幀全仿梅道人山巖林木屋亭人物無一  
不肖暑月對之覺新涼滿座上有詩云為愛江深  
草閣寒倚闌終日坐忘還個中妙境誰應識閣下  
溪聲閣外山

衡山設色山水

衡山與石田皆喜作青綠畫設色濃郁得古人之  
秘此幀乃春景也山光浮動真有如笑者兩岬古  
柏夭矯小舟橫放其中每一展看輒歎安得高手  
寫阿髯舟上如李龍眠寫蔡天啓故事以領其趣  
乎

衡山寫東坡詩意

坡公有絕句云掃地焚香閉閣眠簾紋如水帳如  
烟客來睡起渾無事捲起西牕浪接天此詩趙千  
里及趙子昂皆作圖衡山一幀蓋仿子昂也筆意  
清老更勝之舊在劉司空半舫家上有其題

董元宰松風流水圖

紙本小幅峰巒層疊羣松滿谷皆以淡墨點染真  
有古人惜墨如金之意此文敏晚年之筆由神奇  
而造平淡矣上題萬壑響松風百灘度流水兩語  
點綴無限佳景



元宰金箋山水

此幀乃文敏早年之畫秀穎絕倫筆法全仿黃子  
久自題辛卯除夕寫是歲凡作畫五幀振之得其  
三其二則雪川社友米偕之所徵也又題癸卯元  
日重觀凡十二年矣予不復為元人畫為元畫亦  
與故吾別一法門畫上又有陳眉公題惜金箋不  
耐久藏耳

元宰仿董北苑畫

紙本中幅乃文敏晚年之筆高嶽長松濃墨揮洒  
全用北苑法絕不蹈元人一筆一畫矣上題一詩

翠嵐迎步興何長  
笑領漁翁入醉鄉  
日暮渚田微雨後  
鷺絲閒暇稻花涼

元宰仿董北苑畫

文敏畫以臨北苑者為勝此幀壬申作於廣陵舟中極其奇縱余見巨然浮嵐圖是學北苑筆意後此惟見此幀南宋元明諸家未敢望其肩背也上自題一詩綠溪青嶂是秦餘靈境今歸歲史居素友詎迷初得路頑仙寧讀未焚書

元宰山水卷

米元章畫全學董北苑雖間出新意然胎骨則董

也文敏每仿米畫輒用董法故其奇宕遠過於米  
此卷不知者以為仿米不知寔董也蓋公晚年在  
部為余友潘仲美所作完亦甚滿意欣然題句  
云平鍾花侵岼春波水上橋仲美贈余已三十年  
矣

鄒衣白仿黃子久

衣白甫登第即以科場事降上林苑余從之遊彼  
時初學畫僅作小便面蕭蕭數筆後陞工部誤竄  
身宣城邪類中為時不容落職家居始肆力於畫  
此幀淡着色仿黃子久氣韵高邁為生平寔得意



之作蓋不多見者

衣白小幅山水

此幀乃晚年最佳之畫用筆如草書如篆籀力深  
韻逸近代無此敵手畫於崇禎十四年至十六年  
重題之自亦矜秘之甚

李長蘅畫冊

長蘅長於詩文畫乃其餘事畧為點染即靈曠欲  
絕然又不肖為人輕畫所許可為程孟陽一二士  
耳此冊乃畫虛邱山湖之景湖光山色歷歷如見  
而又摹宋元諸家畫無不各臻其妙文人靈心乃

至於此

吳匏菴冬日賞菊圖

匏菴先生為少詹時寓居京師之海潮菴側闢園  
種菊於宏治二年十月二十八日集李西涯諸公  
賞之各賦詩又命杜堇為圖裱成一卷當宏治時  
主上明聖海內昇平一時名士咸在詞林故分韻  
倡和文酒流連盛世風流可想見也卷藏成國公  
家上有捧日樓純忠堂印舊傳孝廟時問內臣今  
各衙門官每日蚤起朝參日間坐衙門同年同鄉  
何時得以燕集內侍對想在晚間上曰京官俸薄

無人隨侍夜晚回家那討鎧燭可傳與五城遇各  
官飲酒回家逐鋪燈籠傳送兩京皆然又西涯相  
公當國日門生滿朝或朝退或散衙即羣集其家  
分題賦詩以為常而四方之人購請詩文書篆者  
填塞戶限夫人每展紙舐墨強公書之以供客具  
京師父老猶侈談之故先朝風俗人物之盛未有  
過於孝廟之世者也

董元宰夏木垂陰圖

元宰畫以設色者為難得予舊有其臨王叔明一  
梧軒圖畫境直逼叔明而設色之妙叔明有所不



逮此幘仿此苑顏色蒼翠欲滴恐北苑亦未必能  
及也先生之孫携至京師予購得之

庫子銷夏記卷三畢

C. T. LOO, INC.  
41 EAST 57TH STREET  
NEW YORK 22, N. Y.

庾子銷夏記卷四

五月之末久旱不雨林居始覺有熱意靜坐青藤  
下取古石刻繙閱日以二卷為率憶丁亥之冬曾  
著帖考今冉之十三年矣舊所見者失去大半存  
者重一寓目聊借以瀟洒送日月而已烟雲過眼  
寧敢謬執為常有乎還翁手記

宋賜畢文簡淳化閣帖

淳化帖為墨苑至寶內府棗木板搨用澄心堂紙  
李廷珪墨者絕少其字極豐穰而有神采凡鉤捺  
轉折起伏諸法俱備宛如手書余初見一二本上

有翰林學士院印乃紹聖三年裝題字者極精工  
寶之如拱璧忽於戊子之春見九本乃淳化四年  
賜學士畢士安者搨法佳妙紙色墨色如古漆板  
誠海內第一部也時賈人索價甚昂余與子朴極  
力搜措衣物一時俱罄蓋恐市賈圖利分析售之  
使此奇寶無復珠連璧合之日非為一人耽清玩  
也

帖中第八卷第十卷俱有畢文簡題云淳化四年  
四月二十八日當直中使就院賜御札八分千字  
文一卷法帖一十卷受恩如是激節可知第九卷



有蘓丞相頌題云蘓氏家藏子容題第十卷題云  
乙卯閏六月十四日太一宮齋晚臨南軒看不知  
誰題下有長字印疑是賈秋壑又有李洪德秀題  
云右法帖十卷得於吳興蘓氏乃元祐丞相魏公  
家物第八卷後用公高之裔印蓋言畢公高之後  
也余假守濡湏郡齋刊魏公譚訓內載公於相國  
寺得畢文簡賜本閣帖甚奇且云文簡以圖書斥  
遠祖名未中禮因考寔錄淳化二年文簡自考功  
郎拜學士四年五月出知昇州然則乃文簡在翰  
林時所賜也下用李氏叔固及李氏家藏印

嘗考輟耕錄載大梁劉衍卿所見淳化祖石帖每卷有題識種：今帖中無之然帖上洗去之痕甚多豈另一本耶即此本耶至云淳化四年六月廿二日賜畢士安按文簡以四年五月出知外州何至六月復有欽賜之事此則不可解者也原裝用山和尚錦今帖仍是山和尚錦蓋錦中五色銀鉸紋名山和尚也

所謂祖石帖者帖幾經翻刻而以原刻為祖石非別有一帖在淳化之前而祖之也陸友仁以李後主昇元帖為法帖之祖馬傳慶陳簡齋等各龍

其說至董元宰又以為澄清堂帖是祖帖皆誤也  
宋太宗當平定之後出內府之藏令王著摹勒上  
石以傳後世豈有反祖亡國之帖而賜臣下乎  
余既得文簡賜本而缺首卷以為大美忌完理固  
如是正不必求全閱數月忽有持首卷來售者乃  
宋榻之竄精者也與宋人汪達諸君所考無異無  
論墨色開卷可辨其所刻卷數版數字相聯而字  
比諸帖中字皆大他本所絕無有也遂令十卷俱  
足亦異數也

戊戌李上林以所藏宋榻第五卷閣帖送閱宋裱



斷壞已甚余重裱之題云淳化官法帖真本極其  
豐逸然帶有開國朴氣他本摸刻雖極精工非失  
之瘦即失之媚遠不及也吾向見第六卷第十卷  
上有翰林學士院印及紹聖三年冬至前一日裱  
題字乃初搨本也又見第七卷第八卷上有賈似  
道印乃中年搨本也今復見此第五卷上有橫裂  
紋乃晚年搨本也吾三見而備悉帖之終始惟拈  
出朴氣二字則潭絳大觀諸刻一齊拜下風矣戊  
戌六月二十六日漫翁記庚子五月二十四日重  
閱於集古閣

宋賜本大觀太清樓帖

宋搨大觀帖有黃白紙二種所見不一而黃紙者止見一部字法精妙宛如手書乃徽宗賜宰相余深者予初從市賈得二本於江右李梅公得二本萊陽左旦明得二本浙江張爾唯得一本寶坻曹子固得一本第一本在以鹽換爛紙者擔頭吳太和收之余數四購求不與後以銀酒卮十件易得止缺第九本聞杭州姜漚思有此本雖非黃紙者然係初搨予有顏魯公大字麻姑壇記帖世無二本姜欲得之更益以宋人畫卷乃相易而十卷適

完按此帖在宋時莆田方楷曾以百萬購之不得  
後年久散亂王澐翁多方湊合始成全帙今兵火  
之後業已散亂如曩時而復珠聯璧合豈非神物  
在世有鬼神呵護之以至是乎王澐翁有手跋極  
詳

宋搨絳帖

絳帖第五第六第七第八共四卷乃宋人方楷所  
藏本又第六卷上有水精宮道人印乃趙子昂所  
藏本皆紙墨精妙絳帖之尤佳者也按絳州法帖  
二十卷乃潘師旦用淳化帖重摹而參入別帖視



宋人翻刻閣帖此尤精采師旦尚括宗秦國公主  
又名潘駙馬帖潘自能刻石雖井闌階砌皆徧刻  
無餘故段數最多或長尺餘者師旦死二子析而  
為二長者負官緡沒十卷於庫絳守重刻下十卷  
足之謂之東庫本幼者復重摹上十卷亦足成一  
部於是絳有公私二本靖康兵火石並不存金人  
百年之間重摹至再南渡後潘氏真本已稱難得  
今傳世者大約皆權塲中翻刻所謂亮字不全本  
新絳本北本是也如方趙二公藏本真此時之星  
鳳矣余又於王長垣寓見方楷所藏第九第十二

卷而第九卷首葉斷損處與單炳文所考脗合單  
炳文云淳化官本法帖今不復多見其次絳帖最  
佳而舊本亦已艱得嘗以數本較之字畫多不侔  
某家所藏舊本第九卷大令書一卷第四行內面  
字右邊轉筆正石破缺處隱然可見今本乃無  
右邊轉筆全不成字其面字下一字與第五行第  
七字亦不同又第七行第一字舊本乃行書止字  
今本乃草書心字筆法且倍余所見九卷與單所  
考無異信乎方氏所藏本為當今第一即趙本雖  
真亦覺墨色少遜其餘上有日月等字號者不足

言矣

潭帖

甲申後予見潭帖寔多蓋潭有初刻本有私第  
本有碑匠家本有新刻本有三山木本皆潭也  
而以劉丞相命僧希白所摹刻者為寔今所藏第  
三第四二卷乃希白所摹刻者故獨存之字法清  
勁不佞不媚絳帖之下屈指惟此帖耳昔蘓子瞻  
於桂帥程欽之家見潭帖謂希白作字自有江左  
風味故長沙帖比淳化待詔所摹為勝世俗不察  
爭訪閣本誤矣子瞻善書者乃以為潭勝閣帖何



屋宇金夏詩卷四  
比擬失倫耶蓋子瞻之書從唐人顏魯公楊少師  
入手不深究晉旨故其言如是信乎鑒帖之難也  
閣帖中不收顏魯公猶之文選中不收蘭亭叙當  
日豈無見而然政難與世人深語耳

### 定武禊帖肥本

余生平酷愛蘭亭叙不啻昔人所謂有蘭亭癖者  
然求一真定武本三十年無所遇所收者宋人翻  
刻本至於唐石宋搨戛乎難言之矣南和白侍  
御抱一家傳一本是趙子固藏本所謂落水蘭亭  
也其本舊稱濶行五字未損神韻渾淪世間第一

鴻寶侍御由林縣令徵為御史此帖不一日去手  
壬午予自楚中典試回侍御招余飲出此帖侑觴  
侍御為余門人余不敢一語贊恐侍御疑余欲得  
之也既而世道滄桑侍御避地會稽予次兕道楷  
亦就婚在彼每出帖相視輒言不能令予再見之  
惓然不樂越十五年侍御隱居山中學出世法忽  
遣一介之使持帖遺余退谷中謂入山來一切俱  
棄豈可獨留此物以累清虛乎予意不欲收使者  
不肖持回適有唐僧貫休所畫羅漢卷神奇絕世  
乃以遺之覺三十年大願一旦豁然而故人高誼

時：在我心目閒也

趙子固所藏蘭亭乃姜白石舊物後有白石跋云  
嘉泰壬戌十二月日與鄉人湯伯升過童道人許  
見此稊帖知是烏臺盧提點者所藏定武舊刻後  
數日雪後更欲雪上車寒凜因詣童買得之又跋  
云廿餘年習蘭亭皆無入處今夕鐙下觀之頗有  
所悟漫書於此此帖後歸於雪川蕭氏在其家二  
十年又歸於俞玉鑑家又歸於高幹辦家趙子固  
託滿師以半萬券得之舟過昇山風厲帆壞子固  
抱帖立淺水中曰蘭亭在此餘不足惜也乃自為



跋數百言以記之末云首尾三十三年心好目玩  
終獲為我物幾死猶不恨也人其可以輕視予有  
此哉其篤好之如此

趙松雪跋云古今言書者以右軍為最善評右軍  
之書者以禊帖為最善真跡既亡其刻之石者以  
定武為最善然而紙墨有精麤拓手有工拙于是  
優劣分焉此本紙墨精拓手工在定武中豈非至  
寶耶又云吾觀禊帖多矣未有若此本之妙者此  
本後或歸子昂也

定武禊帖瘦本

瘦本定武帖缺角處有柯九思印蓋其所藏也姜白石言蘭亭石本以有鋒芒稜角為上此本羣帶右流天五字已缺而鋒穎神采奕々搨法之最工者也濟南邢子愿曾翻刻之視此相去千里矣甲午始來余家余曾題之云昔人謂評蘭亭如聚訟其寔有不然者蘭亭之有定武如衆星之有斗羣峯之有嶽也舉目可辨寧待聚訟乎蘭亭之妙法度悉脩而不以法見神力具足而不以力見所謂純綿裹鐵此其是矣宋人極力規撫不下百本或學其純綿而失之嫵媚或學其裹鐵而失之硬直

即面覓已遠况精神乎此本在趙中舍士禎家濟  
南邢太僕得之太僕歿歸于新城王氏兵亂淄川  
人以五斗米易得攜至京師不知重也劉安邱見  
之嘆賞其人乃珎秘之時余物色定武帖不得再  
四購求不許其人愛予唐人維摩說法圖及宣鑄  
乳鑪乃彼此相易未幾趙子固所藏五字未損本  
亦至子固本肥此本瘦蓋紙有厚薄燥濕之不同  
寔一石也於是宇內秀氣盡在吾几硯前矣

余未見趙柯藏本之先日所服膺惟國學本此本  
明初出於天師菴土中送置國學字法道秀氣味



深厚宋人諸家所臨遠不及之每疑燕京自石晉  
後淪於境外此石何時所刻何時入土定在石晉  
以前姜堯章云定武本在官庫中熙寧中薛紹彭  
刻一副本易之取原石刻損五字以歸此本五字  
未損或薛氏所刻副本乎又云大觀間詔取薛氏  
所藏石龕至宣和殿內丙午寇至與岐陽石鼓俱  
載而北今石鼓具在而蘭亭何在此本五字未刻  
損非薛氏所藏石也蓋定武今之定州也去京師  
不遠薛氏所刻副本金元人移之於此理或然也  
宋刻石本今存者一為穎上本相傳穎上井中夜

放光如虹縣令異之使下探得蘭亭及六銅壘一  
為長治本崇禎初陝西苟好善令長治掘地得蘭  
亭及舍利數顆苟與余同官汴梁時曾以搨本見  
遺今石已在苟君家矣余所見前人集本如宋理  
宗御府所集最為精工每刻玉池皆用御府圖書  
其一百一十七刻俱全在故內今零散不可問矣  
又南宋丞相游似所集亦百餘本今西川胡菊潭  
先生所收二三十本後皆有手題用景仁及克齋  
圖書其中有御府領字從山本極為精采余手摹

之刻石置硯山齋

集按退翁跋云稷帖領字從山本米老  
曾刻之世稱三米蘭亭及見元本則知

屋二金身言卷四  
米刻已意多而古法少未合也因與劉居士雨若  
經營三月始登之石婆娑二老精力盡於此矣

### 右軍黃庭經

黃庭經傳世者少佳本褚河南臨者舊稱第一然  
石缺其半乙酉之春從市賈得宋裱小冊一函展  
視用筆之妙宛如手書其墨色搨工俱絕上書御  
府古石刻蓋唐石而宋裱也為宋高宗所鑒賞上  
有內府圖書印及奉華寶藏印劉夫人掌內書記  
居奉華堂凡有上品書畫始用其印此帖誠不世  
之珍每晨坐小牕下旭光滿室開卷欣然蓋十五  
年於茲矣



二王洛神賦

右軍所書洛神賦世絕不傳大令亦未見全本此  
石不知何時所刻筆致古逸真翩若驚鴻宛如遊  
龍世目所不經見者合裵成帙余曾有題云內聞  
王右軍有所書洛神賦求之二十年弗獲寓目即  
大令洛神亦止見宋榻十三行耳丁亥之春同錢  
牧齋於報國寺松下見右軍洛神錢咋舌稱為異  
寶越數日復見大令全文二王妙蹟一旦完聚真  
異數也宋人董廣川最稱該博其書跋云逸少此  
賦當以為第一今無復存者但子敬所書猶傳未

可以伯仲間論也又云昔馬澄評右軍書謂勸進  
洛神賦諸書皆作今體知逸少嘗書此賦子敬當  
是習其家學耳是廣川止見大令洛神未見右軍  
書也今併子敬書亦無復存者矣名蹟在世有日  
減無日增可慨也余行年六十始獲睹此良厚幸  
矣退翁記於西山之烟霞窟

大令洛神帖後有元人跋云子敬書洛神如龍如  
鸞莫可踪迹世代以來咸知所寶或以十三行或  
以八行為珍閱其全文不可得蓋可知已此刻具  
其文可想像也更當兵亂臨攬寧不慨然至正二

十六年歲在丙午五月二十一日跋是日為小暑  
節天氣蒸雨久之數點而止華蓋叟記

澄清堂帖

澄清堂所刻皆右軍書計十卷黃長睿謂為唐賀  
季真手摹李後主得之刻石澄清堂極其精善遠  
在淳化閣帖之上惜世無傳者余僅得第一第三  
第四共三卷然王氏書法備於是矣是帖余付之  
朴兒置天津海雲閣戊戌五月余同內人觀海取  
此帖舟中一日數十展記舊所跋

李後主刻此帖後宋太宗見而悅之因刻淳化帖



相敵至於神骨風致固非王侍書所能辨耳

五月廿五

日海門  
冊中

書家草法宜入規應矩力能扼腕處停筆為佳  
所謂忙中不及作艸也此法惟右軍獨據其勝而

澄清帖悉傳其神

揚邨  
冊中

舟至河西務司關者胡君亟欲相晤以舟小有內  
眷辭之乃出精楮求書並贈其先人震亨所著書  
予喜為臨此帖覺腕力差勝蓋原本極佳窺其幾  
微便勝數倍此名帖之足寶也

河西務  
冊中

吾行年六十始知草法友人陳石雲窺其旨而未

熟王孟津熟矣而未得其法蓋作草最忌連綿子  
敬所以不及右軍細玩澄清帖思過半矣

泊舟張家灣夜

半大雨挑燈記此

### 夏禹衡岳碑

岫嶁碑予所藏有二本一乃嘉定壬申何致遊南  
嶽至祝融峰下遇樵者訪禹碑樵者言石壁有數  
十字俾之導前過隱真屏復渡一二小澗攀蘿捫  
葛至碑所得古篆七十餘字乃取隨行市歷碎而  
摹之歸獻長沙轉運曹奭約刻之岳麓書院者乃  
湛甘泉先生重刻新泉精舍者其碑韓昌黎劉禹

錫俱有詩稱不得見而歐陽集古錄趙氏金石錄  
鄭漁仲金石略俱未載其為真偽不可知然字畫  
奇古非近代人所能為自可寶也

釋文有三家從楊慎其沈鎰楊廷相則叅註其下

永帝曰咨沈云翼輔佐楊云卿洲渚沈云與登鳥

獸楊云之門參身洪流楊云而明發尔興久旅

沈云忘家宿獄麓庭智營形折心罔弗辰往求平

定華獄泰衡宗疏事哀勞餘伸楊云裡沈云鬱沈云塞

昏徙南瀆衍亨沈云暴衣制食脩萬國其寧楊云

竄楊云舞永沈云奔

字冥



周穆王壇山刻石

贊皇壇山吉日癸巳四字奇古之甚宋皇祐中宋郊尋而摹之縣令劉莊鑿取輦歸州治權郡事李中祐龕致廳壁政和五年道君取入內府靖康之變遂不可問余從博古堂得一紙乃政和以前搨本後又得三紙一為贊皇翻刻本一為中書謝從寧刻本一為吳恭順惟英刻本聞宋景濂曾刻於浦陽書院未見其本古刻瘦勁而有天然之致非後人所能摹也

周宣王石鼓文

周宣王石鼓文在國子監廟門內其形如鼓其數  
盈十蓋周宣田獵之事史籀之蹟也諸家紛紜之  
說不足存舊在陳倉野中韓昌黎為博士時請於  
祭酒欲輿之太學不從鄭餘慶遷之鳳翔孔廟經  
五代之亂遂至散失宋司馬池知鳳翔復輦致府  
學廡已失其一皇祐四年內傳師搜足大觀二年  
歸於汴京詔以金填其文初致之辟雍後移置保  
和殿金人破汴輦致於燕置王宣撫家復移大興  
府學元皇慶移置文廟戟門內其文漫滅不可讀  
潘廸音訓載三百八十六字薛尚功帖載四百五

十一字今存三百二十五字數雖少於薛帖然道朴而饒逸韻自是上古風格薛刻不逮遠矣殘璣斷壁終當以真者為寶也

元至元己卯國子司業潘迪音訓刻石鼓旁其自跋略云迪自為諸生往來鼓旁每撫玩不忍去距今纔三十餘年昔之所存者今已磨滅數字不知後今千百年所存又何如也間取鄭氏熊施氏宿薛氏尚功王氏厚之等數家之說考訂其音訓刻諸石俾習篆籀者有所稽云

余家有宋搨薛氏石鼓文自跋云右岐陽十鼓周



宣王太史籀所書歲月深遠剝泐殆盡前人嘗以  
其可辨者刻之於石以甲乙第其次雖不成文然  
典刑尚存姑勒於此與好事者共之薛帖予得之  
故內精工之甚恐後人並此不見矣

石鼓文據楊升菴慎金石古文載其全文謂得唐  
人拓本於李文正家予讀而驚嘆已錄於京師古  
石考中然陸文裕深謂石鼓經博洽之儒如王順  
伯鄭漁仲搜訪靡餘力咸存斷缺歐陽公集古錄  
才四百六十有五字胡世將資古所錄僅多九字  
孫洎源於佛龕中得唐人所錄古文乃有四百九

C. T. LOO, INC.  
41 EAST 57TH STREET  
NEW YORK 22, N. Y.

十七字近世吾衍子行自謂以甲秀堂譜圖隨鼓  
形補缺字刊錢為文以求章句又叅以薛尚切諸  
作亦僅得四百三十餘字不知近日何緣得此十  
詩完好如楊用脩之所從來果有的據固是千古  
一快如以補綴為奇固不若闕疑為愈今細讀十  
詩古致翩翩恐非用脩所能辦然用脩謂得之李  
文正家而文正懷麓堂稿絕不道及何也

康子銷夏記卷四畢



1870



北平孫退谷庚子銷夏記

C. T. LOO & CO.  
41 EAST 57th STREET  
NEW YORK, N. Y.

NO. 532  
HGT. 4 vols.  
LENG. \_\_\_\_\_

MADE IN CHINA

三

3



THE GETTY CENTER  
LIBRARY

C. T. LOO, INC.  
41 EAST 57TH STREET  
NEW YORK 22, N. Y.

庾子銷夏記卷五

孔子季札墓題字

季札墓題字曰嗚呼有吳君子延陵之墓世傳為  
夫子書一見於淳化帖一見於鎮江石刻即未敢  
定為夫子手書亦夫子原有此書而後人摹刻之  
如有若之似夫子余敬玩再四覺穆然有道之象  
非如武王之銅盤銘及夫子殷比干墓四字竟屬  
後人偽作比也昔李陽冰學篆初摹嶧山碑後見  
仲尼書季札墓字便變化開合如虎如龍勁利豪  
爽風行雨集固知大聖人遺跡非尋常之書所能

及也

李斯泰山碑斷本

泰山碑世無石本余僅有二十九字按其文乃秦二世詔也剝落已甚但存郭廓耳此真秦石非宋慶歷中宋莒公及江隣幾翻刻也金石略中載秦時石刻有十皆李斯一手書當日欲盡滅先王之跡而以已書行後世奸惡甚矣董道有言曰篆文於後世為工然況之三代此其為戎翟異俗之法以亂中國者君子則宜過而不問也予謂其知言

徐鉉摹秦嶧山銘



嶧山銘杜少陵詩已云嶧山之碑堊火焚棗木傳  
刻肥失真在唐時已不見石刻矣宋人董道謂曾  
見殘缺本氣質渾重有三代遺象原石耶棗木傳  
刻耶予有徐常侍摹本其門人鄭文寶於淳化四  
年刻之長安精神奕燿常侍自謂得思於天人之  
際良非過也舊稱徐鉉善小篆映日視之書中心  
有一縷濃墨正當其中至曲折處亦無偏側其妙  
如此惜不得見其手跡耳

五鳳二年殘字

昔歐陽公著集古錄不得西漢字劉原父出守秦

中得古銅器數件以款識寄之得償其願蓋碑文  
起於東漢而西漢無之也金明昌中詔脩孔廟於  
靈光殿基西南三十步有太子釣魚池取池石充  
用得一石刻曰五鳳二年魯世四年六月四日成  
十三字按五鳳乃宣帝時號字形朴質此西漢之  
物絕無僅有者也使歐陽公當日見之不更為欣  
慰耶

蔡邕石經殘字

東漢書學以中郎為最而石經尤其得意之作故  
當為兩漢之冠按鴻都石經立於熹平四年當時

觀者車馬填隘未三十年兵火亂離已失其半後  
遷於鄴遷於洛復遷於長安遂致蕩然至唐開元  
時僅存墨本耳宋初開地唐御史府得石經十餘  
石又嘉祐中居民治地得碎石洗視乃石經此本  
蓋彼時所搨也雖所存僅百十餘字然先正典刑  
具存真希世之珍也予裝之硯山齋秘笈中

石經在宋趙明誠猶見數千字謂以世所傳經書  
本校此遺字其不同者已數百言又篇第亦時有  
小異使完本具存則其異同可勝數耶觀德父之  
言則聖遠言湮後學於經無所師承無所根據而



徒執一己之說使聖人之經曲就之真可慨也

東漢仙集留題字

余於吳國華故侯家得漢安元年四月十八日會  
仙友十二字書法妙甚其事雖未可信然非漢人  
手筆不能也未審其石在何所亦未見他書載其  
事存之以志異聞吳侯以勲封掌國營燕燕一時  
然被服如儒生喜與賢士大夫遊家蓄古金石刻  
最富海內殘石秘蹟皆多方搜集滄桑後零落都  
盡予僅得其十之二三山居清侶寔嘉賴之予著  
四朝人物志向其後人求取誌石不可得並問其

始堂所刻三代古文亦止矣深可慨也又家傳製香秘方每餅以微火蒸之齋中可香月餘侯亦自珍惜貴家得之每以金絲籠罩為閨閣粧飾當神廟盛時京師三絕謂吳恭順家香魏戚畹家酒李戚畹家園也

冀州刺史張表碑

余從故內得漢碑四種一涼州刺史魏純碑一□宙字周□碑一太保高峻碑及張冀州碑而四三碑斷缺已甚惟冀州碑完整如新搨且書法道整有古致漢石之鴻寶也宋人孫宗鑑曾得之極為

珍重此本殆宋前物見者亦罕矣

張冀州碑載集古錄魏涼州碑載金石錄已言文字殘闕至斷字碑及高峻碑歐陽趙氏俱未見也古蹟在世遁於見聞者亦多矣

魯相韓勅造孔廟禮器碑

孔廟禮器碑建於永壽二年碑完好所缺不多而筆法波拂具存漢碑存世者不必皆佳而以道逸有古致者為上如此碑者未易屈指也書法之美舊石之完書家得此與曹全碑而從事焉他可無問矣予初得一本珍襲之又以羅小華墨一大笏



得易一本以為副真如乞兒暴富矣

集古錄云韓明府名勅字封節前世見於史傳未  
有名勅者豈自余學之不博乎春秋左氏傳載古  
人命名之說不以為名者頗多故以勅為名者少  
也

廣川書跋云考之字書勅字從東謂誠也按韓明  
府自名勅耳古者以勞賚為勅、為賚音其文為  
徠別體當南齊時有劉勅為內史則古人名勅何  
世無之觀廣川之跋是博如文忠猶有誤疑也學  
問一事寧有盡哉故兩錄之以見予雖老未敢廢

學也

魯相乙瑛請置百石卒史孔龢碑

孔廟卒史碑文既尔雅簡質書復高古超逸漢石中之最不易得者都元敬謂此碑殘闕予所收本則完善當在都所見本以前後云後漢鍾太尉書則後人附會之耳

魯相史晨孔子廟碑 前碑後碑

史魯相有二碑石皆完好字復尔雅超逸可為百世楷模漢石之最佳者也前碑載史姓字爵里於建寧元年四月十一日戌時到官乃以今日拜孔子

即脩禋祀罷歛民錢後碑史自出俸錢家穀以供  
禋祀于建寧二年三月癸卯朔七日上尚書時副  
言大傅大尉司徒司空大司農蓋國有大造司徒  
司空通而論之史不以案食小節自忽必上之尚  
書請之天子亦賢矣哉

泰山都尉孔宙碑

孔季將碑字法古逸尚存分體漢石之佳者王元  
美乃謂文與書皆非至甚矣鑒定之難也秦人郭  
宗昌金石史云漢太山都尉孔宙融父也史作佻  
趙明誠歐陽公王元美皆謂卒以延熹四年元美



謂又四年都尉廢、三年長子褒坐融匿張儉抵  
罪時融年十六宙卒時僅九歲按建寧二年張儉  
舉奏侯覽誣儉鉤黨刊章討捕時融年十七非十  
六也又按碑宙以延熹六年正月乙未卒甚明三  
公皆謂四年何也又按融建安十三年卒年五十  
六則是永興元年癸巳生至延熹六年癸卯融正  
十一歲非九歲也夫以文舉望繫漢鼎橫遭賊瞞  
荼毒海內痛盡其卒年史不應浪書至云融年十  
三喪父史亦矛盾當以卒年及碑為正此段可正  
史之誤附錄之

博陵太守孔彪碑

按彪為孔子十九代孫仕終於河東太守而碑額  
仍云博陵太守或碑乃博陵故民所建每閱漢人  
碑陰載出錢名氏或其門生故民非其子弟所置  
也彪名及字尤上碑中猶存集古錄謂名字磨滅  
不可見豈當日所見不及今本耶書法娟美開鍾  
元常法門矣

邵陽令曹全碑

曹景完碑萬歷間始出邵陽土中中惟一因字半  
缺餘俱完好且字法道秀逸致翩：與禮器碑前

後輝映漢石中之至寶也萬歷中河南土中並出  
尹宙碑字不逮此然完好可讀每閱集古錄金石  
錄及近代都元敬楊升菴諸書歎古刻日就銷刊  
入目者日艱然如曹尹二碑前人所未見也秦人  
王宏度字文舍從余遊酷愛古刻每向余言秦中  
石刻自經寇禍焚蕩無餘間有存者州縣憚於應  
上司之索取乘亂槌毀恐此後秦無石矣故舊石  
搨本有存者所宜共寶也

北海相景君碑 又碑陰

景君碑據金石錄云在濟州任城縣今乃在濟寧



州學不知何年移此此碑集古錄云文字漫滅金石錄云此碑最完何也豈搨者有先後耶余所收本文已漫滅惟碑陰差存其書方整有分法王元美稱之曰古雅非溢美也

淳于長夏承碑

金石錄云碑在洺州元祐間因治河堤得於土中刻畫完好如新余所收亦無剝落者其字隸中帶篆及八分洪丞相謂其奇恠真奇恠也有疑其偽者然筆致有一段英毅之氣決非後人所能及元人王惲謂為蔡中郎書恐未必後刻建寧三年蔡

邕伯喈書後人附會其說耳漢碑如郭有道碑寂  
是名跡今假刻可厭之甚何可與夏承同日語耶  
司隸校尉魯峻碑

魯仲嚴碑已剥落不可讀然其所存字分法勁拔  
古雅漢石之佳者楊升菴云魯峻碑水經注以峻  
為恭趙氏謂方輿志寰宇記皆作峻而辨水經之  
誤予家舊藏此碑峻字明白可識趙氏何必證之  
以地里書也鄭夾漈又謂此碑書於蔡邕按徐浩  
古迹記其叙邕書惟三體石經西華光和殷華馮  
敦數碑及考其他字書亦未聞邕嘗書此不知鄭

氏何所據也

魯峻碑陰

魯峻碑陰視前碑較完善可讀益為可珍不知集古錄金石錄及隸釋何以俱遺而失載即近日秦人趙岵著石墨鐫華極力搜措並前後碑俱未入目甚矣古今翰墨信有緣也

執金吾丞武榮碑

武榮碑久稱殘剝集古錄載其名金石錄並不載然石非全磨滅者文既簡質字亦如之自是東京風格可珍也榮之父吳郡丞武開明兄燉煌長史



庚子金夏記卷五  
九  
武班俱有碑載金石錄何以獨遺此碑耶

竹邑侯張壽碑

張竹邑碑在武城縣僅載集古錄他書俱不載近日好古如楊升菴諸君亦未見也碑文簡質字法古雅具見漢人風格

巴郡太守樊敏碑

樊巴郡碑建于建安十年不知今在何地余所收本無一字殘缺題額及鐫書人劉武良名俱全而書法遒勁古逸尤為可寶集古金石二錄俱不載豈近代始出現耶金石古文載其文至銘辭缺六

字又誤四字余憑此碑改正

辭曰演元垂

像岳瀆

治匠子金精火佐實

生賢子

豈欲救民德彌大子遭遇陽九百六會

子當

舉遐季今遂逝逡巡子嗚呼哀哉懷氏魂

神裕子

古文之缺當存其舊若妄加改竄非其質矣辭中

誤四字視原文不及遠甚誤耶改耶揚升菴之病

多坐此

蕩陰令張遷碑

張蕩陰碑建於中平十年石完好無缺而書法方

整介雅漢石中不多見者考之通志金石略既無其目而集古錄金石錄及隸釋隸續並不載豈亦出自近代耶而近代人如秦中趙嶠及郭宗昌搜訪舊碑亦不之及何也此碑及樊巴郡碑俱完整而佳一旦獲見前人所未見天下事孰有快於此者乎

李翕析里橋鄆閣頌

李翕在武都為析里橋一事有碑有頌予所收本字極完整所缺不過六七字但有頌而無碑集古錄云頌後又有詩皆磨滅不完今詩固可讀當是



集古錄已前撮惜歐公未見也又金石錄止見碑  
未見頌廣川書跋亦止見頌未見碑天下事固難  
兼也

白石神君碑

白石碑不甚剝落光和四年民蓋高等為無極山  
詣太常求法食至六年而衆民比例為白石神君  
以請碑文云居九山之數參三條之壹語殊荒唐  
魏百官勸進碑

勸進碑為梁鵠書歐陽公云嗚呼漢魏之事讀其  
書者可為流涕也其鉅碑偉字其意唯恐傳之不

遠也豈以後世為可欺與不然不知耻者無所不為乎

何元朗謂隸書當以梁鵠為第一是隸書之祖余謂不然漢隸雍容古雅卓然千古梁鵠所書方削寡情矯強未適視史晨韓勅諸碑相去千里矣古謂書閔世代豈不信然

梁鵠字孟皇安定人以善書為比部尉後依劉表及荊州平曹瞞募求鵠懼自縛詣門署軍假司馬使在秘書曹常縣其所書帳中或釘壁上玩之謂勝師宜官元人吳獻褚渙及明文徵明皆學其

書然終是魏人隸槩謂之漢誤矣

受禪碑

此碑余家有舊搨本無一字斷裂上有晉府圖書  
蓋宋時搨也書法同勸進金石史云雖小遠漢人  
雍之雅度衽履自飭亦復矯之予按此碑昔人謂  
王朗文梁鵠書鍾繇刻石為三絕碑顏魯公謂為  
繇書

黃初制命碑

何元朗謂孔廟碑陳思王文梁鵠書為三絕此矮  
人觀場語也予觀其碑矯厲方板無論不及漢且



遜受禪碑矣當時曹瞞假立名義弋取漢鼎子平  
濟惡父子兄弟倫理乖斃千古異變乃欲矯祀孔  
子以掩世目而書者此中寧無棹杙有中形外宜  
其書法不及東京孔廟諸碑也

鍾繇賀捷表

賀捷表歐陽公考當日破關公年月不合疑其為  
偽黃長睿又考之魏史斷其為真然此表舊傳有  
大小二本不同歐陽公以小者差類繇書予所見  
者乃小本然不知出誰氏之臨摹也予每言鍾書  
以右軍臨者為正如右軍書以唐人雙鉤者為正

也

鍾繇薦季直表

薦季直表前此未見古刻止於華氏真賞齋帖見之謂真跡在沈啓南家華氏得之上石一時盛傳以為奇跡然乎否乎世豈有晉跡存於千二百年之後者乎其書雖有隸體但媚媚開俗學之漸視力命墓田諸刻端勁具有典刑相去徑庭矣其為宋元人偽作無疑也

王右軍臨鍾繇力命表墓田帖

右軍所臨鍾太傅書乃南唐墨寶堂石神韻俱全

信乎其為墨寶也太傅字形多匾濶帶有隸意右  
軍但以已意臨之不區區求形相之似也古人臨  
書惟欲發露自己精神不肖寄人籬下往如此  
趙子昂云蘭亭與丙舍帖絕相似乃王自似王非  
王之似鍾也

王右軍黃庭經

予有御府本黃庭經特為寶重又得宋搨殘缺本  
乃褚河南所臨宋高宗刻之禁中米元章所謂天  
下第一者也雖存者僅半然不失為寶今行世乃  
吳通微書視此不啻霄壤矣



王右軍樂毅論

樂毅論是王右軍親書於石以貽後人者唐太宗  
取入御府魏昭陵中後溫韜盜發舊石已碎宋學  
士高紳以鐵束之其末獨存海字此本是也歐陽  
文忠云其石高學士之子弟質錢於富人而富人  
家失火遂焚其石趙德父云石未焚後在郎官趙  
竦家木匣貯之極為珍惜親舊有求墨本者必手  
摸以遺之後不知所在近人李日華有一本題一  
脩字傳為歐陽重刻然世亦罕見今所傳行者乃  
宋人王著偽書耳

王右軍東方朔畫讚

貞觀所購大王書評定以黃庭第一畫讚第二則知此帖唐時尚在御府所謂殉葬王敬仁乃偽也書法挺勁與他書稍異唐初諸賢無不自此入手而柳誠懸得之為多觀護命經固全用其法也

王右軍曹娥碑

宋搨曹娥碑乃宋高宗御府本書法靜婉貞淑如覲其人書字至此真可傾國昔趙文敏謂見其墨跡日如親見呂仙聽吹玉笛可以稱量天下之書詎不信然

六月七日為初伏天氣蒸雨數年來無此奇熱也  
閱此帖殊覺清風習習不啻赤脚踏層冰也

王右軍筆陣圖

相傳衛夫人有筆陣圖右軍題其後累代皆以為  
右軍書予觀其論書語殊淺薄尚不及孫虔禮而  
書法亦遠遜右軍他書殆後人妄為之耳趙子固  
云學書必先定間架若論間架莫平正於此矣操  
觚者所必資也至孫虔禮云既知平正務追險絕  
是又在人自得何如耳

王右軍十七帖



唐文皇收右軍遺跡率以一丈二尺為一卷因首  
有十七字故名十七帖李後主得賀知章臨本刻  
之澄心堂大觀中又刻之太清樓俱精工至唐人  
雙鉤墨跡後有勅字者萬歷中在京師王思延家  
濟南邢子愿借之上石亦甚蒼勁有致不遜宋刻  
國變後此石不存後人恐未得見也

李後主刻本余於山東人家得之精妙如手書後  
有悅生印乃賈相所藏也

晉人以書擅當代然見之碑板無一佳者至周孝  
侯碑不知何人假之為右軍書且其文謬妄前人

C. T. LOO, INC.  
41 EAST 57TH STREET  
NEW YORK 22, N. Y.

駁之詳矣不足存也

庚子銷夏記卷五畢



庫子銷夏記卷六

隋皇甫誕碑

皇甫君隋人而碑則立於唐歐陽詢書其筆帶有漢人分法是率更得意書王元美云比之諸碑尤為險勁是伊家蘭臺發源信然蘭臺道因碑筆帶批得之家學也此碑舊在陝西鳴犢鎮後移西安府學萬歷戊子提學余君房作亭覆之內申亭圯壓碑中斷余所收雖稍有剝落然是未斷前本也

智永千文

智永嘗書千文八百本散在江南諸寺今尚有墨  
跡存世宋大觀中薛氏以長安崔氏所藏真跡刻  
石極其精善余所收乃當時舊搨不待驗律呂為  
律呂及有方細摹字而知其妙也董元宰云智永  
為虞世南之師作永師書當思永興用筆乃不笨  
鈍作永興書當思永師用筆乃不板結吾家有趙  
文敏六體千文惟楷書純類智永蓋以虞伯施參  
合為之遂為古今之絕

智永千文在宋原有善本歐陽文忠所見本有後  
人妄補者遂去二百六十五字蔡君謨猶曰未能

盡去豈歐陽公未見善本耶則薛氏之功大矣

# 龍藏寺碑

真定府龍興寺有隋人龍藏寺碑其書方整有致為唐初諸人先鋒可存也至碑立于開皇六年齊已久滅而張公礼猶稱齊官書者不以為嫌當時不以為禁此皆尚有古道尤可紀也

## 唐刻虞世南孔子廟堂碑

廟堂碑為虞永興得意之書貞觀四年碑成進墨本賜以王逸少所佩右將軍會稽內史黃銀印當時車馬填集碑下羶榻無虛日故未久而壞至五



代王彥超翻刻之止存其郭廓耳今觀此本珠圓玉粟神采照映信為千秋至寶唐搨久亡恐世無二本昔宋人榮咨道以錢三百萬購唐搨本在彼時已難得如此矣金石錄云廟堂碑武德時建而題曰相王旦書額者蓋應額無額武后時增之爾至文宗朝馮審為祭酒請琢去周字而唐史遂以此碑為武后時立誤矣

五代重刻廟堂碑

唐刻廟堂碑既泐王節度取原碑勒石故初搨字已不全雖神彩大遜然猶虎賁之於中郎也近得

一本乃以孔廟本與西安本合裱者所缺不多市賈蓋欲以唐刻誑人耳

金石史云唐書法以歐虞並稱然前人云歐若狂將深入時或不利虞若行人妙選罕有失詞又虞剛柔内含歐筋骨外露君子藏器以虞為優固當至謂秀嶺危峰處之間起則非也歐虞固可並稱今止存一廟堂碑已經五代翻刻丰神尚尔映發初刻更不知何如耶

虞世南破邪論

永興小楷予所藏乃宋人博古堂藏本余舊有跋

云虞永興書師智永然永書絕綿密虞加之秀  
朗遂覺出藍吾家有唐拓廟堂碑此論亦唐石宋  
拓本與廟堂形有大小而精采無二雖石理稍泐  
而筆致翩、於分行布白間真絕構也有唐三百  
年書法當以永興為第一而永興書又以破邪論  
為第一

集按張丑真蹟曰錄云虞永興小楷破邪論真跡  
在王元馭閣老家風流蘊藉品在廟堂碑墨本上

虞世南昭仁寺碑

昭仁寺碑為朱子奢文不著書者名鄭樵金石略  
以為虞世南細閱之筆致娟秀尔雅非永興不能  
也舊唐書載貞觀三年詔建義以來交兵處為隕



身戎陣者各立一寺令虞世南朱子奢等為之碑  
此碑立於豳州乃破薛舉處也文既為朱則字為  
虞更足據耳

褚遂良孟法師碑

河南此碑圓勁而深厚猶存古隸遺意是其得意  
書且舊石完好斷落僅二三字傳世極少人鮮見  
者余得之故太保吳國華家聞太保讀何九朗集  
謂此碑之妙生平止于無錫秦氏見一本吳乃使  
人往江南物色之而得蓋墨寶也

褚遂良同州睪教序記

同州河南所書聖教序記與慈恩寺大小略同而  
同州饒骨慈恩饒韻如出兩手而同州尤有墜石  
驚雷之勢後云龍朔三年癸亥六月廿三日建大  
唐褚遂良書在同州倅廳按公永徽九年庚戌出  
為同州刺史三年還朝六年貶潭州顯慶二年貶  
夔州三年戊午卒於貶所至龍朔癸亥卒已六年  
矣安得復與書事蓋非手書上石公歿同人不勝  
桐鄉之思復摹刻官所實記所建歲月初不計其  
存亡其兩地字跡不同者摹手異耳

褚遂良雁塔聖教序記

長安慈恩寺有河南所書聖教序記分為二碑嵌  
雁塔門東西兩傍最完好序云永徽四年十月十  
五日建中書令臣褚遂良書記云永徽四年癸丑  
十二月十日建尚書右僕射上柱國河南郡開國  
公臣褚遂良書此自同州召還後筆稱臣者以御  
製文非奉敕書也

褚遂良倪寬贊

倪寬贊乃河南書字法帶隸極道古予未見古刻  
此乃韓宗伯敬堂從所藏墨跡句勒上石者金壇  
王氏又重刻之不逮韓氏本矣



褚遂良度人經

靈寶度人經褚河南書閣立本畫宋時藏韓城范氏家元祐中上石此宋搨也稍有缺字乃原本壞非石泐也字法娟秀真有美人不勝羅綺之致河南公大節凜然而書法乃如此與余家所藏孝經墨跡細看無毫髮異而孝經乃至聖所作度人經則勾妄邪說耳固知予所藏之為寶也

褚遂良小楷陰符經

晉人無蠅頭小楷其法至虞褚而精而褚尤生動永徽中公奉旨書一百卅卷此其一也

褚遂良艸書陰符經

河南草書陰符經字法步驟二王而微帶章艸風神瞥映機致流轉孫虔禮書譜脫胎於此貞觀中奉敕書五十本此其一也

僧懷仁聖教序

懷仁聖教序乃集右軍書宋人極薄之呼為院體院中人習以書誥勅士大夫不學之也趙子固云其中逸筆不知懷仁從何處取入使人未學他書先學此殊為可惡子固深于書學者故其言如此至近時乃大不然視此帖不斷本如瓌璧收藏家

學與不學俱購求一本以侈人而秦中士夫為甚  
有著金石史者謂聖教序較之定武蘭亭相絕千  
里可為噴飮真所謂夜郎王不知漢大彼或未見  
真定武耳蘭亭是右軍第一妙跡定武是蘭亭第  
一妙跡不特此也即宋所臨諸本無不各具一風  
格陸子淵所謂原本既高得其一枝半節無不善  
者人能學一分即有一分之得力無不卓然大雅  
惟一學聖教序則渾身板俗即唐人吳通微号能  
書者亦受此累况其他乎黃長睿云學弗能至自  
俗碑字未嘗俗夫碑字不俗何以學之輒俗使學



蘭亭者有是乎長睿深於書學者失言矣余初得  
一不斷本繼於故內復得此本更完好字法纖毫  
畢具蓋唐搨也秦人王文舍見之歎不釋手

高宗萬年宮銘

初唐帝王留心書學太宗每得二王帖輒令諸王  
臨五百遍另易一帖故所書多可觀至太宗晉祠  
碑不見佳不如淳化帖中諸書高宗萬年宮銘筆  
致生動有晉人遺致勝似所書李勣碑

萬年宮碑陰題名

碑陰五十餘人長孫無忌李勣褚遂良輩皆與焉

書名大小不倫然皆有法即契苾賀蘭亦不草  
唐人能重書學如此

趙德父云每覽此碑未嘗不掩卷太息以為善惡  
如水火決不可同器惟人主能辨小人而遠之然  
後君子道長而天下治若俱收並用則小人必得  
志小人得志則君子必被其禍如無忌遂良是已  
然知人帝堯所難非所以責高宗也可稱薦論附  
錄之

六月十三日閱唐諸帝王碑於懸車堂時久旱不  
雨東齋花卉皆槁家人自東安鄭庄來言皆赤地

C. T. LOO, INC.  
41 EAST 57TH STREET  
NEW YORK 22, N. Y.

也愀然有卒歲之憂矣然是日諸老冒熱有事郊壇予以病老偃卧于茅茨之下而又預計飢食焉豈可得乎

睿宗景龍觀鍾銘楷書帶有隸篆然文弱如儒生知其靡不振也且書各有體不得相雜如大小隸即楷也寫楷者亦惟用其法而不用其象故佳况楷豈可兼篆乎閱李仲璇孔廟碑忽楷忽分忽篆令人噴飯睿宗殆襲其遺迹耳

集按宋人唯識解院記忽楷忽行又時帶篆

隸殆亦學步仲璇者

相王所書順陵碑字法遒逸整潔唐妙蹟也其中



多用武后新字且自稱惡唐之子孫何不類至此  
令人欲唾此碑豐大之甚至萬歷乙卯地震而仆  
縣令取其石脩河今已亡矣余所收乃吳氏家藏  
舊本

### 元宗紀太山銘

唐初諸人隸古猶略存漢法如孔廟諸碑是也至  
元宗而始一變力趨豐艷漢法蕩然矣所書太山  
銘字大七八寸雄偉可觀絕勝他書是其竄得意  
筆王元美云予嘗登太山轉天門見東二里許穹  
崖造天銘書若鸞鳳翔舞於雲烟之表為之色飛

惜其下三尺許為搨工畏寒篝火焚蝕遂缺百餘字云余所收本完善無一字缺者殆二三百年前物也其餘如孝經鄖國公主碑涼國公主碑蘭陵公主碑金仙公主碑尚書楊珣碑皆舊搨然俱遜太山銘矣聞易州有正書道德經近在咫尺又未見也

歐陽詢醴泉銘

趙子固謂率更化度醴泉為楷法第一今其碑具在誠第一也余向年於王公惟儉家得醴泉善本僅缺數字滄桑後竟失之丙戌之春復得此本故

尚方物也雖缺廿餘字然搨法甚精昔人所稱草  
裏驚蛇雲間電發森々若武庫矛戟者備見紙上  
今人絕不能有此蠶蠟真宋人本也率更正書多  
帶隸法如首行宮字左點作豎筆正鋒一畫乃隸  
體近年搨本竟是一點大失書家妙旨矣此搨之  
所以貴舊也

歐陽詢化度寺舍利塔銘

化度銘字法視醴泉差小而整秀則同其石舊在  
關右南山佛寺宋慶歷閒開府王雍過寺見之詫  
為至寶寺僧聞之誤以為石中有寶也破石求之



勿得棄之寺後他日王公再至失石所在問之僧  
具以實對公尋得之已三斷矣乃以數十縑易得  
載歸置里第賜書樓下靖康之亂取藏井中兵後  
好事者出之爭相搥搨遂碎之世無復有此石矣  
此本得之故恭順家清勁而有神采誠所謂至寶  
也元人王惲云化度碑率更規模一出黃庭至奇  
古處乃隸書一變耳

歐陽詢溫虞公彥博碑

溫虞公碑雖已泐然所存者風骨整峻至同年張  
坦公處見一臨本靡二矣王元美云如郭林宗標

唐子金夏記卷六  
格清峻而虛和近人信然攷溫公卒貞觀十一年  
是時信本年已八十餘而楷法精神如此集古錄  
云按唐書溫大雅字彥宏弟彥博字大臨弟大有  
字彥將兄弟義當一體而名大者字彥名彥者字  
大不應如此此誠不可曉附錄之

歐陽詢九歌

率更有小楷千文及九歌予未見千文至九歌晉  
府所藏上有其印乃宋搨之精者昔董允宰先生  
見於朱御醫家謂世無二本迴環胸中二十餘年  
誠希世之珍世人豔稱化度碑政未見此耳

率更九歌宋時刻於長沙至南渡石已不存精妙  
宛如手書昔山谷謂唐彦猷得率更真跡數行精  
思學之遂以名世人能於此帖致精思焉不患不  
名世矣予恨相見之晚也

歐陽詢心經

金石略載率更心經在饒州是貞觀九年十月書  
於白鹿寺予得宋人搨本見其楷法精嚴而又寬  
展自如筆墨外有方丈之勢如郭恕先畫樓閣纖  
微合度了無安排真千秋絕調也米元章謂其真  
書直到內史此經足當之非溢美矣



歐陽通道因碑

蘭臺父子齊名號大小歐陽然率更世傳數碑而  
蘭臺止存一道因碑率更楷法源出古隸居唐楷  
第一而蘭臺早孤購求父書不惜重貲力學不倦  
作書每用批法蓋學其父也予得宋搨善本遂與  
率更碑合裱之

李邕雲麾將軍李思訓碑

李思訓碑為北海竄妙之跡今殘剝已甚予所收  
者止缺一二字宋以前搨本舊藏京師李貢士家  
為趙文敏故物其題簽乃手書也崇禎辛未李貢

士攜以相贈帖之四隅久已浥爛裱背紙乃宋戶  
口冊為重裱之攜至任所相隨三十年兵火後已  
失復得蓋異緣也

李北海有兩雲麾碑一李思訓一李秀官同姓又  
同思訓碑在陝西秀碑在良鄉秦人著石墨鐫華  
者誤以為一碑且以北碑為趙文敏所臨誤矣良  
鄉碑不知何時入都城宛平令掘地得六礎洗視  
乃雲麾碑建古墨齋以貯之不知何時又移至少  
京地署中止二礎其四礎傳謂萬歷中京地王惟  
儉攜去汴中金石錄云明皇以天寶三年改年為

載今此碑元年正月立而稱元載附記之俟考

李之名如李秀碑及娑羅碑東林碑余所收俱  
翻刻本娑羅碑登州張司寇忻有舊搨乃邢子愿  
物子曾借閱今張死而絕碑帖不知何在矣

李邕岳麓寺碑

岳麓碑雖已殘剝然其鋒穎尚凌厲不可一世北  
海奇人故所書尔々昔俞仲蔚謂此碑勝雲麾必  
有所見也

北海書宋初人不甚重之至蘓米而稍襲其法又  
至趙文敏每作大書一意擬之矣北海諸碑皆手



自鐫所云黃仙鶴伏苓芝無其人而託名也歐陽公云李邕書余始甚不好之竢晚譬猶結交其始也難則其合也必久全

李邕歙州刺史葉慧明碑

葉歙州碑乃八分書道雅大有東京遺意久傳為北海書然碑首斷落不敢定金石略載有道先生葉公碑而不載此碑又趙明誠錄有道二碑一為邕行書一為韓擇木八分書此碑乃八分書韓耶李耶姑闕疑可也然其書佳甚日數閱之而不倦漢碑有隸有八分八分亦隸也今之正書亦隸也

趙明誠謂歐陽公誤以八分為隸公寔不誤耳  
北海書始變右軍行法頓挫起伏李陽冰謂為書  
中得仙手

顏真卿書郭氏家廟碑

碑在今陝西布政司乃汾陽父敬之廟碑文與書  
俱出魯公手以一代偉人之家廟非得一代偉人  
之書不足當之可稱古今二絕碑陰載汾陽兄弟  
九人皆列大位不止史所傳幼明一人也所載汾  
陽封拜亦與史小異

顏真卿書臧懷恪碑

臧將軍碑視魯公他書差勁峭且石又完好鋒顏  
都具墨寶也

顏真卿書東方朔讚

此讚在山東陵縣書法拔他刻更嚴整予以曼倩  
生平極詆譎後立乃有以極正之筆書其讚者使  
曼倩見之當為骨鍊

顏真卿家廟碑

碑在西安文廟文刻四面制作精工魯公忠孝植  
於天性殫竭精力以書此碑而奇峭端嚴一生耿  
耿大節已若顯質之先人矣



顏真卿八關齋會碑

八關碑在歸德府字法大徑三寸許方整而有風  
致視他書更勝予向年官汴城于故家得一不斷  
本後替餉彼中親至碑下見石尚完好今為時三  
十年得宋長公曄搨寄此本乃碑之下段已盡泐  
落不勝憮然

顏真卿書宋文貞璟碑

碑在沙河縣書法方整中帶有虛和視他書稍異  
尤為可寶予以崇禎己卯于役河南親至碑下見  
石雖漸泐然規畫尚可撫摩因搨一紙置輿中共

晨夕者經年近霍少司馬達搨贈此本大不如二  
十年前者矣

顏魯公宋廣平碑側記云廣平任御史時持服於  
沙河縣屬突厥寇趙定州河朔亮悞邢州刺史黃  
文軌投艱於公公以父母之邦金革無避及賊至  
城下公為曉陳禍福其徒有素聞公威名者相率  
而去之開元末安西都護趙含章冒於貨賂多以  
金帛賂朝廷之士九品以下悉皆有名後節度范  
陽事覺有司以聞元宗將加黜責公一無所受乃  
進諫焉上納之御花萼樓一切釋放舉朝皆謝公

衣冠儼然獨立不拜翼日元宗謂公曰古人以清白遺子孫今卿一人而已公曰含章之賄偶不及臣門非不受也上深嘉之又曰公第八子衡因謫居沙州參佐戎幕土番入寇陷於賊知為公子曰大尉賢相也以三百騎盡室護歸此皆廣平逸事新舊史皆不載故特錄之

顏真卿多寶塔碑

魯公諸碑惟此字法差小平易近人故學書家無不收置一本王元美云貴在藏鋒小遠大雅不無佐史之恨其言誠有然者



顏真卿華岳題名

歐陽文忠集華石題名自開元至清泰五百餘人  
今存者止魯公二石每見人妄希託石以傳而不  
知石終托人以傳耳

昔魯公每遊名山必刻已姓名一置高山之顛一  
投深谷之內曰焉知後世不有陵谷之變耶古人  
重名所以重其身今人不重其身只因不重名耳  
顏真卿麻姑仙壇記

撫州有魯公仙壇記字形大如指頂筆、帶有隸  
意魯公最得意書也不知何時毀壞杳無見者余

收此本得之故恭順家宗以前搨楮墨精好最所  
秘惜至行世蠅頭小書乃慶歷中人偽書載金石  
錄而今舉世奉為楷模誤矣杭州姜漚思有宋搨  
大觀第九本帖子家正少此乃持以換仙壇本去

今所觀者乃忠義堂中本耳

集按陸放翁云顏魯公麻姑壇記東坡先生經藏記皆有

大字小字兩本蓋用羊叔子峴山故事千載之後陵谷變遷尚冀其一存耳據此則小字本亦魯公書趙氏之說未可竟信也

歐陽文忠云顏公忠義之節皎如日月其為人尊  
嚴剛勁象其筆畫而不免惑於神仙之說釋老之  
為斯民之患也深矣

顏真卿爭坐位書藁及二祭文藁

宋搨魯公坐位帖及二祭文皆手稿也而坐位一帖尤米元章所極力規撫不能得其仿佛者蓋其書鬱勃奇宕渾以天行而無迹可求故令人自遠也魯公與素師論書素曰如折釵脚公曰何如屋漏痕素撫其背曰得之矣公所得於悟後者盡露三帖中矣

顏真卿鹿脯帖

宋搨鹿脯帖與三稿稍異而沉毅激昂力透紙背書至此神矣聖矣吾每觀張長史真跡氣韻古宕此帖無不一一宛合魯公言累代書法皆手傳口



授以至長史公之所得者深矣書之一道可漫然而為之哉

顏真卿書清遠道士詩及和韻

魯公以正書、清遠道士詩及和詩端勁中氣韻冲夷求之碑版中微與宋文貞碑相類魯公所謂如印印泥如錐畫沙于此求之思過半矣

魯公學書於張長史言長史楷法精詳特為真正此見書終以楷為重魯公楷書帶漢人石經遺意故祛盡虞褚娟媚之習此或長史口授法乎宋人謂魯公真不如行有意不如無意此非深知魯公

者也宋人無真楷坐是故耳魯公書道輝映千古  
終以楷為極則也

顏魯公忠義堂帖

宋人有忠義堂祀顏魯公嘉定間劉元剛刻魯公  
帖置其中極其勁秀計十卷末卷有嘉定丁丑東  
平翠嶸跋予僅得八卷貯海雲閣元王秋澗云觀  
顏魯公忠義堂帖偶悟公書勁而潤蓋筆善轉而  
韻勝故也


徐浩題經記

徐季海書名最噪世贊其書曰怒猊抉石渴驥奔

泉當時司空圖極愛之予所見其石刻最少如嵩  
陽觀隸碑勢魄亦覺軒翥然終唐法耳至不空和  
尚碑亦止見平正求如所謂怒猊渴驥者無有也  
聞王長垣文蓀有題經記因借觀楷頂正書端凝  
而有風骨墨寶也怙為賈似道家物乃在綠堂裝  
潢恐亦無二本

庚子銷夏記卷六畢






泉







北平孫退谷庚子銷夏記

丁巳仲春補題於婺州公署之雪阿

蒼厓老人



C. T. LOO & CO.  
41 EAST 57th STREET  
NEW YORK, N. Y.

NO. 532  
HGT. 4 vols.  
LENG. \_\_\_\_\_

THE GETTY CENTER  
LIBRARY



庾子銷夏記卷七

柳公權神策軍紀聖德碑

碑為崔鉉文柳公權書之法端勁中帶有溫恭之  
致乃其竄得意之筆唐時刻在禁中人無敢搨者  
故墨本寡少即歐陽文忠及趙德父俱未見也予  
所收乃賈似道家物上有秋壑圖書及長字印元  
入內府上有官書條記後在晉王府中卷首手書  
云恠君何處得此本猶有桓元寒具油乃鮮于伯  
幾筆也

柳公權書崔太師碑

碑為劉禹錫文柳公權書字法較他碑稍小而深厚不露風骨柳碑之僅見者上有河東郡圖書及翠微印乃薛道祖家物也元人有跋稱其溫厚精嚴故足寶重得之矣

此碑薛道祖裱為二冊滄桑後自大內流出下冊在王長垣寓上冊有人攜徃三韓丁酉之夏三韓本復還京師長垣買得之余以古觥及米氏英光堂帖易得未幾碑額在一市賈家持來求售河東諸印宛然一帖之微萍分鏡合若有司之者天下事況有大於此者乎人可憬然矣

柳公權馮宿碑

馮尚書碑今在陝西省下誠懸小書精嚴而冲夷如崔太師碑柳書中之最佳者且文字完好當是百餘年前所搨秦人王宏度酷嗜古墨余問如此妙跡近在省會何以不多見搨本王云碑已剝盡不可復搨每捫碑石輒欲涕流余亦為之憮然楊用脩曰誠懸馮尚書碑亞於廟堂碑

柳公權書李晟碑

西平碑文為裴晉公撰柳誠懸書予舊未見此碑近始見之字雖剝落然一段挺拔不羣之概尚可



捫而得也王元美不滿晉公之文謂西平之子皆  
逝獨太保聽存乞文於晉公晉公自以為位列宰  
相文崇簡要體當如是而於西平之元功偉略十  
不著一二元美之言是矣然此碑列銜云臣裴度  
奉敕撰而非太保聽乞也予以為奉命之作固自  
有體西平之功共著人世何可過為鋪揚不為人  
主地元美見不及此矣嘗見蘓子瞻著溫公碑累  
數萬言卒來忌者之口溫公竟不能有其碑此  
千秋之炯鑒也六月十七日偶記

柳公權書苻璘碑

符尚書碑字法深厚與崔太師碑同王文含自秦  
中搨寄此本把玩竟日唐初諸公無不學晉即褚  
河南剛正不撓千古偉人而其書亦帶有嬋娟不  
勝羅綺之致蓋屈而就晉法也至誠懸始大闢境  
界自出手眼雖學魯公寔有出藍之譽故唐人稱  
其一字千金又謂墓碣之書不出誠懸則為不孝  
至四裔咸知寶重豈牽致於近人評書者乃以晉  
法繩之真井蛙之見也

符符二姓各有分派從符者其先本姓蒲以識文  
改為符從竹者其先仕秦為符璽郎遂以為氏二

姓固自不同而唐符璘碑合從竹而書作苻而苻  
堅之苻又有書從竹者二字古原通用漢碑率以  
竹為𣎵少有從竹者魏晉以下真書碑亦有書苻  
節為苻節者不可不知也附記於此

### 柳公權元秘塔碑

誠懸元秘碑最為世所矜式然筋骨稍露不及聖  
德與崔太師碑宋僧夢英等學之遂落硬直一派  
不善學柳者也此碑之文為裴休撰唐人取徑西  
域皆梵書番語文義不通使裴休等翻譯潤色竊  
取聖賢之義故勾妄之以文其陋而世人昧之奉



為上乘者皆休等為之也即如撰亢秘塔文何能  
著一名理但侈言人主寵遇之隆以張揚其教而  
已休輩之伎兩不過如此先儒云地獄無則已有  
則小人入若休輩者吾知其沉淪無已矣吾嘗讀  
歐陽文忠文集中無一篇佛寺碑記元時欲刻釋  
書令吳幼清先生作序先生堅不應命此皆聖人  
之徒也

柳公權小楷護命經

前人稱柳誠懸所書清靜經護命經俱為佳蹟然  
清靜經猶摹放大王雁行虞褚至護命經絕去摹

仿之迹有自我作祖之意真有唐第一妙跡柳公  
名墨行世者李西臺愛柳尊師志歐陽公愛高重  
碑蔡君謨愛陰符序米元章愛金剛經薛道祖愛  
崔陞碑至於古逸深秀莫護命經若也董元宰謂  
於虞褚顏歐皆仿佛十一自學柳誠懸方悟用筆  
古澹處自今以後不得捨柳法而趣右軍然董公  
秀媚處終囿于王右軍不能如柳之脫然能離也  
六月十八日記于小閣上

柳跡在京師者有宋搨金剛經賈似道藏本在李  
梅公寓又有王播墓銘在一富商家

蘓靈芝書寶塔頌

碑在京師之憫忠寺當日書丹寺石故文自後而  
前字法端潔蘓碑之佳者按唐史肅宗至德二載  
安祿山已死安慶緒忌史思明之強遣安承慶安  
守忠阿史那往徵兵因密圖之思明納判官耿仁智  
等之謀乃囚承慶等以所部十三郡及兵八萬來  
降上大喜以思明為歸義王范陽節度使未幾復  
叛此碑乃建於初歸附之時而以媚唐也

史惟則大智禪師碑

惟則分隸為開元時第一揆以漢法固少覺豐腴



然而暢適勻妥不乏筋力是一代高手也書述稱其古今折衷大小應變如因高而矚遠俯川陸而必見信然碑石完好無一字剝落尤為可珍

李陽冰李氏三墳記

篆書自秦漢而後推李陽冰為第一手今觀三墳記運筆命格矩法森然誠不易及然予曾於陸探微所畫金滕圖後見陽冰手書道勁中逸致翩然又非石刻所能及也

宋僧夢英留心篆學大要於李斯諸人皆加貶駁而獨推重陽冰後人非之然所著篆書偏旁字源

誠可為後學取法自書後跋云依刊定說文重書  
偏傍字源目錄五百四十部貞石于長安故都文  
宣王廟使千載之後知予振古風明籀篆引上學  
者取法于茲意亦甚自任余故裝於李氏篆之後  
竇泉謂李陽冰篆為華席又善小篆自謂蒼頡後  
身

絳州碧落碑

碧落觀名也開元閒改為龍興寺其碑舊傳為陳  
惟正書洛中紀異錄稱二道士書化白鴿飛去妄  
也舊刻天尊像背州將摹刻此碑昔李陽冰觀之

七日而不忍去學之十二年而不成必有獨得其  
妙者矣後人輕毀之可乎旁注釋文乃鄭永規書  
方整可存

六月二十日晨起涼生几簟復展碧落碑細看中  
有絕佳之字不讓古篆有絕不佳之字卑俗可嘆  
者昔歐陽公集古錄有割去惡字而存佳者如智  
永千文去二百餘字是也此碑當存數十字另裝  
之

王知敬書李靖碑

李衛公碑稍泐金石錄謂為王知敬書知敬負書



C. T. LOO, INC.  
41 EAST 57TH STREET  
NEW YORK 22, N. Y.

名當時與房元齡殷仲容相伯仲宜其所書道美  
可愛如此唐初名手人止知虞褚如李衛公碑蘭  
陵公主碑崔敦禮碑高士廉瑩兆記孔穎達碑馬  
周碑薛收碑褚亮碑有著名者有不著名者皆精  
妙絕倫不遜虞褚人罕見之故多不知也

### 蘭陵公主碑

公主太宗第十九女也碑文不知出何人手方整  
娟秀書家傾國也余嘗見趙模所書高申公瑩兆  
記筆致相合模擅書名太宗嘗命之摹蘭亭者此  
為模書無疑也

中書令崔敦禮碑

崔公初名元禮高祖改敦禮墓碑已剝落然所存者整潔俊逸顆々明珠也筆致大似李衛公碑當亦是王知敬書秦人趙岵云此碑久什少傳於世文薛收碑書法亦類此當俱是王書也

褚亮碑

褚公乃河南公父由陳入隋由隋入唐八十八卒今碑已殘剝分隸精工之甚唐石之最佳者字與馬周碑相類馬碑金石錄謂為殷仲容書則此碑知為仲容無疑也仲容盛負書名河南公冑舍之他

求乎

尚書張允碑

此碑稍泐昔人稱其書法精健信然唐史為張後  
允舊書無字新書曰字嗣宗而碑乃曰故金紫光  
祿大夫張允無後字蓋古人雙名或時以單字行  
多有如此

裴休書圭峰碑

裴休書脫胎於智永而附益以歐陽率更是碑乃  
以篆額付柳誠懸而已任書何不自量也後世乃  
有以為勝柳書者兒童之見耳所撰又乃彼家剩



房二金夏詩卷一  
語捨本業而拾異類之唾餘鋪張以見學術真如浪子衣珠行乞亦可哀矣

張增書段行琛碑

張增無書名所書段公碑道勁豐逸全得晉人遺法唐石之最佳者可玩也按行琛乃忠烈公秀實之父長祥頴次忠烈次秀成次同頴史傳不載

曲阜縣文宣王廟記

孔溫裕乃先王三十九代孫能以私俸奏請葺廟賜詔嘉獎碑無書者名勁秀大有顏魯公柳誠懸遺意其事其書俱足存

陸榮書陀羅尼經

陸榮所書佛經傳世者少止見此本為晉府所藏  
又有永亨珎玩印乃馮保家物也字法圓健而有  
風致宋人名家書多從此入手細閱之自見

高氏書鐵彌勒像頌

集帖中少女人書所存惟太原叅軍房嬋妻高氏  
所書鐵佛頌昔人稱其字畫簡古筆力遒健今石  
雖經翻刻然簡古遒健之致尚在夫男子生而泯  
泯者何限乃婦人借書名以傳後世君子疾沒世  
而名不稱焉寧無愧此巾幗哉

僧無可書寂照碑

此碑為段成式文僧無可書成式著酉陽雜俎者  
好奇之士也無可乃賈島從弟有詩集行世觀其  
所書矯勁不凡蓋亦奇人也

僧建初書元奘塔銘

元奘取經西域廣為翻譯蓋大有功於佛教者而  
史載其壽止云五十六蓋中壽也世人佞佛大約  
求消災延壽耳而元奘宜延而不能延人奈何捨  
經德而趨異教真不可必之福乎史云卒於顯慶  
六年至文宗開成四年改葬建塔劉軻為之撰文



始云卒于麟德元年享年六十有九飾辭也

呂秀巖書景教碑

秀巖景教流行中國碑書法秀逸適勁唐石之冢  
佳者予前此未見已亥之秋王文含自秦寄至未  
知碑在何地何以能完好如此又王長垣送冷朝  
陽所書碑字法秀穎亦甚完好俱可珍也

龐仁顯小楷三經

龐仁顯宋初人素無書名而其所書道經整潔渾  
是唐法可珍也蓋宋人書至蘓米出而始大變其  
初固猶存先民法則也

宋貢士書西明寺塔銘

宋貢士所書碑字法俊逸宛是唐人名手惜書名  
處石泐無可考耳

韓魏公北獄廂記

余於宋名臣墨跡每見之獨未見公手書此碑  
仿魯公書宛如畫像贊毅然有不可犯之色

王元美云北獄在曲陽中有一白石梁相傳云是  
舜時從獄飛至者曰祀於此其說迂誕不可信然  
古樹奇竦有二塑鬼奇甚皆千年外物碑刻亦稱  
是魏公此書全法顏平原而鋒距四出令人不可正

視公之受遺二世以身繫重輕此亦可窺一班矣

蘓文忠書溫公碑

溫公碑在夏邑蘓文忠奉旨撰書文旣宏肆琳琅其音書法端謹大存晉唐遺法文忠第一妙蹟也此碑仆後皇統八年夏邑令王廷直重刻之因斷舊石為四前有額後有跋事載元人程鉅夫老杏圖詩序及王廷直修復溫公墓碑記中此本予得之王都尉家蓋未仆以前搨神采奕々後載玉冊王礪奉旨摹勒完好如新真奇寶也

按司馬溫公以元祐元年九月卒於位二聖親臨



其器括宗再遣使詔其孤康又遣大臣論指俾奪  
遺命從官葬命入內侍省供奉官李永言乘驛  
詣涑水相地卜宅于是以十月甲子掘塋發陝解  
蒲華四州卒穿土復選尚方百工為墓具十月復  
命公從子富提舉之以二年正月辛酉既葬之期  
年敕翰林學士蘇軾撰碑上親為篆字以表其首  
又命永言及公從孫桂督將作百工起樓于墓之  
東南以居焉樓城凡四丈有五尺七月畢事費公  
帑一萬六千有奇八年九月宣仁皇后崩紹聖元  
年七月三省言前後臣脩論列元祐以來司馬光

等罪惡詔追所贈官并謚告及追所賜神道碑額  
拆去官修碑樓及倒碑磨毀碑文未幾熙寧奸黨  
之碑大書深刻皆以公為首靖康初元除元祐黨  
禁贈公太師而時已不可為矣按王廷直修復公  
墓在金皇統八年戊辰乃宋高宗紹興之十八年  
也距紹聖扑碑時計五十有五年時公墓已淪在  
異域而其臣愛護修復之如此其視紹聖崇寧為  
何如也金主卜相乃繪溫公之像賜之正中國指  
為黨魁時也吁可歎哉

蘓文忠小楷謝啓

公授殿中丞直史館具啓陳謝手書小楷筆之鍾  
王公帖中僅見者韓平原石本摹刻亦工

蘓子瞻仙遊壩題字

公為鳳翔判官時游仙遊壩而記其事字法後似  
顏魯公座位帖近人學蘓者一味豐腴全未夢見  
此也

蘓子瞻海棠詩斷石

海棠詩僅存百餘字楷書端勁似徐季海題經記  
而風致過之前有小像石亦泐葉石林云海棠詩  
為東坡先生最得意之作故常喜寫人間刻石有



五六本此本予里農人得自古墓中始掘時為鉏  
鏹所壞復規而方之也去其餘僅存百字詩前有  
先生自繪像即小剝泐不妨偉觀此石後在黃岡  
王同軌家每搨以贈人同軌字行甫為蕃育署丞  
著耳譚及合江亭稿行世

米元章書顏魯公碑陰

米老為魯公書碑陰即用魯公書法奇宕可喜至  
碑中謂杞欲害公之人而不能害公之仙其說亦  
新余以為杞能害公一時而不能不予公以千古  
固無論公之仙與不仙也

米元章蕪湖縣新學記

蕪湖學記黃裳撰文米芾書字法遒勁而韶秀余  
舊有未斷本兵亂失去今雖稍剝然大勝龍井方  
圓庵諸刻

米元章明道觀鐸記章聖天臨殿記及天臨殿銘

三石皆奉勅書穎秀異常唐人不畧望其項背也  
六月二十二日久旱大雨几席生涼坐小閣上觀  
之竟日

米元章書天衣懷禪師碑

碑文全用彼家語似一篇語錄非文也而筆法勁

逸絕勝他書後書希呈蓋稿也韓平原脫以上石  
今墨蹟在龔合肥處前缺十餘行中亦有數字不  
同想所書非一本耳

黃山谷書狄梁公碑

碑為范文正公撰文黃文節書文載梁公事極悉  
書極端謹不類他書以梁公之勲德文正之文章  
文節之妙筆可稱三絕文節尚有夷齊碑惜未見  
黃山谷題琴師亢公此君軒詩

此君軒詩為涪翁極得意之作而書亦瀟灑如意  
不知刻於何地摹手不工然一段清朗之致如霽



色在林尚且撲人眉宇也

又見山谷綠菜贊刻於廬山廟蓋山谷謫居涪城  
作也綠菜贊贈女子炎玉者炎玉姓史氏名琰字  
炎玉為張子復妻喜文墨夫婦詩詞倡和彙為一  
編曰和鳴集山谷來涪叙張氏為姑表親炎玉致  
綠菜遂為之贊書法甚佳石理已泐姑記其事於  
此

蔡君謨萬安橋記

泉州萬安橋長三千六百尺費至一千四百萬事  
亦鉅矣忠惠以一太守不費公帑為之事舉而民

不怨此忠之所以為忠惠之所以為惠也槁成公  
名還朝乃大書刻石雄偉開宕堪與槁稱

蔡君謨荔枝譜

荔枝譜書法顏魯公體格相媿風骨則遜世代使  
之然也然宋季諸公能存晉唐法者指不多屈也  
蔡君謨茶錄

宋人無工楷法者忠惠茶錄出入晉唐閒絕構也  
此本刻於宋大內彼時已稱不易得余又于友人  
處見一本結構稍懈大不及此此本後有黃文獻  
手跋云蔡君謨小楷茶錄結體似顏平原張景隆

金華書卷一  
十一  
刻之汴京又有墨本入紹興煥章閣模勒禁中無  
八分題序字勢飄逸頗具晉人風軌此搨是也今  
皆不傳恐當日所書不止一二或別有真跡旦暮  
遇之亦未可知耳至正三年佛日黃潛記

宋翻刻高從書盤谷序

高從唐貞元間人所書盤谷序端勁有古法世不  
多見至歐陽文忠脩唐書搜羅金石遺文始得此  
碑人益貴尚至有萬錢購之者久之剝落元祐八  
年濟源令傅君俞摹刻之然筆法大有唐致非宋  
人所及也



宋高宗藉田手詔

宋諸帝多能書者而以高宗為第一此紹興十七年耕藉詔書頒至婺州上石余見思陵手書甚多此詔更覺勁拔近代宸翰未有也

盧經書慎刑箴

慎刑箴乃是尚書迴判西京時所作一序一箴極其剴切而進士盧經書刻於石書法整潔可愛當茲刑罰煩苛四海重足安得此仁人之言重刊置司刑之座右乎

此石序文稍有剝落者錄其箴云刑之所設禁暴

防淫慎用戒濫利澤惟深如燭于闇如拯於沈所以君子必盡其心慎刑本仁仁者多壽濫刑獲報天網不漏嚴母先見于公有後顧布斯文置諸座右

道士于貞菴記

于道士元隱歿宣和帝賜之道號乃集唐諸名家書而為記集字絕無湊泊痕風神瀟灑高手也

僧參寥書三十六峯賦

武林僧參寥遊其所書樓四明三十六峯賦筆法全仿坡公聞彼時徐州有營伎習坡公書

人每不能辨蓋公為一代偉人即異流婦女咸知  
公慕效法如此而朝士顧欲殺之而甘心者則獨  
何歟

朱亢晦先生題愚叟墓

朱子大書雄偉異常石已剝落書云嗚呼大愚叟  
君之墓八字以先賢手跡存之

龔敦頤書陸宣公祠堂記

祠建於淳熙四年呂東萊先生文龔敦頤書文既  
條達卓朗書復馴々雅飭當時事衰微之日而諸  
君子猶表章正人以維風紀其事尤可紀也



金脩中嶽廟碑

碑文為黃久約撰書者止云臣郝不著其名石又完好非泐也書法方整道勁大有唐人遺致

王庭筠書博州廟學碑

庭筠負書名此碑風骨磊落有襄陽之勁秀而無其傾欹近石不多見者庭筠以名家子仕於完顏年未四十自稱黃華老人其意良可悲矣

沂州普照寺興造記

碑立於皇統四年集柳誠懸書方整勁秀宛如柳公手跡集者不署名如此沙腕大脉唐僧懷仁此

可為知者道耳

趙文敏書張留孫碑

元道士張留孫官加開府儀同三司上卿名器之  
濫至此可嘆也趙文敏奉敕書其碑豐偉秀拔竒  
稱鉅觀自徐季海李北海而後未見其匹敵也碑  
刻兩面今歸然轟東嶽廟中石理堅緻絲毫不壞  
刻者為茅紹之彼時求公書者非茅刻則不書觀  
其摹勒之妙固名手也

趙子昂張留孫畫像贊

張道士像贊亦文敏奉敕書字形比碑稍小而更

勁逸後有吳全節記亦似文敏書稍乏精采或學  
文敏者乎記中至比之白樂天司馬溫公何失倫  
也

趙子昂書僧裕公碑

裕公少林僧也元人贈大司空開府儀同三司追  
封晉國公宜當日仁虞院司鷹者皆帶中書銜也  
碑為程鉅夫文趙孟頫書稍不及他碑或摹刻者  
不及茅紹之耳

趙子昂書漢番君廟碑

番君廟者祀番陽令吳芮也令當秦末漢初有功



于民世之祀之廟始於范文正公至此重新之文  
敏書翩翩欲仙可珎也

趙子昂書道士孫道行碑

趙文敏書道行碑更覺圓秀王元美云姿韻溢出  
於波拂閒蓋能用大令指於北海腕者信然

趙子昂書捐施題名記

記乃文敏小書道秀絕倫班之晉唐閒當無忤色  
邢子愿云晉人書法以趙文敏為嫡允餘皆庶出  
耳知言哉

趙子昂書千字文

文敏好書千字文余藏其墨跡一卷純用蘭亭法  
此則兼有李江夏華意墨寶也

趙子昂書姜白石續書譜

姜白石續書譜其精義不遜孫虔禮更得松雪翁  
書之可稱二絕其書以婆羅碑寫定武蘭亭尤屬  
得意之作王元美稱此帖精工之極如花月松風  
娟娟濯濯披襟留連不能自已誠有然者

趙子昂書枯樹賦

褚河南書枯樹賦墨跡舊在華補菴家不知何時  
入故內滄桑後在龔合肥寓予曾借觀後有晁無

咎跋字甚奇宕此帖祝枝山集中疑為元人偽作  
余再四細看無河南秀挺不羣之致枝山之疑非  
妄趙文敏所臨師其意不踐其迹圓秀溫潤即河  
南見之亦當心折乃周公瑕鉤摹者宜非常刻所  
能及也

趙世延書昭德殿碑

碑亦在東嶽廟書法微類文敏而遜其緊嚴矣大  
約書法要有結構與文章一律有結構則緊嚴更  
益之以風韻天下無敵矣

解于樞書蕭山文廟碑



夏二金夏記卷七  
太常特起北地與吳興齊名吳興常自書二紙易  
其一紙重之如此此碑圓秀瀟洒具見名士風流  
可珍也

夏溥書融堂先生墓記

融堂先生錢姓名時著書樂道隱居不仕余未得  
見其論學書僅於故內得寫冊兩漢筆記議論不  
詭於正蓋卓然得先賢之傳者今見其脩墓記始  
知先生之生平遂所景行可喜也

姚燧書重陽仙趾記

姚牧菴書仿顏平原秀拔朴厚大有先正典刑人

C. T. LOO, INC.  
41 EAST 57TH STREET  
NEW YORK 22, N. Y.

有言此記可追媲宋文貞碑非妄

趙良弼默菴記

道士邢道安於樊川佳勝之地築菴以隱當中  
原禍亂之日道人守默五十年不變其志卒免鋒鏑  
之難其人蓋遯於黃冠者可仰也碑集顏書亦極  
精工

危素書崇國寺碑

太樸擅書名雖乏挺拔然圓秀有致名手也此碑  
在京師崇國寺人甚重之寺有二井元末京城陷  
太樸奔井所將躍入寺僧挽之曰國史非公不能

也自此老臣危素遂不得為文天祥矣

王龍澤麗澤書院記

麗澤書院乃呂東萊先生與朱晦菴先生張南軒先生講道之所淳祐中建祠以祀東萊先生至至元中復脩之而龍澤為之記石乃嘉靖中翻刻者其事可紀也存之

黃石齋書孝經

石齋于崇禎辛巳自詔獄遇刑曹初拜杖血肉淋漓乃據一敗几日書孝經凡百餘本每本繫之以跋無一語重複當時人得一本侈為奇寶是年初



冬寄余二本一小八分書一小楷書兵亂俱失去越  
二十年庚子市賈持小楷本來售余舊印宛在也  
追維今昔不勝慨然

孝經後復書西銘先生云看孝經如食米稻要下  
鹽豉者且看西銘

橫渠西銘極得孝經大意從此做去猷畝而王天  
下茅茨而享明堂亦是這個道理然自橫渠別出  
宗子家相看我輩又是一種人古人只說痼瘕如  
傷橫渠說出兄弟無告看天地又是大憾事不如  
讀孝經處、節、俱有着手穩寔切當中於人情

也然如知化窮神七八語極是高出諸賢之所未涉或問橫渠作西銘時曾看經否曰平昔自然用功纔得隱約理會要其入頭是讀孟子孟子言盡心知性知性知天事天立命一是西銘祖家又言萬物皆備反身而誠行法俟命守身為本湊來是一西銘矣先儒說是理一而分殊者又却不然如理一分殊者湏是孝經五孝五禮纔有定奪不然亦統同頭巾耳橫渠於親仁民仁民愛物處全不照管何暇照管濂溪口角畢竟諸儒橫渠識高力健今在聖門得入游夏之班或問勇於從而

順令是不然伯奇麼夫子明說順令非孝若伯奇  
不順令當如何處分曰橫渠亦只是說順受其正  
未嘗照管到陷親不義處

或問事天事親事君事親事君說得不陷於不義  
事天如何說得曰益烈山澤而焚禹決四瀆於海  
仲尼徑黜楚王孟子獨排楊墨如此裁成便是不  
陷天地于不義也曰曾子戰戰守身豈得如此乎  
段却以此相證曰曾子手段大看伊說仁以為己  
死而後已又說託孤寄命大節不奪又說不義  
則吾不仕不仁則吾不長居然是伯夷伊尹一流



人緣他才高所以夫子以此益之亦自知才高恐於不免所以臨易啓免纔稱無憾每念曾子為之潛然孟子曾子一樣學問若與橫渠同時亦收得一大高足正恐橫渠未肖耳學問人才亦各時代不等也

康子銷夏記卷七畢

庚子銷夏記卷八

寓目記

甲申後銅駝既在荊棘玉盃亦出人閒二三同  
好日收敗楮斲墨以寄牢騷予有墨緣居在室  
之東或有自攜所藏閒相過從千秋名跡幸多  
寓吾目焉追憶紀之

顧愷之列女傳仁智圖

新安汪注宋卿跋云晉顧虎頭列女傳圖元跋一  
十五窵四十九人男二十四女二十一童子四歷  
歲深遠流落遺脫僕偶得其跡僅存八窵男十五

女九童子四摠二十八人缺七寢二十有一人後  
於盛文肅公耳孫家見有蟬翼紙臨本止一十四  
寢男女童子摠四十四亦少一寢缺五人卷末有  
元友方回逢源葉夢得跋因求假摹寫以補真跡  
之缺處且並錄四跋於後寶慶改元端月人日識  
又有隆禮跋云以續摹補真跡之缺徒使後人有  
貂不足之誚乃撤去而重裝之殘璜斷璧夫豈以  
多為貴哉圖今在王長垣寓

陸探微金滕圖

金滕圖絹本畫內前列金滕次列俎豆諸器周公



冕服執笏侍者八人後有唐人李陽冰篆書金縢一篇圖在西川向氏寓

史道碩八駿圖

八駿圖如龍如虎奇詭異常後有趙松雪及錢唐白珽詩萬歷中藏王元美家有跋云謝赫畫品謂史道碩師曹衛與王微齊名而王得其意史得其似不無甲乙至李嗣真續畫品屈在中上然在二曹碩陸前則與赫異矣貞觀公私畫史稱史有八駿圖為隨朝官本宣和帝因之遂入畫譜以卷首雖殘破然有宣和祕殿印記即趙吳興白錢唐亦

定其為史本無疑也予常攷圖畫見聞志晉武帝  
臨御得穆王時八駿圖本令道碩摹寫之歷宋齊  
梁陳以為國寶至隨破臺城為賀若弼所有齊王  
暕以駿馬四十蹄美錦四十段購得之尋獻煬帝  
至貞觀中敕借魏王泰因而轉摹於世今此卷無  
貞觀小印當是人間摹本第其駢駢蹀躞滅沒之  
態固可按而想見也此圖元美官太僕時摹刻太  
僕署中今在龔合肥寓

吳道元地藏變相

圖在開封相國寺予為令時曾向寺僧借至署中

昔傳道子圖成成都人咸觀皆懼罪脩福兩班市  
屠沽魚肉不集今觀其圖恠幼異常其說誠有然  
者相國寺中有蔡元長題名字大如盃甚佳殿前  
有宋白碑又府學中有石經今皆沈沒深泥矣

閻立本帝王圖

圖在李吉安梅公家圖中僅十三帝漢昭文光武  
魏文帝吳大帝漢先主晉武帝陳宣宗陳文帝陳  
廢帝陳後主周武帝隋文帝隋煬帝肖貌皆如生  
後題跋大半滅沒惟韓魏公蔡忠惠數人尚可辨  
是周益公家物



燕文貴山水卷

文貴畫極工緻此卷尤為屬意之作藏王長垣家  
子瞻跋云軾通守錢唐日與方外師遊借此畫逾  
年將去郡乃題其後歸之今十六年矣師云字為  
人竊玄復為書此元祐四年十二月四日按文貴  
有武夷圖昔人謂其用筆精工但不勁秀誠然蓋  
畫家太細巧少士夫風韻耳

衛賢高士圖

高士圖乃梁鴻孟光故事原長條宣和帝裝為手  
卷亂後予偶得之旋為章立人買去畫家言宮室

入畫湏折筭無差乃為合作束於繩矩筆墨不可  
以逞稍涉畦畛便入庸匠故自唐以前不聞名家  
至賢始工今觀其畫信然至於風韻則大遜前人  
矣

顧閔中夜宴圖

熙載夜宴圖凡見數卷大約南宋院中人筆王長  
垣一卷甚佳熙載相貌昂藏而諸客僧俗混雜極  
其狎邪然畫者但知繪其事而不知其用意之深  
也熙載當五代之末能知趙點檢不可測識已過  
人又知時事日淅而恥為之相故以聲色晦之常

語僧德明曰吾為此行正欲避國家入相之命僧  
問何故避之曰中原一旦真主出江南棄甲不暇  
吾不能為千古笑端此其高識豈畫家所能知耶

李伯時山莊圖

山莊圖之妙已見於坡公集中近傳世者多畫院  
中摹本孝感程氏有一卷寶為真跡予得一卷與  
之如出一手雖非真跡畫苑中高手也予卷已屬  
祥符張氏按伯時為御史檢法遂以病痺致其事  
實元符三年庚辰遂歸老龍眠山優游巖壑自合  
云元豐紀號歲在丁巳月在除即買山於龍眠以



基以堂庚辰上距丁巳凡歷二十四年矣

趙千里桃源圖

桃源圖凡見數本王長垣家一本係劉松年筆紙已黯落惟歸德宋氏一本乃趙千里筆妙絕其畫惟一漁郎捨舟沿溪入洞口餘高山蒼莽雲氣掩映不復寫入後景事可謂曠杳今畫在閩中士夫家

張擇端清明上河圖

上河圖乃南宋人追憶故京之盛而寫清明繁盛之景也傳世者不一而足以張擇端為佳上有宣和

天歷等璽予於淄川士夫家見之宋人云京師雜  
賣鋪每上河圖一卷定價一金所作大小繁簡不  
一大約多畫院中人為之若擇端之筆非畫院人  
能及也

所翁畫龍

世傳所翁龍予見數幀而人不知所翁為誰按所  
翁陳姓名容字公所長樂人端平二年進士官至  
朝散大夫喜畫龍極天矯然非收藏家上品

閻立本十八學士圖

圖乃絹本立本畫于志寧讚沈存中跋舊稱三絕

ST. LOUIS, MO.  
41 EAST 21ST STREET  
NEW YORK 22, N. Y.

圖中人物如生獨許敬宗作回首忸怩狀蘇世長  
頭禿無髮腦傍七痣如星且肥短多髯極為醜陋  
卷乃蒲州監生魏希古物嘉靖中崔駙馬欲以千  
金購之不與具疏條議兵事連卷上之疏不當遂  
同卷發兵科中以一紅匣貯之每科新庶常同  
鼎甲三人詣兵科觀卷科中設席待之遂為故事  
崇禎辛巳予在兵科日取展閱見畫無神彩或為  
人臨去

沈存中跋學士圖謂圖稱房元齡字高年薛莊字  
元敬陸元朗字德明姚柬字思廉而唐書稱姚思



廉字簡之房喬字元齡以字行陸德明薛元敬即  
名也以是證史之誤

王荆明石梁秋瀑圖

荆明自題云至正辛丑九月三日與陳徵君同宿  
愚庵師房焚香烹茗圖石梁秋瀑脩然有出塵之  
趣黃鶴山人王蒙寫其逸態云周伯昂題云梁挂  
飛泉遙噴雪山閒踈樹淨金霜幽人自愛清秋景  
閒坐虛窓對夕陽

王右丞捕魚圖

予未見右丞圖但見宋人臨本晁无咎跋云右丞

妙於詩故畫意有餘世人欲以語言粉墨追之不  
似也常憶楚人云帝子降兮北渚目眇兮愁予  
嫋兮秋風洞庭波兮木葉下引物連類便若湖  
湘在目前思頃時歲晚道吳江如此漁者男子婦  
女童稚舟楫梁笥網罟罩紛然在江然其業廉  
而事佚故無市廛爭利意此與畫二大夫去國其  
色無別恨奚以異

韓滉七賢過關圖

圖在西川柳鳳占處予屢見之其畫人物楚二自  
非宗以後人所能為七賢事莫可攷楊升庵云七

賢舊云高適杜甫李白孟浩然劉禹錫柳宗元潘  
逍遙然逍遙宋人生不同時胡乃合而圖之又云  
是開元冬雪張說張九齡李白李華王維鄭虔並  
浩然出藍田關遊龍門寺鄭虔之圖且以虞伯生  
及張槎為證似矣揔不如黃山谷云博雅之士賞  
其畫則可必湊合姓名不亦鑿乎

宋耆英會圖

耆英會圖不知出誰手然諸老龐眉皓首坐卧長  
林豐草之間致足樂也羅廬陵云元豐間洛陽諸  
老為耆英會圖形賦詩一時誇為盛事而識者悲



之曰此皆仁宗所養之君子而皆老矣升沈消長  
之會過此甚可畏也時林行己曰天將祚其國必  
祚其國之君子視其君子之衆多如林則知其國  
之盛視其君子之落々如晨星則知其國之衰視  
其君子之康寧福澤如山如海則知為太平之象  
視其君子之摧折頓挫如湍舟如霜木則知其為  
衰亂之時又曰天將使建中為崇寧則不使范忠  
宣復相於初元天將使宣和為靖康則不使劉陳  
二忠肅慙遺於數歲時以為至論

匡廬十八賢圖

圖不知誰作上有博古堂印識宋景濂跋云當是  
時晉室日微殺戮大臣如刈草管士大夫往之不  
仕託為方外之遊如元亮道祖少文輩皆一時豪  
傑其沈溺山林而弗返者豈得已哉傳有言群賢  
在朝則天下治君子入山則四海亂三復斯言撫  
圖流涕

宋徽宗草書千文

徽宗千文書法學懷素而腕力弱甚後題宣和壬  
寅御書上用御書印僉押有雲林子久及黃琳素  
柳產諸收藏印予得之亂後今已贈人

東坡相

坡翁小相戴笠著屐手策一杖王守溪題一贊云  
長公天仙謫墮人界人界不容公氣逾邁斥之杭  
州吾因以遊擯之赤壁吾因以適瓊厓儋耳鯨波  
汗漫乘桴之遊平生竒觀金蓮玉帶曰維東坡戴  
笠著屐亦維東坡出入諸黎負瓢行歌十惇百卞  
其如予何

謝太傅相

方秋厓贊云絲竹雲林妓女邱壑此亦一安石鬼  
蜮老奸風霍勁敵此亦一安石蓋太虛之雲無心



而虛谷之響無跡要未易窺敵手之棋而訖折齒  
之屐也

唐韋莊借樂章帖

帖凡六十八字風骨似晉人前有泥金題簽是金  
章宗御府物又有宣和政和紹興諸印在嚴相家  
籍沒入內故有南昌縣号印予於李梅公寓見之  
按韋莊杜陵人唐昭宗進士副李洵使蜀時中原  
兵亂遂居於此朱溫篡唐蜀王建亦僭号拜莊左  
散騎常侍判中書門下事以歿

山谷草書杜詩

黃自跋云欲作草要須解張顛筆法又當知屋漏  
折釵股筆及公主家擔夫爭道體勢乃能用筆從  
橫可意耳元祐八年十一月丙子試鄭友直筆予  
有趙松雪題此卷之跋後聞此卷在李梅公處送  
歸之趙跋云黃太史所書杜少陵詩筆力雄健又  
論草書體勢深得其要非善於書法者不知也至  
大三年三月題於車橋寓舍

蘇東坡書前赤壁賦

赤壁賦為東坡得意之作故屢書之此本小字楷  
書尤有精采後自跋云軾去歲作此賦未嘗輕出

以示人見者蓋一二人而已欽之有使至求近文  
遂親書以寄多難畏事欽之愛我必深藏之不出  
也又有後赤壁賦筆倦未能寫當俟後信軾白卷  
首損壞文衡山補之筆法蒼勁

趙子昂楷書姜白石蘭亭考

此卷乃子昂蚤年書予同李梅公坐報國寺松下  
見此卷李購之子昂自題云白石先生蘭亭考一  
卷予兄德楫有此真跡野翁自江東抄得携來京  
師且以此紙要予作小楷予自少小愛作小字迹  
來宦遊無復有意茲事蓋北方多風塵不宜筆研



而客中又乏佳几此紙雖出高麗亦非良品聊復  
日雨後風塵少息拳曲土炕上據白木小卓偶令  
書此以應野翁之命孫過庭所謂垂作者也

蜀僧令宗畫六祖像

山谷跋云浴室院有令宗畫達摩西來六祖相人  
物皆妙絕其山川草木毛羽衣蓋諸物畫工能知  
之至於人懷有道之容投機接物觸目而百體從  
之者未易為俗人言也此畫列於冠蓋之會而湮  
沒不聞者數十年得蜀人蘇子瞻乃發之物之不  
系於世道興衰亦有數如此寺井泉甘寒汝師

碾建溪茶當不落第二故人陳季常林下士寓棋  
簞於此蘇子瞻范子功數來從之故予過門必稅  
駕焉

宋本淳化閣帖

乙酉賈人持閣帖第十卷來看上有水晶宮道人  
印是趙文敏家物文敏跋云淳化中詔翰林侍書  
王著以所購書繇三代至唐釐為十卷摹刻祕閣  
題曰上石其實木也既成賜宗室大臣人一本自  
此遇大臣進二府輒墨本賜焉後乃止不賜故世  
尤貴之黃太史曰禁中板刻古帖皆用歙州貢墨

墨本賜群臣今都下用錢萬二千便可購得元祐  
中親賢宅借板墨百本分遺官僚用潘谷墨光輝  
有餘而不甚黝黑及有木橫裂文士大夫不能盡  
別由此觀之刻同而墨殊亦有以也甲申歲五月  
予於書鋪中得古帖三卷第二第五第八明年五  
月又得七卷多第八缺第九六月以其多者加公  
權帖一卷於錢塘康自脩許易得第九卷始為全  
書雖墨有燥濕輕重造有工楷皆為淳化舊刻無  
疑是可寶也自太宗刻此帖轉相傳刻遂遍天下  
有二王府帖大觀太清樓帖紹興監帖淳熙修內



司帖臨江戲魚堂帖利州帖黔江帖卷帙悉同又有慶歷長沙劉丞相私第帖碑工帖尚書郎潘師旦絳州帖工庫帖稍加損益卷帙亦異其他瑣者又有數十家而長沙絳州帖家知名要皆本此帖書法之不喪此帖之澤也

王大令十三行

予有宋刻洛神十三行精采如手書董元宰云十三行真跡元時在趙文敏家使我得之則不啻也一日得見文敏所書跋云晉王獻之所書洛神賦十三行二百五十字人間止有此本是晉時麻牋

字畫神逸墨彩飛動紹興間極力搜訪僅獲九行  
一百七十六字所以米友仁跋作九行定為真跡  
宋末賈似道執國柄不知何許復得四行七十四  
字欲續於後則與九行之跋自相乖忤故以紹興  
所得九行裝於前仍以紹興小璽款之却以續得  
裝於後以悅生胡廬印及長字印款之孟頫數年  
前見此神物託集賢大學士陳公顥委曲購之既  
而孟頫告歸迨祐庫申忽有僧持陳公書並此卷  
見遺陳公誠磊落篤實之士不失信於一言豈易  
得也因併及之又有一本是宣和書譜所收七璽

原一金夏言卷八  
十三  
完全是唐硬黃紙所書當是唐人臨本後有柳公  
權兩行云子敬好寫洛神賦人間合有數本此其  
一焉寶曆元年正月二十四日起居郎柳公權記  
吾不敢以為真跡蓋晉唐紙異亦不可不知也

朱文公墨跡

文公墨跡一卷前畫文公小像後書獨遊寶應寺  
詩又與程允夫帖又或問誠意章手稿小行書極  
精工後有元人朱公遷諸人跋此卷原在予家今  
在章邱張氏

北齊勘書圖



圖在杭州陳山人寓予嘗借至齋中細絹白描人物  
楚之後有黃伯思跋云僕頃歲嘗見此圖別本  
雖未審畫者主名特觀其人物衣冠華虜相雜意  
謂後魏北齊間人作及在洛見王氏本題云北齊  
勘書圖又見宋公次道書始知為楊子華畫其所  
寫人如邢子才魏收輩豈在其間乎宜其模矩乃  
爾今觀此本益知北土人物明甚則知子華之跡  
為無疑唐閻令稱子華自象人以來曲盡其妙簡  
易標美多不可減少不可踰今詳其跡信然第他  
本尚餘兩扇有啓軸隱几而仰觀者有執卷楮而

沈思者數草蓋當時畫此不但一通也李正夫資  
暇謂茶托始於唐崔寧今北齊圖畫已有之則知  
未必始於唐世亦猶蕭梁已有紕囊盛笏而唐史  
謂始於張九齡者同也觀者宜審定之政和丁酉  
八月武陽黃伯思長睿父於楚川袞華堂觀又歐  
陽元跋云右勘書圖出於高齊初禪東魏當時  
主肄於上而國治於下且有餘力萃境內書籍集  
時髦校之至繪事傳於後世可謂盛矣宇宙間書  
籍至東漢甚夥後散居南北五朝北魏孝文時書  
甚富後嘗遣使借書南齊補完而南五朝書乃盡

於梁元帝江陵一夕之自焚所謂文武之道今夜  
墜地者是也至隋世藝文志所載浩瀚唐又增多  
且多整娒得非北五朝所存或經高齊所校勘者  
與畫中諸賢衣冠什器微有異同黃長睿辨之已  
悉有一士意度騫舉眉目清揚非當塗翩翩者乎  
使文襄遵彥見之君臣間復發一笑至正十七年  
丁酉秋七月乙亥廬陵歐陽元原功甫為治書侍  
御史袁君亨伯跋

懷素小字千文墨跡

小字千文乃絹本字法端謹不似懷素書上有政



和宣和及內府圖書諸印記舊在姚公綏家後歸  
文衡山不知何時入內工部李迎駿得之予借至  
齋中竄久猶疑為宋人臨本又聞懷素有草書律  
詩上有天厯小璽又有書尉遲恭碑宋徽宗標題  
未得入目

南唐曲燕圖

曲燕圖曾見後人臨本南唐中主保大五年元日  
會大雪別展曲燕太弟集為曲燕圖高冲古畫御  
容周文矩畫太弟以下侍臣及法部絲竹朱澄畫  
樓閣宮殿徐崇嗣畫池沼禽魚董元畫雪竹寒林

皆一時絕筆

不碍雲山樓圖

楊竹西富而韻樓成趙仲穆作畫楊鐵厓作記馬  
文璧諸人題詠之又吳繹為畫其像倪元鎮為布  
樹石極一時韻事

褚摹蘭亭墨本

褚摹蘭亭有數本行世此本工部李迎暉得之故  
內是舊人雙鉤未必褚也上有大中祥符三年九  
月九日前進士蘇耆字國老題又有王欽臣劉震  
孫及鄧文原柳貫諸跋柯九思云右唐雙鉤蘭亭

叙其飄撇不經意處當下真跡一等耳非褚河南  
不能也舊歲鄧集賢家集賢亦以能書名得此筆  
意為多今歸靜遠書府故是甲觀印章累米老  
亦止一印無其題語疑是米民父子為之李工部  
得之不久為其堂翁攫玄曾在予齋月餘

黃山谷書陰真君詩

此卷乃山谷正書極其端勁自題云忠州丰都山  
仙都觀朝金殿西壁有天成四年人書陰真君詩  
三章予同年許少張以為真漢人文章也以予攷  
之信然因試生筆偶得佳紙為鈔此詩以與王瀘



州補之之季子觀陰君所學守尸法耳猶須擇師  
勤苦如是乃能得之何況千載之後尚友古人求  
知道德之上宰者乎紹聖四年四月丙午黔中禪  
月樓中書此卷予借王長垣

端尚書小像

端司寇名以善漂水人在元為小吏居金華好書  
畫明初召為徽州府經歷累官刑部尚書偶見其  
小相學士朱昇贊云其人謙退似懦夫專謹似腐  
儒瞻視精悍似俠客掀髯談世事似談士而其精  
神超越又似逸民隱者

黃山谷贈元師詩

此卷字法道逸是涪翁得意書江西朱子美得之  
故內予曾借觀後自跋云予舊得東坡所作醉翁  
操善本嘗對元道之元欣然曰往嘗從成都通判  
陳君頴得其譜遂促琴彈之詞與聲相得也蜀人  
由是有醉翁操然詞中之微旨弦外之餘韻俗指  
塵耳豈易得之建中靖國元年正月辛未江安水  
次偶住亭書

劉松年畫卷

畫卷四段布景設色乃松年得意筆李西涯題云

劉松年畫攷之小說平生不滿十幅此圖四幅作  
寫數年始成今觀筆力細密用心精巧可謂畫中  
之聖者卷在朱子美處

趙伯驕畫魚長卷

伯驕字希遠伯駒之弟大年之孫也長於畫魚予  
見一卷備盡噓喁游泳之妙後有陶南村錢雪翁  
諸人題分宜嚴介溪亦手題甚工希遠以宗室為  
湖州太守貴介而有此清韻亦可取也

馬遠紅梅

遠在畫院中竄知名予有紅梅一枝菁艷如生楊



金華言卷八  
妹子題一詩於上字亦工按楊妹子者寧宗恭聖  
皇后之妹書法類寧宗凡御府馬遠畫多令之題  
此幀李梅公見而愛之携玄竟燬於火予又有女  
誠一卷為馬麟畫相傳為寧宗書實楊妹子書用  
御書之印耳此卷今在畿南士夫家

任月山高士圖

任畫不甚高而蒼勁高士圖上題月山道人畫於  
可詩齋月山名仁發字子明年十八舉於鄉宦水  
監所著水利書十卷元時凡水議皆仁發主之月  
山又喜畫馬學趙松雪

十八學士圖

賣畫者持學士圖來看極精工然無士氣蓋院中  
人筆也後有宣和帝書十八學士官爵姓名蔡京  
奉命題跋

高宗瑞應圖

圖凡六段予見三四卷大約宋畫院中人筆舊傳  
為劉松年文休承載嚴氏畫目以為蕭照之當南  
渡失身為李唐收之渡江而南補畫院

伯顏不花鼠圖

不花号蒼巖予有所画鼠圖一鼠緣木竊果惶々

畏人宛然如生易曰晉如碩鼠蓋言小人而據高位貪而畏人也此畫蓋有所譏乎予贈真定梁王立

韓滉豐樂圖

圖中全不設景惟畫多人長幼牽連或拍手而歌或跳躍而舞蓋寫開元時豐盛之景也後有元人題字一行云贈仲穆吾壻熙寧丁巳崇福退叟題此卷予得之市賈壞甚重裝之允岡師自南來爰之携玄

戴嵩鬪牛圖



圖中二牛牴觸一牛怒視目光炯炯二童驚避樹  
下脩極情態卷上有宋徽宗題及高宗御寶又賈  
似道題云戴嵩鬪牛圖自內府得之永為賈府之  
寶此卷在吳恭順家

貫休羅漢

貫休所畫羅漢極其詭異予有一長卷尤為奇妙  
筆法如懷素草書舊在徽州許家天下有名之跡  
也予贈順德白含三又京師城南有明因寺僧紫  
柏夜夢十六僧請住寺中醒而異之次日有持巨軸  
售者乃貫休所畫羅漢乃收貯寺中紫柏各係以贊

李龍眠羅漢

龍眠羅漢予舊在駙馬鞏永固家見十六軸精工絕倫是公主自尚方帶出又京師城南明因寺之前有天慶寺中貯十六軸與鞏都尉家者一律予有池亭在寺旁每來遊寺輒看之不知何時入寺中也

范華原華山圖

圖中一山陟絕群峯環列前缺一面瀑布如線自天而落長橋大隄兩人昂首而看予在左萊陽寓見之然畫乃舊人筆未必范寬也

渡水神駿圖

畫不知何人作圖中一童子騎馬入水中岸上石  
榻坐一士人一僧旁有大樹一侍者倚樹而立髯  
鷹於龕之麓寓見之

瀟湘八景圖

圖不知何人作乃元進士哈珊沙家物跋言至正  
己亥括城之變倉皇避地舟覆惡溪此卷乃獨全  
遂贈同年陳用中迺易之題一詩云岳陽樓下船  
初泊壓岸黃蘆秋漠漠割羊澆酒賽龍君高挂蒲  
颿晚風作白頭波裏君山青瀟湖明月過洞庭金  
銀臺殿出林麓疎鐘隱隱煙中聽小市人家茅絹



緝山翠濛々客衣濕一聲漁唱浦口迴竹艇搖々  
歸玄急崖顛雲氣暝不開夜深風雨如奔雷遊子  
衣寒倚篷看一雙白雁沙頭來只今作客僧窓下  
白髮鐙前空看畫謾吟詩句憶瀟湘少慰江南未  
歸者卷在予家今失玄

趙德麟周公輔成王圖

圖中成王冲年未具冕旒周公肅恭於前畢公召  
公退立牆側座後侍者四人階前席賁二人皆雍  
容有道之象其世其人可想而見也

王荊公天香雲嶠圖

予同張雲庵過故恭順寓見荆公此畫極細密雲  
庵極贊之上有倪瓚一題不佳恐是偽作因過雲  
庵寓盡出所藏快觀張僧繇夜月觀泉圖上有徽  
宗題關仝秋山圖郭忠恕仙山樓閣圖馬和之釣  
雪圖王翬明仿董北苑小畫落款處斷落韓宗伯  
家物上有其印吳仲圭夕陽垂釣圖趙松雪飛鶴  
長松圖王若水浴鵲圖皆一時名跡至沈石田晴  
雪探梅圖冬遊席邱圖唐伯虎古木亂泉圖三幅  
神妙絕世超前人而上之矣雲庵賞鑒不精而好  
事所積之畫令予竟日審定如畫院之俗筆老蘇

州之臨摹屏逐殆盡亦閒居快事也

王叔明惠麓小隱圖

圖乃孝感程端伯所藏王叔明為愚嬾先生作蓋  
元時隱君子也上題一詩白頭學種邵平瓜四百  
年前故將家第一泉頭春夢醒洞庭煙水接天涯  
畫與詩俱佳予過端伯寓見之更有王摩詰江干  
雪霽圖原在董元宰家上有題又倪雲林清閟閣  
圖長林廣榭圖倪小相其中端伯善畫為予臨一  
幀



右北海銷夏記身山居士借閱於鮑子以  
文家并為點勘其譌字丙子二月五日校  
對畢是日雨天氣微涼試液亭所惠古墨  
漫書卷尾

小雨點牕併梅欲喚徧閱此書一過塵容  
俗狀抗走都盡起山呂先生於今日又當  
云極歎之下韻勝也身山居士再書於山  
響閣中

右二則為山友夏君身山手跋君諱璜字望  
珍身山其自号也有潔疾素好古得一古墨奇石

庚子銷夏記卷八  
輒手自摩弄瑩生澤所居雖短屋數椽而几席間  
無點盪蓋其性然也集每風雨過從烹茗快談一洗  
塵俗今手跡宛然而其人已歸道山三年矣以文  
之刻是書其成有日惜不能掃閣焚香重與  
身山縱觀而快論也能無存亡殊向之感哉

乾隆辛巳三月望後余集附識

庚子銷夏記卷八畢

右北海孫侍郎退谷撰是書之作歲在庚子  
始四月迄六月故名之曰庚子銷夏記紀實  
也庚辰冬吾友鮑子以文將付之梓而屬余  
書時方歲晏每晨起坐小樓寫三數翻旭日  
杲杲照几研間雖嚴寒亦呵凍書之不輟今  
年二月始畢事余惟古人品評書畫如鐵網  
珊瑚珊瑚木難清河書畫舫諸書以及

本朝高詹事之銷夏錄卞中丞之書畫彙攷  
非不詳盡精確足資鑑賞然而絜長較短辨  
綸楮列款識小遠大雅類好事者之所為觀



先生是記抑何蘊藉乃尔也先生為睢國遺  
老滄桑後屏棄一切獨留情於書畫然亦借  
以瀟洒送日月大要等於太虛之雲飛鳥之  
聲足以適吾天而不足以累吾神斯其為寓  
意於物者乎昔東坡先生嘗有手書陶詩刊  
本藝林得之以供清玩松雪翁書非茅紹之  
刺不工今余書惡劣不逮古人而刺手亦非  
善於操刀者要不足觀也好古者亦讀其書  
可已刺既後為之跋維時豐山之鐘鏗然白  
鳴歲又將晏矣辛巳霜降節後余集并書

退谷老人銷夏記八卷吾友鮑子以文客  
吳門於藏棄家借鈔得之其中魯魚亥豕  
不一而足以文精心校勘正其訛謬殆幾  
完善且謀剞劂而慈水鄭君弗人見之色  
喜損貲以助其成余子蓉裳工小楷為寫  
七卷其寓日記一卷以文屬余續終之始  
開彫於乾隆庚辰臘越辛巳二月克歲事  
昔江村先生撰消夏錄寔在退谷老人後  
海宇竟稱焉此書百餘年來世無鋟本流  
傳蓋寔今為發其幽光良亦藝林之快事



與雲汀張宿鶴跋於學南軒

昔以詩名半野村其後至五里谷於人  
間烟林山對與氣脈平曰二氏東瀛在  
大巖其高目喻一參以文鼎余對之故  
書蘇坡以題其殆余不意東工不辭亦  
與善且無隔隔而致水便我非人見之  
不一而足以之辭之對惜其其情猶  
是門林清我東對對之其中與通其  
是谷於人能夏喻其意吾太強乎以文



1575-468



